

Memorandum mengenai  
**RANG UNDANG-UNDANG SURUHANJAYA  
PERKHIDMATAN AIR NEGARA (SPAN) 2005**  
dan  
**RANG UNDANG-UNDANG  
INDUSTRI PERKHIDMATAN AIR 2005**

kepada  
**Kementerian Tenaga, Air dan Komunikasi  
Malaysia**



oleh



**Gabungan Persatuan-Persatuan Pengguna-Pengguna  
Malaysia (FOMCA) dan 12 Ahli Gabungannya**



**Persatuan Pendidikan dan Penyelidikan  
Pengguna Malaysia (ERA Consumer)**



**Persatuan Pengguna-Pengguna  
Standard Malaysia (Standards Users)**

---

**Memorandum ini telah diserahkan kepada Kementerian Tenaga,  
Air dan Komunikasi Malaysia sebagai maklumbalas terhadap  
Rang Undang-Undang Suruhanjaya Perkhidmatan Air Negara  
2005 dan Rang Undang-Undang Industri Perkhidmatan Air 2005.**

---

# MEMORANDUM

## 1.0 PENGENALAN

Industri Air di Malaysia kini mengalami satu perubahan dan reformasi yang besar. Malaysia merupakan sebuah negara yang kaya dengan sumber semulajadi dan sumber air, namun sejak kebelakangan ini masalah kekurangan air dan catuan kepada pengguna menjadi satu perkara yang biasa. Selain itu, bekalan air yang diterima oleh pengguna berkualiti rendah serta tidak memenuhi piawaian air minuman. Faktor-faktor yang menjadi punca bekalan air yang tidak memuaskan ini adalah kadar air tanpa pulangan (NRW) yang tinggi, infrastruktur lama yang tidak diselenggara, penekanan masih tertumpu pada pengurusan bekalan dan bukannya pengurusan permintaan serta tahap kesedaran penjimatan yang amat rendah.

Dalam pada itu, sektor air di Malaysia juga mengalami impak daripada penswastan yang tidak mementingkan peraturan. Penswastan kemudahan awam terutamanya bekalan air mempunyai kesan yang negatif terutamanya kepada golongan miskin dan tidak berkemampuan dari segi jaminan keselamatan, kadar harga yang berpatutan serta penerimaan bekalan yang secukupnya. Penswastan mempunyai potensi menggalakkan syarikat konsesi mengambil alih sumber air serta mementingkan keuntungan syarikat atau seseorang individu yang akan mengabaikan kepentingan awam. Ini juga melibatkan subsidi kepada golongan komuniti miskin dan tidak berkemampuan. Penswastan akan mengakibatkan kepentingan air sebagai hak asasi seharian diabaikan akibat pengurusan bekalan air yang lebih cenderung kepada mengaut keuntungan serta meningkatkan nilai saham kepada syarikat serta pemegang saham syarikat tersebut.

Air sebagai hak asasi manusia telah diiktiraf secara meluas. Ini termaktub dalam pelbagai undang-undang antarabangsa, pengisytiharan dan konvensyen Bangsa-Bangsa Bersatu. Pada bulan November 2003, Jawatankuasa Bangsa-Bangsa Bersatu bagi Hak Ekonomi, Kebudayaan dan Sosial (UNCESR) telah mengambil langkah awal apabila mengisytiharkan bahawa hak untuk menikmati kemudahan air adalah hak asasi manusia yang asas dan semua negara pihak hendaklah mewujudkan undang-undang bagi merealisasikan hak untuk menikmati kemudahan air ini. Selain daripada itu, KomenAm UNCESR No. 15 dengan jelas menyatakan hak menikmati kemudahan air adalah hak asasi manusia yang asas, yang perlu menjadi prasyarat bagi hak-hak asasi manusia yang lain. KomenAm No. 15 ini telah menjadikan hak untuk menikmati kemudahan air sebagai satu tanggungjawab yang menjadi undang-undang yang meletakkan negara sebagai pihak yang bertanggungjawab. Konvensyen Hak Kanak-kanak (1981) serta Artikel 25, Deklarasi Universal Hak Asasi Manusia (1948) juga telah mengisytiharkan air sebagai satu hak dan keperluan harian.

Oleh itu, reformasi industri air adalah satu langkah yang baik serta langkah mengecualikan kedua-dua Rang Undang-Undang Industri Perkhidmatan Air serta Suruhanjaya Perkhidmatan Air Negara daripada Akta Rahsia Rasmi (OSA) untuk komen dan kritikan pengguna juga amat dialu-alukan.

Walaubagaimanapun kami berasa bahawa rang undang-undang ini tidak mempunyai elemen-elemen perlindungan pengguna secara menyeluruh. Rang undang-undang ini bermotifkan “full cost recovery”. Kedua rang undang-undang ini haruslah diperbaiki dan tidak boleh diterima dalam keadaan yang sedia ada.

Kami juga berharap agar kedua-dua rang undang-undang ini tidak akan membuka jalan kepada lebih banyak penswastan perkhidmatan air di seluruh Negara. Pengguna berhak menerima bekalan air yang BERSIH, SELAMAT dan BERTERUSAN pada KADAR YANG BERPATUTAN setiap masa.

Gabungan Persatuan-Persatuan Pengguna-Pengguna Malaysia (FOMCA) bersama 12 ahli gabungannya, Persatuan Pendidikan dan Penyelidikan Pengguna Malaysia (ERA Consumer) dan Persatuan Pengguna-

## M E M O R A N D U M

Pengguna Standard Malaysia (Standards Users) berharap kedua-dua rang undang-undang ini akan menjaga kepentingan pengguna dalam isu-isu perkhidmatan air di Malaysia.

Oleh itu, pihak kami ingin mengemukakan memorandum ini kepada Kementerian Tenaga, Air dan Komunikasi untuk dipertimbangkan dalam menjadikan kedua-dua rang undang-undang tersebut berjiwa rakyat serta menjaga kepentingan pengguna.

Memorandum ini merangkumi semua isu berkaitan dengan kepentingan pengguna dalam kedua-dua Rang Undang-Undang Industri Perkhidmatan Air dan Suruhanjaya Perkhidmatan Air Negara. Pada umumnya, kami berharap perkara-perkara yang diberikan perhatian ini memberi kesan positif kepada pengguna dalam menerima bekalan air yang selamat dan berterusan pada kadar tarif yang berpatutan. Kami juga berharap bahawa kepentingan pengguna terhadap penjagaan alam sekitar turut dipertimbangkan.

Di antara perkara-perkara yang diberikan perhatian adalah seperti berikut:

### KUASA MENTERI

Komen utama mengenai Suruhanjaya Perkhidmatan Air Negara yang disertakan adalah mengenai keseimbangan kuasa di antara pelbagai pihak iaitu pengguna, Menteri / Kementerian dan kerajaan serta pemegang lesen bekalan air dan pembedaan. Air yang juga ditakrifkan sebagai “Emas biru abad ke21” merupakan satu perniagaan yang memberi pulangan yang lumayan. Oleh itu, ahli-ahli Suruhanjaya haruslah dipilih dengan teliti. Sebolehnya, Pesuruhjaya harus dipilih melalui undian awam, walau bagaimanapun ini bukan amalan yang biasanya digunakan di negara kita.

Air merupakan keperluan asasi serta mempunyai kepentingan utama dalam kehidupan seharian. Dalam pada itu, pesuruhjaya harus dipilih dari pelbagai latar belakang seperti jabatan kerajaan, ahli akademik, aktivis alam sekitar, badan bukan kerajaan serta persatuan pengguna. Pesuruhjaya seharusnya mempunyai pengetahuan yang dalam mengenai isu industri air.

Yang pertama, subseksyen 1, Seksyen 11 dalam rang undang-undang SPAN merupakan satu klausa yang luar biasa berbanding akta-akta di negara lain. Lebih-lebih lagi, frasa yang menyatakan “Menteri boleh pada bila-bila masa membatalkan perantikan mana-mana anggota Suruhanjaya **tanpa memberikan apa-apa sebab bagi pembatalan itu**” tidak mencerminkan integriti dan sifat pertanggungjawapan Suruhanjaya. FOMCA ingin menegaskan bahawa air merupakan hak asasi setiap pengguna, maka tidak ada seseorang individu yang boleh dibenarkan untuk mengawal SPAN serta industri air di negara kita.

Selain itu subseksyen 1, Seksyen 18 juga menerangkan bahawa suruhanjaya juga bertanggungjawab kepada menteri yang bermaksud kuasa menteri adalah lebih besar daripada kuasa Suruhanjaya tersebut.

Kedua, klausa yang menerangkan Fungsi Suruhanjaya adalah juga sangat penting. Klausa ini menerangkan mengenai fungsi serta kuasa Suruhanjaya tersebut dalam menjalankan tanggungjawabnya. Walaubagaimanapun, pihak pengguna merasakan klausa ini tidak meliputi banyak aspek penting dalam industri air pada masa kini. Klausa fungsi suruhanjaya dalam akta Suruhanjaya Perkhidmatan Air Negara Australia diberikan keutamaan dalam keseluruhan akta tersebut. Seksyen 7 dalam akta tersebut terbahagi kepada 3 seksyen utama dan mengandungi 22 klausa yang menerangkan keseluruhan fungsi dan tanggungjawab suruhanjaya.

Kuasa Menteri sebagaimana yang dinyatakan dalam Seksyen 47 dan 56 telah disentuh sebagai tambahan kepada peruntukan dalam Seksyen 5, 11 dan 28 Suruhanjaya Perkhidmatan Air Negara (SPAN),

sebagaimana di dalam memorandum pertama. Subseksyen 5 di Seksyen 56 secara khusus menyatakan, “Keputusan, perintah dan arahan Menteri dalam melaksanakan kuasanya di bawah Seksyen ini, adalah muktamad dan tidak boleh dicabar, dirayu semula, dikaji semula, dibatalkan dan dipertikaikan di mana-mana mahkamah.” Peruntukan ini amat keterlaluan kerana ia membolehkan menteri bertindak secara sewenang-wenangnya dan membuat keputusan yang sehalal tentang industri air.

Air merupakan keperluan asas manusia. Oleh itu FOMCA merasakan peruntukan ini tidak sewajarnya wujud kerana ia memberi kuasa kepada seorang individu yang mempunyai kuasa yang besar dalam industri air. FOMCA menggesa subseksyen ini dikeluarkan daripada rang undang-undang ini. Kabinet sewajarnya memantau tindakan Menteri dan Suruhanjaya Perkhidmatan Air Negara.

Pada masa yang sama, subseksyen 9 Seksyen 56 pula terdapat peruntukan mengecualikan pemegang lesen daripada dipertanggungjawabkan terhadap tindakan mereka yang menyebabkan berlakunya kerosakan akibat daripada tindakan pemberhentian perkhidmatan, pengurangan dan penamatan bekalan air.

Seksyen 90 Rang Undang-Undang Industri Perkhidmatan Air agak mengelirukan. Peruntukan ini menyatakan bahawa pemegang lesen pengagihan air, yang juga diberikan lesen menyediakan perkhidmatan pembedaan, boleh menggunakan kuasanya walaupun terdapat pertikaian di antara pemegang lesen dengan pengguna. Keadaan ini menunjukkan pemberian kuasa yang luas kepada pemegang lesen untuk mengenakan caj kepada pengguna. Keadaan ini akan menimbulkan kesan yang besar kepada pengguna di kawasan bandar dan luar bandar yang berpendapatan rendah.

## **PEMBERHENTIAN BEKALAN AIR SEKIRANYA GAGAL MENJELASKAN BIL**

Persatuan pengguna memberikan tumpuan terhadap peruntukan berkaitan perlindungan pengguna, resolusi, pertikaian, kadar, caj dan deposit dalam Rang Undang-Undang Industri Perkhidmatan Air. Oleh itu, cadangan yang penting diberikan terhadap Seksyen 89, iaitu mengenai PEMBERHENTIAN BEKALAN AIR SEKIRANYA GAGAL MENJELASKAN BIL.

Persatuan pengguna berpandangan bahawa keseluruhan peruntukan Seksyen 89 ini menjadikan air sama seperti komoditi yang lain. Air merupakan keperluan asas yang amat penting dalam kehidupan manusia dan keperluan kesihatan. Oleh itu, tumpuan seksyen ini hendaklah dipinda agar ia menjurus kepada pendekatan sosial.

Pertama, kerangka masa yang diberikan kepada pengguna menjelaskan jumlah bil mereka hendaklah dipinda daripada 14 hari kepada 45 hari. Ini memandangkan kebanyakan pengguna di Malaysia terdiri daripada golongan berpendapatan pertengahan. Mereka amat bergantung kepada pendapatan bulanan untuk menyara kehidupan mereka. Jangka masa pendapatan bulanan di antara satu bulan (30 hari) dengan tambahan kelonggaran masa sebanyak 15 hari, menjadikan jumlah keseluruhan hari sebanyak 45 hari yang perlu diberikan bagi menyelesaikan bil.

Kedua, tempoh masa notis selama 14 hari yang diberikan kepada pengguna untuk menjelaskan bil mereka hendaklah dilanjutkan kepada 30 hari. Ini memberikan masa yang mencukupi kepada pengguna tersebut untuk mencari sumber kewangan sekiranya perlu.

Jangka masa penyambungan semula bekalan, iaitu selama 3 hari, tidak adil kepada pengguna. Memandangkan air merupakan keperluan asas, penyambungan semula perlu dilakukan dengan segera

## MEMORANDUM

dalam tempoh 24 jam selepas bayaran dijelaskan. Oleh yang demikian, perlu diadakan subseksyen yang tidak membenarkan sebarang pemberhentian bekalan pada hari minggu, cuti umum dan hari perayaan. Ini bagi mengelakkan berlakunya keadaan yang tidak selesa kepada para pengguna kerana penyambungan semula tidak dapat dilakukan dalam tempoh 24 jam walaupun telah menjelaskan bil.

Sebagai perbandingan, negara-negara lain seperti United Kingdom dan Belgium, tidak mengamalkan tindakan pemberhentian bekalan. Tindakan ini diambil memandangkan air telah diterima sebagai hak asasi manusia yang asas. Oleh itu pemberhentian bekalan merupakan pendekatan sosial yang tidak baik.

Seksyen 88 hendaklah dibaca bersama-sama dengan Seksyen 89. Bagaimanapun, tindakan pemberhentian bekalan perlu diberikan pertimbangan berdasarkan kedudukan strata pengguna yang berlainan, sebagaimana yang dijelaskan oleh FOMCA bagi Seksyen 33 (2). Cadangan FOMCA agar Seksyen 88 (1) hendaklah dikeluarkan kerana ia bercanggah dengan hak individu terhadap keperluan asas, sebagaimana yang dinyatakan dalam Deklarasi Sejagat bagi Hak Asasi Manusia (1948).

### **KOD PEMBERHENTIAN**

Sebagai tambahan kepada subseksyen yang dinyatakan di atas, sebagai langkah melindungi hak-hak pengguna, persatuan pengguna merasakan klausa baru berkaitan “kod pemberhentian” perlu ditambah dalam Akta ini. Kod Pemberhentian hendaklah dirangka oleh Suruhanjaya, setelah mendapat nasihat daripada Forum Air yang mewakili kepentingan pengguna. Begitu juga pandangan daripada penyedia perkhidmatan pemptungan juga perlu didapati dalam merangka kod ini agar kod ini memberikan keadilan kepada semua pihak. Kod ini mungkin berbeza menurut negeri yang berlainan atau berdasarkan penyedia perkhidmatan yang berbeza. Setiap pihak yang berkaitan boleh memberikan cadangan agar kod ini dirangka, namun tugas merangka kod ini dilaksanakan dan diluluskan oleh Suruhanjaya. Kod ini hendaklah dipopularkan dan disebarluaskan kepada para pengguna untuk mendidik mereka tentang tanggungjawab yang perlu ditunaikan bagi mengelakkan berlakunya pemberhentian bekalan.

### **SIAPAKAH PENGGUNA**

Rang undang-undang ini amat penting kepada semua pengguna kerana ia berasaskan kepada kualiti perkhidmatan yang diberikan oleh penyedia perkhidmatan bekalan air. Oleh itu, spesifikasi yang berkaitan kepentingan pengguna amat penting sekali. Seksyen 33, yang meletakkan batasan kepada penyedia perkhidmatan apabila berurusan dengan pengguna, hendaklah diperjelaskan lagi. Sebagaimana peruntukan yang terdapat dalam UK Water Act 2003 dan Water Services etc (Scotland) Act 2005, Rang Undang-Undang Industri Perkhidmatan Air hendaklah memasukkan peruntukan khusus bagi individu/pengguna yang berpendapatan rendah, kurang upaya, menghidap penyakit kronik, golongan pesara yang telah tua dan penduduk di kawasan luar bandar. Oleh itu, persatuan pengguna mencadangkan diwujudkan klausa khusus dalam “Kod Standard Pelanggan”, sebagaimana yang diamalkan di Scotland. Kod ini dirangka oleh penyedia perkhidmatan air dan diluluskan oleh Suruhanjaya, yang mengandungi semua perkara berkaitan kepuasan pelanggan terhadap perkhidmatan yang diberikan kepada mereka.

### **STANDARD PENGGUNA**

Seksyen 68 rang undang-undang ini mempunyai peruntukan tentang standard pengguna. Standard ini sebagai penanda aras kepada kepuasan pengguna industri ini. Oleh itu persatuan pengguna merasakan perlunya dimasukkan klausa tentang kelulusan kod dibuat oleh Suruhanjaya bagi memastikan kod ini mencerminkan keperluan pengguna.

## **FORUM AIR**

Selain itu, ForumAir, sebagaimana yang dicadangkan di bawah Seksyen 69 dan 70, sepatutnya mewakili kepentingan pengguna dan menjadi wahana bagi pengguna menyuarakan pandangan mereka. Bagaimanapun, peruntukan yang sedia ada mencadangkan forum ini dianggotai oleh kedua-dua pihak daripada industri dan pengguna. Persatuan pengguna berpendapat langkah ini akan gagal memenuhi matlamat ForumAir kerana terdapat campur tangan industri dalam Forum ini. Hal ini boleh dibukti melalui struktur keahlian dalam Forum Multimedia yang juga terletak di bawah Kementerian Tenaga, Air dan Komunikasi. Forum Multimedia gagal mengambil langkah secara proaktif dalam menyelesaikan masalah pengguna kerana tindakan industri yang cuba menghalang masalah pengguna ini diselesaikan. Masih terdapat banyak aduan yang diterima oleh Pusat Khidmat Aduan Pengguna Nasional, yang merupakan sebahagian daripada FOMCA terhadap industri komunikasi dan multimedia.

Persatuan pengguna secara tegas mencadangkan agar keahlian forum ini dihadkan kepada kerajaan, orang awam dan pengguna, bagi memaksimumkan pencapaian dan objektifnya.

## **TANGGUNGJAWAB SISTEM BEKALAN AIR AWAM DAN SALURAN PAIP**

Satu lagi isu penting yang dimasukkan dalam memorandum ini ialah kekeliruan tentang tanggungjawab terhadap kos memperbaiki, menggantikan dan menyelenggara saluran perhubungan dan sistem bekalan air awam. Sebelum ini, Enakmen Negeri seperti Enakmen Bekalan Air Selangor 1997, kos memperbaiki, menggantikan dan menyelenggara saluran perhubungan ditanggung oleh pengguna. Ini menyebabkan ramai pengguna yang menyuarakan bantahan mereka tentang perkara ini. (Rujuk Seksyen 38).

Walau bagaimanapun peruntukan Seksyen 36, Rang Undang-Undang Industri Perkhidmatan Air secara jelas menyebutkan bahawa kos dan tanggungjawab ini ditanggung oleh penyedia perkhidmatan atau pemegang lesen. FOMCA mengalu-alukan seksyen ini kerana kami merasakan pemegang lesen sewajarnya bertanggungjawab terhadap kos penyelenggaraan dan penggantian paip sehingga ke meter, termasuk paip perhubungan.

Oleh itu, kami mendesak kerajaan memansuhkan semua enakmen dan peraturan negeri bagi mengelakkan daripada berlakunya kekeliruan pada masa akan datang. Selain itu, Seksyen 38, 59 dan 63 perlu dipinda kerana seksyen-seksyen ini agak kabur dalam menyatakan tanggungjawab pemegang lesen terhadap bekalan air dan sistem pembetulan, termasuk paip perhubungan.

## **SUMBER DAN KUALITI AIR**

Baru-baru ini, sumber air negara ini menghadapi ancaman akibat ketidakcekapan pengurusan dan pencemaran. Sekiranya kitaran air ini tidak dihargai dan kualiti air mentah, seperti sumber air tidak diuruskan secara yang betul, semua usaha ini akan gagal. Kos rawatan akan meningkat dan sudah pasti pengguna terpaksa membayar tarif yang lebih tinggi. Dengan ini golongan rakyat yang terpinggir dan miskin akan menderita kerana tidak menikmati bekalan air yang bersih dan selamat.

## **PENILAIAN AWAL**

Persatuan pengguna mencadangkan agar fungsi seumpama ini diadakan dalam Industri Air Malaysia sebagai penilaian awal industri ini. Ini boleh dijadikan sebagai data penting yang disediakan dan digunakan oleh Water Asset Management Company (WAMCO), yang mempunyai kuasa untuk menguruskan semua aset industri air. Satu strategik penanda aras yang baik perlu dimasukkan dalam fungsi Suruhanjaya

## MEMORANDUM

demi meningkatkan tahap penambahbaikan industri ini. Suruhanjaya juga perlu diberikan tanggungjawab untuk memantau penggunaan Tabung Air. Ini bagi memastikan Tabung ini digunakan dengan sebaik mungkin bagi memampakan industri air dan mengelakkan daripada berulangnya pengalaman lalu yang dihadapi oleh penyedia perkhidmatan air negeri seperti PUAS.

### **PEMINDAHAN AIR ANTARA NEGERI**

Projek Pemindahan Air Antara Negeri, iaitu di antara negeri Selangor dan Pahang, merupakan satu projek besar, yang dijangkakan bermula pada tahun 2011. Akta ini perlu mengandungi fungsi-fungsi bagi memantau pelaksanaan projek ini, di samping kesan pemindahan air ini terhadap kemudahan untuk mendapatkan air.

### **PEMULIHARAAN AIR**

Malaysia dianugerahkan jumlah hujan yang banyak. Namun begitu baru-baru ini, negara mengalami ancaman kekurangan bekalan air disebabkan oleh banyak faktor, seperti musim kemarau, kelemahan pengurusan, pencemaran dan pembaziran. Pemuliharaan air merupakan isu penting yang perlu diberikan perhatian yang serius. Di Malaysia, purata penggunaan air bagi seorang antara 285 hingga 500 liter sehari. Ini menunjukkan banyak pembaziran air yang dilakukan. Berbanding dengan standard penggunaan air yang dikeluarkan oleh Pertubuhan Bangsa-bangsa Bersatu, iaitu penggunaan air bagi seorang ialah hanya 160 liter sehari. Oleh itu langkah pemuliharaan air merupakan isu penting yang perlu ditangani dengan segera. Pendidikan pengguna dan pembinaan kapasiti terhadap pemuliharaan ini perlu disepadukan dengan fungsi Suruhanjaya Perkhidmatan Air bagi mewujudkan industri air yang mampan.

Pindaan kecil pada peruntukan yang berkaitan dengan kewangan dan penyata, maklumat kepada awam, perlantikan kakitangan dan mesyuarat juga dimasukkan.

### **PENGAWAL SELIA KUALITI AIR MINUMAN**

Persatuan pengguna mencadangkan beberapa peruntukan baru tentang rancangan pengurusan sumber air, rancangan kemarau dan pengawal selia kualiti air minuman. Peruntukan-peruntukan ini dicadangkan bagi meningkatkan industri air negeri dan memastikan kualiti air mematuhi standard yang ditetapkan. Peruntukan-peruntukan ini digunakan secara meluas dalam akta-akta air di seluruh dunia.

### **AKTA KUALITI ALAM SEKITAR**

Satu mekanisme yang jelas perlu diwujudkan bagi menyepadukan klausa yang berkaitan dengan air daripada Akta Kualiti Alam Sekitar kepada Industri Pkhidmatan Bekalan Air (atau daripada EQA kepada WSI). Pada masa ini, Peraturan Kualiti Alam Sekitar (Kumbahan dan Sisa Industri) 1979 di bawah EQA. Dalam peraturan ini terdapat peruntukan tentang “Keadaan yang boleh diterima bagi mengalirkan kepada air bawah tanah,” yang lebih menyeluruh berbanding klausa 48: Kerosakan Sistem Bekalan Air Awam dan Sistem Pembetulan dan klausa 121: Kesalahan Mencemarkan Air dalam Rang Undang-Undang Industri Perkhidmatan Air. Oleh yang demikian, perlu ada satu mekanisme bagi memasukkan klausa peraturan ini dalam rang WSI seperti juga meminda atau memansuhkan peraturan sedia ada di bawah EQA.



Malaysia adalah sebuah negara demokrasi. Oleh itu sebarang akta, peraturan atau polisi hendaklah mencerminkan demokrasi dan kesaksamaan. Ini bagi menyahut seruan Perdana Menteri agar wujudnya ketelusan dan integriti dalam semua sektor. Lantaran itu, akta ini tidak seharusnya mengandungi sebarang peruntukan yang boleh memberi kesan kepada kebebasan bersuara, hak mendapatkan maklumat dan penglibatan mana-mana individu dalam industri air.

Kami, persatuan-persatuan pengguna yang dinyatakan di atas, berharap Menteri Tenaga, Air dan Komunikasi memberikan pertimbangan sewajarnya terhadap ulasan dan cadangan yang diberikan. Kami juga berharap rang undang-undang air ini tidak hanya memberikan keuntungan kepada pihak industri tetapi juga membawa kebaikan kepada para pengguna kerana air merupakan keperluan asas yang penting untuk manusia.



**Marimuthu Nadason**

*P.J.K., AMN, AMP.*

*Presiden, FOMCA*

*Presiden, ERA Consumer Malaysia*

*Presiden, Standards Users*

## RANG UNDANG-UNDANG SURUHANJAYA PERKHIDMATAN AIR NEGARA 2005

### 2.0 PERUNTUKAN DALAM RANG UNDANG-UNDANG SPAN, KOMEN SERTA CADANGAN

#### 2.1 BAHAGIAN II : SURUHANJAYA

##### 2.1.1 Keanggotaan Suruhanjaya

Peruntukan dalam Seksyen 5;

- 5.(1) Suruhanjaya hendaklah terdiri daripada anggota yang berikut yang hendaklah dilantik oleh Menteri:**
- (a) Pengerusi; dan**
  - (b) tidak kurang daripada lapan tetapi tidak lebih daripada sepuluh orang lain, yang, pada pendapat Menteri, mempunyai pengalaman dan menunjukkan keupayaan dan profesionalisme dalam perkara yang berhubungan dengan kewangan, kejuruteraan, perniagaan atau pentadbiran, atau yang selainnya sesuai untuk rancangantikan kerana pengetahuan dan pengalaman mereka yang khas.**
- (2) Peruntukan Jadual hendaklah terpakai bagi anggota Suruhanjaya.**
- (3) Menteri boleh meminda peruntukan Jadual melalui perintah yang disiarkan dalam *Warta*.**

#### Komen mengenai peruntukan dalam Rang Undang-Undang

Seksyen 5(1) tidak menjelaskan syarat-syarat untuk perlantikan Pesuruhjaya dan komposisi spesifik kerajaan kepada agensi-agensi lain yang terlibat. Dimaklumkan bahawa Menteri akan melantik Pesuruhjaya tetapi sepatutnya lebih banyak informasi diberi untuk menjelaskan peruntukan tersebut.

#### Perbandingan dengan akta yang lain Seksyen 4(2) Akta Kualiti Alam Sekitar 1974 (Akta 127)

4. Penubuhan Majlis Kualiti Alam Sekitar
- (2) Majlis akan terdiri daripada ahli-ahli yang berikut;
- (a) Pengerusi yang akan dilantik oleh Menteri
  - (b) Ketua Setiausaha, Kementerian Sains, Teknologi dan Alam Sekitar ataupun wakil sahnyanya;
  - (c) Ketua Setiausaha, Kementerian Perdagangan Antarabangsa dan Industri ataupun wakil sahnyanya;
  - (cc) Ketua Setiausaha, Kementerian Perdagangan Dalam Negeri dan Hal Ehwal Pengguna ataupun wakil sahnyanya;

- (ccc) Ketua Setiausaha, Kementerian Pertanian ataupun wakil sahnya;
- (d) Ketua Setiausaha, Kementerian Sumber Manusia ataupun wakil sahnya;
- (dd) Ketua Setiausaha, Kementerian Pengangkutan ataupun wakil sahnya;
- (e) Ketua Pengarah Kementerian Kesihatan ataupun wakil sahnya;
- (f) Seorang ahli dari Sabah dan seorang dari Sarawak yang akan dilantik oleh Menteri selepas konsultasi dengan pihak kerajaan negeri Sabah dan Sarawak;
- (g) Seorang ahli yang akan dilantik oleh Menteri di kalangan individu dari industri petroleum;
- (gg) Seorang ahli yang akan dilantik oleh Menteri di kalangan individu dari industri kepala sawit;
- (h) Seorang ahli yang akan dilantik oleh Menteri dari Gabungan Pengilang-Pengilang Malaysia (FMM) ataupun sekiranya Gabungan tersebut tidak wujud, individu yang berpengalaman dari industri pembuatan;
- (hh) Seorang ahli yang akan dilantik oleh Menteri di kalangan individu dari industri getah;
- (i) Seorang ahli yang akan dilantik oleh Menteri di kalangan individu dari staf akademik Universiti ataupun kolej dalam Malaysia;
- (j) Dua orang ahli yang akan dilantik oleh Menteri di kalangan individu dari Persatuan-Persatuan Berdaftar yang berpengetahuan dalam hal-hal berkaitan dengan alam sekitar.

**Akta Suruhanjaya Tenaga 2001 (Akta 610)**  
**Seksyen 5 Keahlian Suruhanjaya**

- (1) Suruhanjaya akan mengandungi ahli-ahli berikut yang akan dilantik oleh Menteri;
  - (a) Seorang Pengerusi;
  - (b) Dua orang ahli mewakili kerajaan; dan
  - (c) Tidak kurang dari dua orang tetapi tidak lebih dari empat orang ahli lain.
- (2) Menteri berkuasa untuk melantik ahli-ahli dalam Suruhanjaya sebagai Pengerusi sementara sekiranya;-
  - (a) Jawatan Pengerusi masih kosong;
  - (b) Apabila Pengerusi tidak ... dari tugasnya ataupun berada di luar negara;
  - (c) Apabila Pengerusi, atas sebab-sebab lain, tidak berupaya untuk melaksanakan tugasnya.

**Australian National Water Commission Act 2004**  
**Seksyen 11 Perlantikan Pesuruhjaya**

- 1. Seorang Pesuruhjaya akan dilantik oleh Ketua Gabenor secara bertulis, sama ada secara sepenuh masa ataupun separuh masa.
- 2. Seorang Pesuruhjaya akan memegang jawatannya selama jangkamasa yang dinyatakan dalam surat perlantikannya. Jangkamasa tersebut mesti tidak melebihi tempoh 3 tahun.
- 3. Seseorang individu tidak berhak untuk dilantik sebagai Pesuruhjaya kecuali beliau mempunyai pengalaman yang luas dalam fungsi NWC. Bidang yang berkaitan termasuk, tetapi tidak terhad kepada aspek-aspek yang berikut;
  - (a) pengurusan sumber air;

## MEMORANDUM

- (b) ekologi air segar ataupun hidrologi;
- (c) ekonomi sumber;
- (d) pentadbiran sector awam;
- (e) pengauditan, penilaian ataupun pelaksanaan program berkaitan dengan pengurusan sumber alam.

### CADANGAN

5. (1) *Suruhanjaya hendaklah terdiri daripada anggota yang berikut yang hendaklah dilantik oleh Menteri selepas berunding dengan Parlimen/Suruhanjaya:*
- (a) *Pengerusi; dan*
  - (b) *Dua orang ahli mewakili kerajaan;*
  - (c) *Dua orang ahli dari masyarakat sivil, CBO ataupun NGO;*
  - (d) *Tidak kurang dari empat orang tetapi tidak lebih dari enam orang ahli biasa yang dicalonkan berdasarkan subseksyen*
- (2) *Seseorang individu tidak berhak untuk dilantik sebagai Pesuruhjaya kecuali beliau mempunyai pengalaman dan latar belakang yang luas dalam bidang kewangan, kejuruteraan, perniagaan ataupun pentadbiran, ataupun berpengetahuan mendalam dalam bidang yang berkaitan dengan fungsi SPAN. Bidang yang berkaitan termasuk, tetapi tidak terhad kepada aspek-aspek yang berikut;*
- (a) *pengurusan sumber air;*
  - (b) *ekologi air segar ataupun hidrologi*
  - (c) *ekonomi sumber*
  - (d) *pentadbiran sektor awam*
  - (e) *pengauditan, penilaian ataupun pelaksanaan program berkaitan dengan pengurusan sumber alam*
- (3) *Peruntukan Jadual hendaklah terpakai bagi anggota Suruhanjaya.*
- (4) *Menteri boleh meminda peruntukan Jadual melalui perintah yang disiarkan dalam Warta.*

### Justifikasi:

Pertama, ahli-ahli Suruhanjaya **tidak sepatutnya dilantik atas budi bicara Menteri tetapi selepas rundingan dengan Parlimen**. Perundingan dengan Parlimen akan mengalakkan ketaksamaan dan ketelusan dalam perlantikan Pesuruhjaya melalui pengetahuan dan pengalaman.

Kedua, Pesuruhjaya sepatutnya dilantik dari pelbagai sector, organisasi ataupun agensi untuk memastikan bahawa kesemua pandangan akan diambil kira. Contohnya, dalam seksyen 4(2) Akta Kualiti Alam Sekitar 1974 (Akta 127) dan perundangan subsidiary, ahli-ahli dalam Majlis Kualiti Alam Sekitar dinyatakan dengan jelas sekali. Selain itu, dalam Akta Suruhanjaya Tenaga 2001 (Akta 610), telah dispesifikasikan bahawa dua orang ahli dari Suruhanjaya akan mewakili kerajaan. Oleh itu, peruntukan untuk menspesifikasikan penglibatan dua orang ahli Suruhanjaya dari kerajaan adalah penting untuk mengelak dari kesemua Pesuruhjaya dilantik dan dipilih dari kementerian ataupun kerajaan untuk

menjamin ketaksamaan. Organisasi yang mewakili pihak pengguna dan perlindungan alam sekitar sepatutnya dicalonkan sebagai ahli.

Ketiga, sepatutnya wujud kriteria spesifik yang menjelaskan kelayakan seorang Pesuruhjaya. Kriteria yang dinyatakan tidak meliputi spesifikasi fungsi dan kepakaran yang berkaitan dengan industri air. Contohnya, dalam Seksyen 11 Australian National Water Commission Act 2004, kriteria untuk melantik Pesuruhjaya yang berkelayakan telah dinyatakan dengan jelas. Ini dapat memastikan bahawa hanya individu yang mempunyai kepakaran dalam bidang pengurusan sumber alam sekitar akan dilantik, bukan kepakaran am sepertimana yang dinyatakan dalam Rang Undang-Undang.

### 2.1.2 Akuan berkanun oleh anggota Suruhanjaya

Peruntukan untuk Seksyen 7;

- 7. (1) Tiada seorang pun boleh dilantik sebagai anggota Suruhanjaya melainkan jika sebelum rancangantikan sedemikian orang itu membuat suatu akuan berkanun sama ada dia mempunyai apa-apa kepentingan, dari segi kewangan atau selainnya, dalam apa-apa usaha yang melibatkan perkhidmatan bekalan air atau perkhidmatan pembedungan.**
- (2) Jika seseorang anggota Suruhanjaya memperoleh apa-apa kepentingan, dari segi kewangan atau selainnya, dalam apa-apa usaha yang melibatkan perkhidmatan bekalan air atau perkhidmatan pembedungan dia hendaklah, dalam masa satu bulan selepas pemerolehan itu, memberikan notis secara bertulis kepada Menteri dengan menyatakan kepentingan yang telah diperoleh itu, dan Menteri boleh, selepas menimbang perkara itu, jika difikirkannya patut, mengisytiharkan bahawa anggota itu telah mengosongkan jawatannya.**

### Komen mengenai peruntukan Rang Undang-Undang

Maklumat yang lebih mendalam harus dimasukkan dalam Seksyen 7 untuk mengelak daripada penyalahgunaan kuasa untuk kepentingan individu.

### Perbandingan dengan akta lain

#### Australian National Water Commission Act 2004

Seksyen 15 Pengupahan luaran

- (1) Pesuruhjaya sepenuh masa tidak boleh terlibat dalam sebarang pekerjaan bergaji yang berbayar tanpa kebenaran dari Menteri.
- (2) Pesuruhjaya separuh masa tidak boleh terlibat dalam sebarang pekerjaan luaran bergaji yang menimbulkan konflik dengan tanggungjawabnya sebagai Pesuruhjaya tanpa kebenaran Menteri.

### CADANGAN

- 7. (1) Tiada seorang pun boleh dilantik sebagai anggota Suruhanjaya melainkan jika sebelum rancangantikan sedemikian orang itu membuat suatu akuan berkanun sama ada dia mempunyai apa-apa kepentingan, dari segi kewangan atau selainnya, dalam apa-apa usaha yang melibatkan perkhidmatan bekalan air atau perkhidmatan pembedungan.*
- (2) Jika seseorang anggota Suruhanjaya memperoleh apa-apa kepentingan, dari segi kewangan*

## MEMORANDUM

*atau selainnya, dalam apa-apa usaha yang melibatkan perkhidmatan bekalan air atau perkhidmatan pembedungan dia hendaklah, dalam masa satu bulan selepas pemerolehan itu, memberikan notis secara bertulis kepada Menteri dengan menyatakan kepentingan yang telah diperolehi itu, dan Menteri boleh, selepas menimbang perkara itu, jika difikirkannya **harus**, mengisytiharkan bahawa anggota itu telah mengosongkan jawatannya.*

- (3) Pesuruhjaya sepenuh masa tidak boleh terlibat dalam sebarang pekerjaan bergaji yang berbayar tanpa kebenaran dari Menteri.**
- (4) Pesuruhjaya separuh masa tidak boleh terlibat dalam sebarang pekerjaan luaran bergaji yang menimbulkan konflik dengan tanggungjawabnya sebagai Pesuruhjaya tanpa kebenaran Menteri .**

### Justifikasi

Tanggungjawab ahli Suruhanjaya adalah mustahak untuk memastikan bahawa Suruhanjaya mempunyai sumber yang mencukupi untuk melaksanakan undang-undang dan menjalankan fungsi Suruhanjaya. Oleh itu, fasal tambahan menjelaskan pengupahan bergaji adalah penting untuk memastikan bahawa seseorang Pesuruhjaya akan melaksanakan tanggungjawab sepenuhnya untuk memajukan industri air. Oleh itu, jika seseorang Pesuruhjaya menyatakan minatnya untuk melibatkan diri dalam bekalan perkhidmatan air dan pembedungan, maka beliau harus mengosongkan jawatannya sebagai Pesuruhjaya untuk mengelakkan dari penyalahgunaan kuasa. Fasal ini jelas dinyatakan dalam seksyen 15 Australian National Water Commission Act 2004 sebagai pengupahan luaran.

### 2.1.3 Pembatalan perlantikan dan perletakan jawatan

Peruntukan dalam Seksyen 11;

- 11. (1) Menteri boleh pada bila-bila masa membatalkan perlantikan mana-mana anggota Suruhanjaya tanpa memberikan apa-apa sebab bagi pembatalan itu.**
- (2) Seseorang anggota Suruhanjaya boleh, pada bila-bila masa, meletakkan jawatannya dengan memberikan notis secara bertulis kepada Menteri.**

### Komen mengenai peruntukan Rang Undang-Undang

Seksyen 11(1) mengenai pembatalan perlantikan merupakan peruntukan yang tidak digunakan di mana-mana negara dan Suruhanjaya lain. Seksyen 11(2) menjelaskan perletakan jawatan Pesuruhjaya dan seksyen 12 dalam pengosongan jawatan adalah mencukupi. Peruntukan sebegini terlalu menekankan kuasa Menteri. Oleh itu, peruntukan 11(1) seharusnya dikeluarkan dan diganti dengan susunan kata yang lebih menggambarkan ketelusan dan integriti Akta.

## **Akta Suruhanjaya Hak Asasi Manusia 1999**

### **Seksyen 9 Pengosongan jawatan**

Jawatan seseorang anggota Suruhanjaya hendaklah menjadi kosong-

- (a) apabila anggota itu mati
- (b) apabila anggota itu meletakkan jawatan melalui surat yang ditujukan kepada Yang di-Pertuan Agong;
- (c) apabila tamat tempoh jawatannya; atau
- (d) apabila anggota yang dipecat daripada jawatan atas apa-apa alasan yang dinyatakan dalam seksyen 10.

### **Seksyen 10 Kehilangan Kelayakan**

- 10. Seseorang anggota Suruhanjaya boleh dipecat daripada jawatan oleh Yang di-Pertuan Agong jika-
  - (a) anggota itu dihukum tak solven oleh mahkamah berbidang kuasa berwibawa
  - (b) Yang di-Pertuan Agong, setelah berunding dengan seseorang pegawai perubatan atau pengamal perubatan berdaftar, berpendapat bahawa anggota itu tidak berupaya dari segi fizikal atau mental untuk terus memegang jawatannya;
  - (c) Anggota itu tidak menghadiri tiga kali berturut-turut mesyuarat Suruhanjaya tanpa mendapat kebenaran Suruhanjaya atau, dalam hal Pengerusi, tanpa kebenaran Menteri;
  - (d) Yang di-Pertuan Agong, atas syor Perdana Menteri, berpendapat bahawa anggota itu-
    - (i) telah melibatkan diri dalam apa-apa jawatan atau pekerjaan bergaji yang bercanggah dengan kewajipannya sebagai seorang anggota Suruhanjaya;
    - (ii) telah berkelakuan salah atau berkelakuan sedemikian cara hingga mencemarkan nama Suruhanjaya; atau
    - (iii) telah bertindak melanggar Akta ini dan bercanggah dengan kewajipannya sebagai anggota Suruhanjaya.

### **Seksyen 11 Perletakan jawatan**

Seseorang anggota Suruhanjaya boleh pada bila-bila masa meletakkan jawatannya melalui surat yang ditujukan kepada Yang di-Pertuan Agong.

## **Australian National Water Commission Act 2004**

### **Section 18 Penamatan Perlantikan**

*Semua Pesuruhjaya*

- (1) Ketua Gabenor boleh menamatkan perlantikan seorang Pesuruhjaya sekiranya;
  - (a) berkelakuan buruk ataupun tidak berupaya dari segi fizikal dan mental; ataupun
  - (b) sekiranya Pesuruhjaya:
    - i) Telah diisytiharkan muflis; ataupun
    - ii) Menyalahgunakan undang-undang untuk membebaskan diri dari muflis ataupun hutang; ataupun
    - iii) Berhutang dengan pemiutang; ataupun
    - iv) Memberikan ganjaran yang menguntungkan penghutangnya; ataupun
  - (c) sekiranya Pesuruhjaya gagal, tanpa alasan sewajarnya untuk mematuhi seksyen 22

## MEMORANDUM

*Fasal tambahan: Pesuruhjaya sepenuh masa*

- (2) Ketua Gabenor boleh menamatkan perlantikan Pesuruhjaya sepenuh masa sekiranya:
- (a) Pesuruhjaya tidak menghadirkan diri kecuali dengan kebenaran, untuk 14 hari berturut-turut ataupun selama 28 hari dalam mana-mana 12 bulan; ataupun
  - (b) Pesuruhjaya terlibat, kecuali dengan kebenaran Menteri, pekerjaan bergaji luar dari tanggungjawab jawatannya.

*Fasal tambahan : Pesuruhjaya separuh masa*

- (3) Ketua Gabenor boleh membatalkan perlantikan Pesuruhjaya separuh masa sekiranya:
- (a) Pesuruhjaya tidak hadir, kecuali dengan kebenaran, tiga mesyuarat NWC berturut-turut; ataupun
  - (b) Pesuruhjaya terlibat, kecuali dengan kebenaran Menteri, dalam pekerjaan yang akan berkonflik dengan tanggungjawab jawatannya.

### CADANGAN

***11 (1) Menteri boleh menamatkan perlantikan seseorang Pesuruhjaya jika;***

- (a) Terdapat alasan yang munasabah untuk berbuat demikian***
- (b) Mendapati bahawa alasan yang dikemukakan oleh Pesuruhjaya tersebut tidak dapat diterima; Menteri harus berunding dengan Suruhanjaya***

***(2) Ahli tidak akan dilucutkan jawatannya sekiranya beliau menjalankan tugasnya dengan iktikad dalam Suruhanjaya***

***(3) Ahli tidak akan dilucutkan jawatannya semasa Suruhanjaya bersidang untuk membincangkan resolusi.***

***(4) Seseorang anggota Suruhanjaya boleh, pada bila-bila masa, meletakkan jawatannya dengan memberikan notis secara bertulis kepada Menteri.***

### Justifikasi

Fasal yang membenarkan Menteri untuk menamatkan jawatan Pesuruhjaya **tanpa sebarang alasan** boleh menjejaskan integriti Suruhanjaya. FOMCA berpendapat tiada sesiapa yang berhak untuk mendapat kuasa mutlak untuk mengawal industri air. Seksyen 11(1) adalah tidak adil dan munasabah berbanding dengan akta lain. Contohnya, Akta Suruhanjaya Hak Asasi manusia 1999 tidak mempunyai fasal tentang penarikan balik perlantikan. Seksyen 9, 10 dan 11 yang meliputi pengosongan jawatan, pembatalan dan perletakan jawatan adalah mencukupi.

Selain itu, Seksyen 18 Australian National Water Commission Act 2004 telah menjelaskan dengan teliti kriteria yang membenarkan Ketua Gabenor untuk menamatkan perlantikan Pesuruhjaya. Cadangan yang dikemukakan untuk peruntukan adalah untuk memastikan pembahagian kuasa yang seimbang serta memperlihatkan ketelusan dan tanggungjawab kerajaan.



## 2.2 BAHAGIAN III : FUNGSI DAN KUASA SURUHANJAYA

### 2.2.1 Fungsi Suruhanjaya

Peruntukan dalam Seksyen 15

- 15. Suruhanjaya hendaklah mempunyai segala fungsi yang dikenakan ke atasnya di bawah undang-undang perkhidmatan bekalan air dan pembedaan dan hendaklah juga mempunyai fungsi-fungsi yang berikut:**
- (a) menasihati Menteri tentang segala perkara berhubung dengan objektif dasar kebangsaan bagi undang-undang perkhidmatan bekalan air dan pembedaan dan melaksanakan dan memajukan objektif dasar kebangsaan itu;
  - (b) melaksanakan dan menguatkuasakan undang-undang perkhidmatan bekalan air dan pembedaan dan menimbang dan mengesyorkan pembaharuan kepada undang-undang perkhidmatan bekalan air dan pembedaan;
  - (c) memastikan daya pengeluaran industri perkhidmatan bekalan air dan perkhidmatan pembedaan dan memantau pengendali mematuhi standard perkhidmatan yang ditetapkan, obligasi berkontrak dan undang-undang dan garis panduan yang berkaitan;
  - (d) menambah usaha bersepadu ke arah peningkatan kecekapan pengendalian industri itu dan secara khususnya pengurangan air tidak berhasil melalui program jangka pendek, jangka pertengahan dan jangka panjang;
  - (e) menasihati Menteri tentang mekanisme yang adil dan cekap bagi menentukan tarif yang adil kepada kedua-dua pengguna dan pemegang lesen dan melaksanakan tarif yang telah ditetapkan melalui mekanisme dan alat yang sesuai;
  - (f) memastikan matlamat pembangunan negara berkenaan dengan liputan, bekalan dan akses kepada perkhidmatan bekalan air dan perkhidmatan pembedaan dicapai;
  - (g) memastikan pengekalan kualiti air dan perkhidmatan pembedaan secara jangka panjang melalui pembangunan modal kerja yang berterusan;
  - (h) merumuskan dan melaksanakan rancangan supaya semua permintaan yang munasabah bagi perkhidmatan pembedaan dipenuhi dan melalui perundingan dengan pihak berkuasa yang berkaitan, menyediakan suatu rancangan kawasan tadahan pembedaan yang merumuskan dasar dan cadangan am berkenaan dengan pembangunan apa-apa sistem pembedaan yang baru dan langkah-langkah bagi pembaikan mana-mana sistem pembedaan yang sedia ada;
  - (i) menjalankan apa-apa fungsi yang diberikan kepadanya di bawah mana-mana undang-undang bertulis yang lain; dan
  - (j) menasihati Menteri secara amnya mengenai perkara-perkara yang berhubung dengan perkhidmatan bekalan air dan perkhidmatan pembedaan.

### Komen mengenai Rang Undang-Undang

Seksyen 15 merupakan peruntukan yang paling penting dalam rang undang-undang ini, kerana ia mengandungi fungsi suruhanjaya. Oleh itu, perkara penting yang lain, yang berkaitan dengan industri air masa kini, patut dimasukkan dalam fungsi tersebut.

## MEMORANDUM

### Perbandingan dengan akta lain

#### Australian National Water Commission 2004

#### Seksyen 7 Fungsi Suruhanjaya Air Kebangsaan (SAK)

##### Fungsi Umum

SAK mempunyai fungsi umum seperti berikut

- a) Membantu dalam pelaksanaan SAK, dan menjalankan aktiviti untuk mempromosikan objektif dan pencapaian Inisiatif Air Kebangsaan (IAK).
- b) Jika diminta oleh Menteri, memberi nasihat dan cadangan kepada Komanwel berkaitan dengan isu yang mempunyai kepentingan nasional berhubung dengan isu air (termasuk pentadbiran sumber air secara lestari dan penggunaan air)
  - ba) Memberi nasihat dan cadangan kepada COAG (Commission of Australian Government) berkaitan dengan isu yang terkandung dalam perenggan (b);
- c) Jika diperlukan oleh Menteri, memberi nasihat dan cadangan kepada Menteri berkaitan dengan isu air:
- d) Jika diperlukan oleh Menteri, memberi nasihat dan cadangan berkaitan dengan;
  - i) Tabung Air Australia
  - ii) Komanwel program yang lain yang berkaitan dengan pentadbiran dan regulasi dengan sumber air Australia;
- e) memberi nasihat kepada Komanwel atau COAG, di mana yang diperlukan sama ada negeri atau wilayah untuk melaksanakan komitmen di bawah persetujuan (selain dari IAK atau COAG Rangka Reformasi Air) di antara Komanwel dan Negeri atau Wilayah berkaitan dengan pentadbiran dan pengawalan Sumber Air Australia, jika perjanjian, tersebut membolehkan SAK berfungsi.
- f) atau fungsi lain yang ditetapkan dalam peraturan

##### Fungsi khas berkaitan dengan pelaksanaan SAK

- (2) SAK mempunyai fungsi khusus seperti berikut dalam melaksanakan IAK
  - a) Menjalankan penilaian awal;
    - i) Sumber Air Australia
    - ii) pengawalan, pentadbiran dan peraturan sumber tersebut; berkaitan dengan kerja yang telah dijalankan oleh pihak yang bertanggungjawab terhadap IAK, dan jika diperlukan kerja yang boleh digunakan untuk membuat penilaian.
  - b) Memberi nasihat kepada COAG berkaitan dengan penilaian awal SAK di bawah perenggan (a);
  - c) Menentukan agar rancangan pihak dalam melaksanakan IAK adalah konsisten dengan objektif, hasil, tindakan dan pada masa yang ditetapkan di dalam IAK, dan memberikan pengesahan terhadap rancangan tersebut selaras dengan IAK.
  - d) Memberi nasihat kepada COAG berkaitan keazaman dan akreditasi di bawah perenggan (c);

- e) menasihati Komanwel atau COAG, di mana sesuai, samada parti kepada IAK mengimplementasikan komitmen di bawah IAK;
  - f) Mengawasi kesan entiti perniagaan air di antara negeri di Murray Selatan-Darling Basin, dan memberi nasihat kepada parti yang berkaitan kepada IAK terhadap kesan tersebut;
  - g) Pada setiap 2 tahun bermula 2006-07, menilai terhadap tanda aras kebangsaan dengan pencapaian industri air dalam mentadbir dan menggunakan sumber air Australia (sebagai contoh, harga air, kos pentadbiran air dan kecekapan pengairan) dan memberi nasihat kepada COAG terhadap penilaian tersebut;
  - h) Untuk 2006-07 dan 2008-2009;
    - i) menilai kemajuan pihak yang bertanggungjawab terhadap IAK di dalam mencapai objektif dan hasil yang terkandung dan dalam sasaran masa yang ditetapkan oleh IAK ; dan
    - ii) memberi nasihat kepada COAG berkaitan dengan penilaian tersebut dan
    - iii) memberi nasihat kepada COAG berkaitan dengan tindakan pihak yang bertanggungjawab akan ambil untuk mencapai objektif dan hasil dengan lebih baik.
  - i) Untuk 2010-11, mengkaji SAK secara menyeluruh, termasuk menilai:
    - i) IAK dengan petunjuk pencapaian yang dimajukan oleh Jawatankuasa Menteri Pentadbiran Sumber Asli dengan perbincangan dengan SAK ; and
    - ii) Setakat mana tindakan yang diambil di bawah IAK memperbaiki Pengurusan Lestari Sumber Air Australia dan menyumbang kepada kebaikan nasional; dan
    - iii) Kesan pelaksanaan IAK kepada masyarakat di peringkat serantau, kawasan luar bandar dan Bandar.
- (3) Fungsi khusus berkaitan dalam pelaksanaan Kerangka Pembaharuan Air COAG:
- a) untuk 2005, menilai sama ada pihak yang bertanggungjawab kepada IAK telah melaksanakan komitmen mereka di bawah Kerangka Pembaharuan Air COAG, dan memberi nasihat kepada Komanwel berkaitan dengan penilaian tersebut
  - b) untuk 2005, jika diperlukan oleh Menteri, menilai semula sama ada Negeri atau Wilayah yang tidak termasuk dalam pihak yang bertanggungjawab kepada IAK yang telah melaksanakan komitmen di bawah Kerangka Pembaharuan Air COAG, dan memberi nasihat kepada Komanwel berkaitan dengan penilaian tersebut.
  - c) Untuk tahun yang berikutnya, jika diperlukan dan diminta oleh Menteri, memberi nasihat kepada Komanwel di dalam perkembangan Daerah dan Wilayah yang telah mempunyai komitmen yang masih perlu dilaksanakan di bawah Kerangka Pembaharuan Air COAG terhadap pelaksanaan komitmen tersebut.

## **AKTA SURUHANJAYA TENAGA 2001 (AKTA 610)**

### **Seksyen 14 Fungsi dan Kuasa Suruhanjaya**

- 1) Suruhanjaya tersebut akan mempunyai fungsi yang disyaratkan di bawah Undang-Undang bekalan tenaga dan akan mengandungi fungsi-fungsi berikut:
  - a) menasihati Menteri di dalam semua perkara berkaitan dengan Objektif Polisi Nasional untuk aktiviti bekalan tenaga;
  - b) menasihati Menteri di dalam semua perkara berkaitan dengan penjanaan, pengeluaran, penyiaran, pengedaran, bekalan dan penggunaan bekalan elektrik seperti yang terkandung dalam Undang-undang bekalan elektrik;

## MEMORANDUM

- c) menasihati menteri didalam semua perkara berkaitan dengan bekalan gas melalui saluran paip dan penggunaan gas seperti yang terkandung dalam Undang-undang bekalan gas;
  - d) Melaksanakan dan menguatkuasakan Undang-undang bekalan tenaga;
  - e) Menyelaraskan segala perkara yang berkaitan dengan Industri bekalan tenaga dan melindungi setiap orang daripada bahaya yang disebabkan oleh penjanaan, pengeluaran, penyiaran, pengedaran, bekalan dan penggunaan bekalan elektrik seperti yang terkandung dalam Undang-undang Bekalan Tenaga Elektrik.
  - f) Melaraskan segala perkara berkaitan dengan bekalan gas melalui saluran paip dan melindungi setiap orang dari bahaya yang timbul dari bekalan melalui saluran paip dan penggunaan gas seperti yang terkandung dalam undang-undang bekalan gas.
  - g) Mempromosikan kecekapan, ekonomi dan keselamatan di dalam penjanaan, pengeluaran, penyiaran, pengedaran, bekalan dan penggunaan tenaga elektrik dan bekalan gas melalui talian pipe dan penggunaan gas yang dibekalkan melalui saluran paip;
  - h) Mempromosikan dan melindungi persaingan dan pengendalian pasaran yang adil dan cekap atau, di dalam pasaran yang tidak ada persaingan, menghalang penyalahgunaan monopoli atau kuasa pasaran berkaitan dengan penjanaan, pengeluaran, penyiaran, pengedaran, bekalan tenaga elektrik dan bekalan gas melalui talian paip;
  - i) Mempromosikan penggunaan tenaga yang boleh diperbaharui dan pemuliharaan tenaga yang tidak boleh diperbaharui;
  - j) Mempromosikan penyelidikan, pembangunan serta penggunaan teknik-teknik berkaitan dengan: -
    - i) penjanaan, pengeluaran, penyiaran, pengedaran, bekalan dan penggunaan tenaga elektrik
    - ii) Bekalan gas melalui saluran paip dan penggunaan gas yang dibekalkan melalui talian paip.
  - k) Mengalakkan dan mempromosikan pembangunan industri bekalan elektrik dan bekalan gas melalui talian pipe termasuk bahagian latihan;
  - l) Menggalakkan dan mempromosikan peraturan sendiri (self-regulation) didalam Industri bekalan Elektrik dan bekalan gas melalui saluran paip;
  - m) Menjalankan semua fungsi yang telah ditetapkan di bawah undang-undang bekalan tenaga;
  - n) Mengkaji undang-undang bekalan tenaga dan membuat cadangan yang diperlukan untuk Menteri; dan
  - o) Menjalankan semua aktiviti yang menjadi keperluan Suruhanjaya, berkaitan dengan kebaikan atau sesuai untuk tujuan menjalankannya atau berkaitan dengan penilaian prestasi fungsinya di bawah Undang-undang bekalan tenaga.
- 2) Suruhanjaya akan mempunyai semua kuasa yang akan diperlukan untuk, atau berkaitan dengan prestasi bagi fungsi di bawah undang-undang bekalan tenaga.

### CADANGAN

15. *Suruhanjaya hendaklah mempunyai segala fungsi yang dikenakan ke atasnya di bawah undang-undang perkhidmatan bekalan air dan pembedaan dan hendaklah juga mempunyai fungsi-fungsi yang berikut:*
- (a) *menasihati Menteri tentang segala perkara berhubung dengan objektif dasar kebangsaan bagi undang-undang perkhidmatan bekalan air dan pembedaan dan melaksanakan dan memajukan objektif dasar kebangsaan itu;*

- (b) untuk menjalankan penilaian awal untuk:**
- i) Sumber Air Malaysia**
  - ii) Pengawasan, pentadbiran dan peraturan sumber tersebut; berkaitan dengan kerja yang telah dijalankan oleh pihak yang bertanggungjawab terhadap SPAN dan jika diperlukan menjalankan tugas yang berterusan untuk membuat penilaian.**
- (c) melaksanakan dan menguatkuasakan undang-undang perkhidmatan bekalan air dan pembedaan dan menimbang dan mengesyorkan pembaharuan kepada undang-undang perkhidmatan bekalan air dan pembedaan;
- (d) memastikan daya pengeluaran industri perkhidmatan bekalan air dan perkhidmatan pembedaan dan memantau pengendali mematuhi standard perkhidmatan yang ditetapkan, obligasi berkontrak dan undang-undang dan garis panduan yang berkaitan;
- (e) menambah usaha bersepadu ke arah peningkatan kecekapan pengendalian industri itu dan secara khususnya pengurangan air tidak berhasil melalui program jangka pendek, jangka pertengahan dan jangka panjang;
- (f) Menilai dengan merujuk kepada Polisi Nasional dan penanda aras pencapaian industri air dalam mentadbir dan menggunakan sumber air Malaysia (sebagai contoh, harga air, kos pengurusan air dan kecekapan pengairan) dan memberi nasihat kepada Parlimen terhadap penilaian tersebut;**
- (g) menasihati Menteri tentang mekanisme yang adil dan cekap bagi menentukan tarif yang adil kepada kedua-dua pengguna dan pemegang lesen dan melaksanakan tarif yang telah ditetapkan melalui mekanisme dan alat yang sesuai;
- (h) Menasihati dan memberi cadangan kepada Menteri berkenaan dengan Tabung Suruhanjaya Perkhidmatan Air Negara dan penggunaannya**
- (i) memastikan matlamat pembangunan negara berkenaan dengan liputan, bekalan dan akses kepada perkhidmatan bekalan air dan perkhidmatan pembedaan dicapai;**
  - (j) memastikan pengendalian kualiti air dan perkhidmatan pembedaan secara jangka panjang melalui pembangunan modal kerja yang berterusan;**
- (k) Menerbitkan dalam bentuk dan dengan kekerapan yang dirasakan sesuai, statistik yang dikaitkan dengan aduan pengguna berhubung dengan aktiviti pemegang lesen dan cara pengendalian aduan tersebut;**
- (l) Mempromosikan pendidikan tentang penggunaan air secara yang betul dan pemuliharaan air;**
- (m) merumuskan dan melaksanakan rancangan supaya semua permintaan yang munasabah bagi perkhidmatan pembedaan dipenuhi dan melalui perundingan dengan pihak berkuasa yang berkaitan, menyediakan suatu rancangan kawasan tadahan pembedaan yang merumuskan dasar dan cadangan am berkenaan dengan pembangunan apa-apa sistem pembedaan yang baru dan langkah-langkah bagi pembaikan mana-mana sistem pembedaan yang sedia ada;
- (n) mengawasi pelaksanaan projek dan kesan pemindahan air antara negeri di dalam pemilikan hak di dalam projek pemindahan air Pahang-Selangor dan menasihati pihak yang berkenaan dengan SPAN terhadap kesannya;**
- (o) menjalankan apa-apa fungsi yang diberikan kepadanya di bawah mana-mana undang-undang bertulis yang lain; dan
- (p) menasihati Menteri secara amnya mengenai perkara-perkara yang berhubung dengan perkhidmatan bekalan air dan perkhidmatan pembedaan.

## MEMORANDUM

### Justifikasi

Sebagai tambahan perkara yang dicadangkan untuk seksyen 15 adalah berkaitan dengan senario terkini di dalam Industri Air. Di dalam Seksyen 7 Akta Suruhanjaya Air Nasional Australia 2004, fungsi Suruhanjaya Air Nasional adalah diberikan keutamaan di dalam akta. Fungsi –fungsi tersebut adalah terbahagi dalam 3 kategori:

1. Fungsi umum
2. Fungsi khusus berkaitan dengan pelaksanaan Inisiatif Air Kebangsaan
3. Fungsi Umum berkaitan dengan pelaksanaan Kerangka Pembaharuan Air COAG

Akta ini merangkumi 22 perkara yang menerangkan secara terperinci fungsi-fungsi suruhanjaya tersebut berlandaskan kepada 3 kategori seperti di atas.

Penilaian awal yang dicadangkan akan menggalakkan Suruhanjaya tersebut mengambil langkah pertama untuk menambahkan maklumat sumber air dan pentadbiran di Malaysia. Ini akan mewujudkan garis panduan dalam tanggungjawab bersama kerajaan negeri dan kerajaan persekutuan

Pada masa ini, bekalan air di tempat-tempat yang berkependudukan yang tinggi di Malaysia dan negeri besar yang lain telah diswastakan kepada syarikat konsensi swasta. Oleh itu, SPAN harus mewujudkan satu penilaian khusus dan strategi penanda aras dan menjalankan penilaian didalam jangka masa yang ditetapkan. Penilaian tersebut akan digunakan untuk memberitahu ahli Parlimen berkenaan dengan keadaan Industri Air di Malaysia dan juga memberi maklumbalas kepada syarikat konsensi swasta yang terlibat dalam Industri Air

Tabung SPAN ditubuhkan di bawah penyeliaan SPAN. Oleh itu, fungsi SPAN termasuk mengawasi penggunaan tabung SPAN. Rancangan projek Pemindahan air antara negeri di antara Pahang dan Selangor telah dibincang secara meluas di peringkat kebangsaan. Oleh itu, SPAN sewajarnya diberi kuasa untuk mengawasi projek ini.

Suruhanjaya juga diberi tanggungjawab untuk menyediakan maklumat kepada pengguna berkaitan dengan sesuatu isu pengguna dengan cara yang pada pandangan Suruhanjaya merupakan maklumat yang perlu diketahui oleh penerima. Fungsi tersebut boleh dijalankan dengan mencetak maklumat melalui Forum Air atau kaedah lain untuk perhatian pengguna yang berminat.

Malaysia adalah sebuah negara yang dianugerahkan dengan sumber asli yang banyak. Tetapi semenjak akhir-akhir ini kita terpaksa berhadapan dengan penggunaan air dengan tidak lestari. Oleh itu, SPAN, harus menjalankan fungsi untuk pendidikan dan mempromosikan pemuliharaan air. Ia seharusnya menyerupai Seksyen 14 Akta Suruhanjaya Tenaga, termasuk mempromosikan pembaharuan tenaga dan pemuliharaan pembaharuan tenaga sebagai fungsi Suruhanjaya tersebut.

### 2.2.2 Arahan oleh Menteri

Peruntukan dalam Seksyen 18

- |                                                                                                                                                                                                                                                                                                       |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p><b>18. (1) Suruhanjaya bertanggungjawab kepada Menteri.</b><br/><b>(2) Menteri boleh memberi arahan kepada Suruhanjaya, yang bersifat umum selaras dengan peruntukan Akta ini berhubung dengan pelaksanaan fungsi dan kuasa Suruhanjaya dan Suruhanjaya hendaklah melaksanakan arahan itu.</b></p> |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

## Komen mengenai Rang Undang-Undang

Seksyen 18 (1) patut dipinda dan memasukkan tanggungjawab Suruhanjaya terhadap kabinet dan Parlimen. Ini akan mempertingkatkan fungsi Suruhanjaya terhadap Kabinet dan Parlimen

### CADANGAN

18. (1) *Suruhanjaya adalah bertanggungjawab kepada Menteri, **Kabinet dan Parlimen***  
 (2) *Menteri boleh memberi Suruhanjaya arahan yang bersifat am yang selaras dengan peruntukan Akta ini yang berhubungan dengan pelaksanaan fungsi dan kuasa Suruhanjaya dan Suruhanjaya hendaklah melaksanakan arahan itu.*

### Justifikasi

Ini akan mempertingkatkan aspek tanggungjawab dan ketelusan Suruhanjaya tersebut dan menghasilkan satu untuk kuasa yang diberikan.

## 2.3 BAHAGIAN V: PERUNTUKAN YANG BERHUBUNGAN DENGAN PEKERJA

### 2.3.1 Akaun dan Laporan

Peruntukan dalam Seksyen 37 :

37. (1) Suruhanjaya hendaklah menyebabkan supaya akaun yang sepatutnya bagi Kumpulan Wang dan laporan aktiviti yang sepatutnya disimpan dan hendaklah, dengan secepat yang boleh dilaksanakan selepas berakhirnya setiap tahun kewangan, menyebabkan supaya disediakan bagi tahun kewangan itu—
- (a) suatu penyata akaun Suruhanjaya yang hendaklah mengandungi suatu kunci kira-kira dan akaun pendapatan dan perbelanjaan; dan
  - (b) suatu pernyataan mengenai aktiviti.
- (2) Suruhanjaya hendaklah dengan secepat mungkin menghantar suatu salinan penyata akaun yang diperakui oleh juruaudit dan suatu salinan laporan juruaudit kepada Menteri yang hendaklah menyebabkan supaya penyata dan laporan itu dibentangkan di hadapan kedua-dua Majlis Parlimen.
- (3) Akta Badan Berkanun (Akaun dan Laporan Tahunan) 1980 [*Akta 240*] hendaklah terpakai bagi Suruhanjaya.

## Komen mengenai Rang Undang-Undang

Seksyen 37 tidak menetapkan jangka masa untuk penyerahan akaun dan laporan. Ini akan mengakibatkan penyerahan akaun dan laporan yang tidak konsisten. Selain daripada kemasukan data terperinci yang diperlukan di dalam penggunaan tabung SPAN dengan tujuan seperti yang tertera di dalam seksyen 28.

## MEMORANDUM

### Perbandingan dengan akta lain

#### Australian National Water Commission 2004 (SAK)

#### Seksyen 45 Laporan Tahunan

- 1) SAK hendaklah dalam tempoh 60 hari selepas tahun berakhir pada 30 Jun, memberikan kepada Menteri laporan tentang operasi untuk tahun tersebut, untuk dibentangkan di Parlimen.
- (2) Jika bantuan kewangan diambil dari Tabung Air Australia atau dari program Komanwel yang lain seperti yang tertera di subperenggan 7(1)(d)(ii),diurus dalam tempoh satu tahun di bawah akta ini,, laporan berhubung dengan tahun tersebut hendaklah mengandungi
  - a) Nama individu atau badan yang menggunakan bantuan kewangan tersebut; dan
  - b) Amaun dan tujuan bantuan kewangan digunakan.
- 3) Jika seseorang diambil bertugas dalam tempoh satu tahun di bawah seksyen, maka laporan mengenainya bagi tahun tersebut mesti mengandungi
  - a) Nama individu atau badan yang diambil bertugas; dan
  - b) Cara individu atau badan itu membantu didalam pencapaian dalam fungsi SAK
- 4) Menteri mesti memberi laporan kepada Menteri yang berkenaan untuk setiap pihak yang bertanggungjawab kepada SAK (selain dari Komanwel) pada masa yang sama semasa laporan tersebut dibentangkan di Parlimen.

#### CADANGAN

37. (1) *Suruhanjaya hendaklah memastikan supaya akaun yang sewajarnya bagi Kumpulan Wang dan laporan aktiviti yang sewajarnya disimpan **dalam masa 60 hari selepas berakhirnya setiap tahun kewangan**, dan memastikan ia disediakan bagi tahun kewangan itu -*
  - (a) *suatu penyata akaun Suruhanjaya yang hendaklah mengandungi suatu kunci kira-kira dan akaun pendapatan dan perbelanjaan; dan*
  - (b) *suatu pernyataan mengenai aktiviti.*
  - (c) ***nama individu atau badan yang telah menerima bantuan kewangan, amaun dan tujuan bantuan diberikan di bawah seksyen 28 (b), (c) atau (f)***
- (2) *Suruhanjaya **haruslah** dengan kadar yang segera menghantar suatu salinan penyata akaun yang diperakui oleh juruaudit dan suatu salinan laporan juruaudit kepada Menteri yang kemudiannya akan membentangkannya di hadapan kedua-dua Dewan Rakyat dan Dewan Negara.*
- (4) *Akta Badan Berkanun (Akaun dan Laporan Tahunan) 1980 [Akta 240] hendaklah terpakai bagi Suruhanjaya.*

#### Justifikasi

Akta ini sepatutnya menerangkan dengan jelas tarikh akhir bagi penyerahan laporan dan akaun tahunan untuk perancangan aktiviti untuk memastikan penyerahan dilakukan mengikut peraturan. Butir-butir penyerahan berkenaan dengan seksyen 28 (b), (c) dan (f), termasuk bayaran elaun, gaji, bayaran jururunding, pinjaman dan tajaan diberi adalah penting. Seksyen 45 Akta Suruhanjaya Air Nasional Australia boleh diambil sebagai contoh.



## 2.4 BAHAGIAN VI:AM

### 2.4.1 Jadual [Seksyen 5] : Ketetapan tanpa Mesyuarat

Peruntukan dalam Seksyen 5

- 5. (1) Sesuatu ketetapan dianggap telah diluluskan dalam sesuatu mesyuarat Suruhanjaya jika—**
- (a) semua anggota Suruhanjaya telah diberitahu tentang ketetapan yang dicadangkan itu, atau usaha yang munasabah telah dibuat untuk memberitahu semua anggota Suruhanjaya tentang ketetapan yang dicadangkan itu; dan**
  - (b) tanpa bermesyuarat, semua anggota Suruhanjaya menandakan persetujuan tentang ketetapan itu mengikut cara yang ditentukan oleh Suruhanjaya di bawah subperenggan (2)**
- (2) Subperenggan (1) terpakai hanya jika Suruhanjaya—**
- (a) memutuskan bahawa subperenggan itu terpakai; dan**
  - (b) memutuskan cara yang dengannya anggota Suruhanjaya boleh menandakan persetujuan tentang ketetapan.**

#### Komen mengenai Rang undang-Undang

Seksyen 5 jadual 5 adalah penting untuk melindungi kuasa ahli Suruhanjaya tersebut. Ia juga harus memastikan yang Suruhanjaya mengambil kira komen dan pandangan Pesuruhjaya sebelum penyelesaian diambil.

#### CADANGAN

- 5. (1) Sesuatu ketetapan dianggap telah diluluskan dalam sesuatu mesyuarat Suruhanjaya jika—*
- (a) semua anggota Suruhanjaya telah diberitahu tentang ketetapan yang dicadangkan itu, dengan **menggunakan pelbagai kaedah komunikasi yang ada**; dan*
  - (b) tanpa bermesyuarat, semua anggota Suruhanjaya menandakan persetujuan tentang ketetapan itu mengikut cara yang ditentukan oleh Suruhanjaya di bawah subperenggan (2).*
- (2) Subperenggan (1) terpakai hanya jika Suruhanjaya—*
- (a) memutuskan bahawa subperenggan itu terpakai; dan*
  - (b) memutuskan cara yang dengannya anggota Suruhanjaya boleh menandakan persetujuan tentang ketetapan.*

#### Justifikasi

Seksyen ini tidak diamalkan oleh kebanyakan negara, kerana mereka menganggap kepentingan undi yang diterima daripada ahli Suruhanjaya dalam minit mesyuarat. Walaupun seksyen ini boleh ditambah, tetapi ahli Suruhanjaya mesti dimaklumkan terlebih dahulu tentang penyelesaian dan diberi masa untuk mengkaji dan memberikan komen mereka.

## 3.0 ULASAN LAIN

Semua ulasan yang berkaitan dengan Rang Undang-Undang Industri Perkhidmatan Air dan ulasan yang dibincangkan di atas dilampirkan dalam jadual ringkasan. Sila rujuk lampiran A.

# RANG UNDANG-UNDANG INDUSTRI PERKHIDMATAN AIR (WSI) 2005

## 4.0 PERUNTUKAN DALAM RANG UNDANG-UNDANG WSI, KOMEN SERTA CADANGAN

### 4.1 BAHAGIAN II: PERUNTUKAN PERLESENAN

#### BAB 1: LESEN INDIVIDU

##### 4.1.1 Kuasa untuk mengecualikan daripada kehendak lesen individu

Peruntukan untuk Seksyen 5 dan Seksyen 22

**5. (1) Menteri boleh, atas syor Suruhanjaya, melalui perintah yang disiarkan dalam *Warta*, mengecualikan seseorang daripada kehendak pelesenan di bawah seksyen 4 tertakluk kepada apa-apa terma dan syarat yang difikirkan patut oleh Menteri.**

**22. (1) Menteri boleh, atas syor Suruhanjaya, melalui perintah yang disiarkan dalam *Warta*, mengecualikan seseorang daripada kehendak pelesenan di bawah seksyen 20 tertakluk kepada apa-apa terma dan syarat yang difikirkan patut oleh Menteri.**

#### Komen mengenai Rang Undang-Undang

Kedua-dua seksyen memberi kuasa kepada Menteri untuk mengecualikan pemohon daripada mempunyai lesen seperti yang dikehendaki. Ini secara langsung adalah satu amalan yang akan menggalakkan pemberian lesen kepada kroni-kroni.

#### CADANGAN

*5. (1) Menteri boleh, atas syor Suruhanjaya, melalui perintah yang disiarkan dalam *Warta*, **mengesyorkan** seseorang daripada kehendak pelesenan di bawah seksyen 4 tertakluk kepada apa-apa terma dan syarat yang difikirkan patut oleh Menteri.*

*22. (1) Menteri boleh, atas syor Suruhanjaya, melalui perintah yang disiarkan dalam *Warta*, **mengesyorkan** seseorang daripada kehendak pelesenan di bawah seksyen 20 tertakluk kepada apa-apa terma dan syarat yang difikirkan patut oleh Menteri.*

#### Justifikasi

Menteri berdasarkan kepada pengalaman serta pengetahuan beliau boleh mencadangkan seseorang menerima lesen sama ada lesen individu ataupun lesen kelas, tetapi tidak boleh membuat pengecualian. Pemohon harus memohon dan memenuhi segala prosedur permohonan tetapi boleh menerima sokongan daripada pihak Menteri ataupun pihak suruhanjaya.

#### 4.1.2. Permohonan untuk lesen Individu

Peruntukan dalam Seksyen 6:

- 6. (1) Mana-mana orang boleh memohon kepada Menteri supaya suatu lesen individu diberikan kepadanya di bawah seksyen 9 dengan mengemukakan suatu permohonan bertulis kepada Suruhanjaya.**
- (2) Suatu permohonan di bawah seksyen ini boleh ditarik balik pada bila-bila masa sebelum permohonan itu dibenarkan atau ditolak.**

#### Komen mengenai Rang Undang-Undang

Seksyen 6(1) tidak menerangkan kriteria-kriteria yang bakal dikenakan kepada seseorang yang bakal membuat permohonan. Ia terlalu umum seolah-olah sesiapa sahaja boleh memohon tanpa mengira sama ada individu tersebut mempunyai pengalaman atau tidak dalam mengendalikan hal-hal berkenaan dengan pemprosesan serta mengendalikan air boleh memohon. Melihat kepada beberapa projek penswastaaan oleh kerajaan di negara ini, sudah tentu dengan tidak menetapkan kriteria-kriteria yang ketat akan bakal menimbulkan banyak masalah terutamanya dalam pengurusan serta kewangan.

#### Perbandingan dengan Akta-akta lain

##### **Water Services etc (Scotland) Act 2005**

##### **Warta 2 (Seksyen 4 & 5)**

- (4) Pemohon apabila membuat permohonan dan pada masa membuat permohonan kepada pihak Kementerian Scotland, Menteri boleh menerbitkan satu notis permohonan yang antara lain mengandungi;
- (a) menjelaskan prosedur-prosedur bagi membuat representasi kepada Suruhanjaya berkenaan permohonan tersebut.
  - (b) mengandungi apa-apa syarat lain yang ditetapkan oleh Kementerian Scotland.
- (5) Bila Suruhanjaya telah bercadang untuk tidak meluluskan permohonan, Suruhanjaya harus memberi pemohon notis yang antara lain;
- (a) mengandungi notis penolakan berserta sebab-sebab penolakan dibuat: dan
  - (b) memberitahu kepada pemohon tarikh di mana pemohon boleh membuat rayuan terhadap penolakan permohonannya.

##### **National Water Act (South Africa) 1998**

##### **Seksyen 30**

Jaminan oleh pemohon

- (1) Untuk melindungi bekalan air serta aset-asetnya, seseorang pemohon akan disyaratkan untuk memberi jaminan terhadap apa-apa obligasi atau bakal obligasi yang timbul daripada pemberian lesen di bawah akta ini.
- (2) Jaminan yang dikenakan dibawa subseksyen(1) adalah termasuk seperti berikut
- (i) surat kredit daripada pihak bank
  - (ii) jaminan daripada bank

## MEMORANDUM

- (iii) ikatan jaminan
- (iv) polisi insuran
- (v) atau apa-apa bentuk jaminan yang ditetapkan
- (3) Pihak yang bertanggungjawab mesti memutuskan jenis serta jangka waktu sesuatu jaminan itu dikendaki.
- (4) Tempoh keperluan jaminan boleh melebihi tempoh lesen
- (5) Jikalau pihak berkuasa memerlukan jaminan dalam bentuk polisi insurans, maka pihak berkuasa boleh meminta bahawa mereka dijadikan penama bersama dalam polisi insurans tersebut kerana pihak Kementerian serta pihak Suruhanjaya difahamkan mempunyai satu kepentingan bersama dalam perkara ini.

### CADANGAN

6. (1) *Mana-mana seseorang individu yang dapat memuaskan syarat-syarat berikut boleh memohon kepada Menteri supaya suatu lesen individu diberikan kepadanya di bawah seksyen 9 dengan mengemukakan suatu permohonan bertulis kepada Suruhanjaya.*
- (a) *pengetahuan,kepakaraan serta pengalaman dan*
  - (b) *keupayaan kewangan serta kebolehan dan apa-apa syarat lain yang dikenakan oleh pihak Suruhanjaya.*
- (2) *Suatu permohonan di bawah seksyen ini boleh ditarik balik pada bila-bila masa sebelum permohonan itu dibenarkan atau ditolak; di mana Suruhanjaya akan memberikan pemohon notis -*
- (a) *fakta (disertakan bersama alasan bagi penolakan permohonan); dan*
  - (b) *maklumat mengenai tarikh di mana pemohon boleh membuat rayuan kepada Suruhanjaya mengenai permohonan yang ditolak*

### CADANGAN BAGI SEKSYEN TAMBAHAN

#### *Jaminan oleh pemohon*

- (1) *Untuk melindungi bekalan air serta aset-asetnya, seseorang pemohon akan disyaratkan untuk memberi jaminan terhadap apa-apa obligasi atau bakal obligasi yang timbul daripada pemberian lesen di bawah akta ini.*
- (2) *Jaminan yang dikenakan dibawa subsekyen(1) adalah termasuk seperti berikut*
  - (a) *surat kredit daripada pihak bank*
  - (b) *jaminan daripada bank*
  - (c) *ikatan jaminan*
  - (d) *polisi insuran*
  - (e) *atau apa-apa bentuk jaminan yang ditetapkan*
- (3) *Pihak yang bertanggungjawab mesti memutuskan jenis serta jangka waktu sesuatu jaminan itu dikendaki.*
- (4) *Tempoh keperluan jaminan boleh melebihi tempoh lesen*
- (5) *Jikalau pihak berkuasa memerlukan jaminan dalam bentuk polisi insurans, maka pihak berkuasa boleh meminta bahawa mereka dijadikan penama bersama dalam polisi insurans tersebut kerana Kementerian serta Suruhanjaya difahamkan mempunyai satu kepentingan bersama dalam perkara ini.*

## Justifikasi

Cadangan yang disyorkan mengenakan kriteria yang tertentu untuk seseorang pemohon. Kriteria-kriteria ini menekankan tentang pengetahuan, pengalaman pemohon untuk mengelakkan seseorang yang kurang berpengalaman daripada membuat permohonan kerana industri air ini adalah satu industri yang sangat sensitif. Peruntukan-peruntukan yang sedia ada sekarang dalam rang undang-undang ini membolehkan sesiapa sahaja untuk membuat permohonan. Ini tidak patut sepatutnya berlaku dan kami mensyorkan agar Seksyen 4 dan 5; Bahagian 2 Water Services etc (Scotland) Act 2005 digunapakai kerana ia mengambil kira semua aspek perlesenan secara terperinci.

Di samping itu juga Seksyen 30 National Water Act (SouthAfrica) 1998 memberi penjelasan yang baik tentang keperluan dokumen-dokumen sampingan untuk tujuan membuat permohonan. Ini memastikan keberkesanan serta jaminan yang diberikan oleh setiap pemohon.

### 4.1.3 Pemberian atau keengganan memberikan lesen individu

Peruntukan dalam Seksyen 9:

- 9. (2) Jika Menteri memutuskan untuk memberikan lesen individu di bawah subseksyen (1), dia hendaklah —**
- (a) menghendaki pemegang lesen individu itu untuk membayar fi yang ditetapkan dalam tempoh yang ditetapkan;**
  - (b) mengenakan semua syarat lesen yang standard bagi suatu lesen individu sebagaimana yang ditetapkan; dan**
  - (c) mengenakan apa-apa syarat khas yang difikirkannya patut.**

### Komen mengenai Rang Undang-Undang

Bahagian (c) seksyen ini adalah tidak relevan.

### Perbandingan dengan akta lain.

#### Water Services etc.(Scotland)Act 2005

#### Seksyen 7

### Pemberian Lesen

- (1) Pihak Suruhanjaya boleh memberi lesen pengurusan air atau lesen pengurusan kumbahan kepada seseorang individu hanya jika benar-benar puas hati bahawa pemohon tersebut mempunyai kecekapan serta pengalaman dalam mengendalikan aktiviti-aktiviti yang diluluskan didalam lesen.
- (2) Dalam mempertimbangkan keupayaan seseorang pemohon dalam mengendalikan aktiviti-aktiviti ini, pihak Suruhanjaya harus memberi penekanan khusus kepada faktor-faktor ini (mana-mana yang relevan)
  - (a) pengetahuan, kepakaran serta pengalaman; dan
  - (b) keupayaan kewangan dan pengurusan serta apa-apa hal lain yang dianggap perlu oleh pihak Menteri Scotland.

## MEMORANDUM

### CADANGAN

9(2) *Jika pihak Menteri bercadang meluluskan lesen individual di bawah subseksyen (1), beliau perlu:-*

- (a) *menghendaki pemegang lesen individu itu untuk membayar fi yang ditetapkan dalam tempoh yang ditetapkan;*
- (b) *mengenakan semua syarat lesen yang standard bagi suatu lesen individu sebagaimana yang ditetapkan; dan*

### Justifikasi

Kuasa yang begitu besar di tangan Menteri akan membuka ruang untuk penindasan serta pilih kasih. Dengan apa yang telah disarankan di seksyen 6 seperti di atas, pemohon harus mempunyai kriteria-kriteria seperti yang disarankan di atas.

#### 4.1.4 Pematuhan syarat lesen individu

Peruntukan dalam Seksyen 10:

**10. (1) Pemegang lesen individu hendaklah mematuhi—**

- (a) syarat standard yang ditetapkan bagi lesen individu itu; dan**
- (b) apa-apa syarat khas yang dikenakan oleh Menteri ke atas lesen individu itu.**

**(2) Pemegang lesen individu yang tidak mematuhi apa-apa syarat lesen individu di bawah subseksyen (1) melakukan suatu kesalahan dan boleh, apabila disabitkan, didenda tidak melebihi lima ratus ribu ringgit atau dipenjarakan selama tempoh tidak melebihi lima tahun atau kedua-duanya.**

### Komen mengenai Rang Undang-Undang

Di dalam seksyen ini tidak menjelaskan bahawa pihak Suruhanjaya harus memantau dan mengambil apa-apa tindakan yang perlu bagi memastikan syarat-syarat tersebut dilaksanakan. Sekarang ia hanya dipertanggungjawabkan kepada pemegang lesen dan pihak Suruhanjaya juga harus memantau walaupun merupakan tugas pemegang lesen.

### Bandingan dengan akta lain

#### **Water Services etc. (Scotland) Act 2005**

#### **Seksyen 8**

Pemantauan syarat-syarat lesen

- (1) Pihak Suruhanjaya harus
  - (a) memantau supaya pihak pemegang lesen memenuhi segala syarat-syarat serta terma-terma yang terkandung dalam perjanjian lesen mereka; dan
  - (b) mengambil langkah-langkah yang patut bagi memastikan segala syarat-syarat serta terma-terma dalam perjanjian lesen tersebut dipatuhi

- (2) Pihak Suruhjaya juga boleh memberi arahan kepada mana-mana pihak pengurusan air atau pihak pengurusan sisa kumbahan untuk memastikan pihak pengurusan memenuhi semua syarat-syarat yang tertera didalam perjanjian pengurusan air serta sisa kumbahan yang diberikan; dan juga untuk memastikan mereka memenuhi syarat-syarat tersebut.
- (3) Pihak suruhanjaya boleh mengeluarkan garis panduan (samada secara am atau untuk sesuatu kes atau kategori kes) dalam memastikan yang pihak pengurusan memenuhi syarat-syarat dalam perjanjian mereka.
- (4) Pihak Scottish Water harus melaporkan kepada pihak Suruhanjaya apa-apa jika pihak pemegang lesen melanggar terma-terma dan syarat-syarat perjanjian.

## CADANGAN

10. (1) *Pemegang lesen individu hendaklah mematuhi—*
  - (a) *syarat standard yang ditetapkan bagi lesen individu itu; dan*
  - (b) *apa-apa syarat khas yang dikenakan oleh Menteri ke atas lesen individu itu.*
- (2) ***Pihak Suruhanjaya harus memantau bahawa pihak pemegang lesen air serta kumbahan memenuhi syarat-syarat yang ditetapkan.***
- (3) ***Pemegang lesen yang didapati melanggar syarat-syarat tersebut dalam subseksyen(1) akan didapati bersalah dan setelah disabitkan kesalahan itu dikenakan denda tidak melebihi lima ratus ribu ringgit atau dikenakan hukuman penjara tidak kurang lima tahun atau kedua-dua sekali.***
- (4) *Pemegang lesen individu yang tidak mematuhi apa-apa syarat lesen individu di bawah subseksyen (1) melakukan suatu kesalahan dan boleh, apabila disabitkan, didenda tidak melebihi lima ratus ribu ringgit atau dipenjarakan selama tempoh tidak melebihi lima tahun atau kedua-duanya*

## Justifikasi

Subseksyen yang dicadangkan akan memastikan Suruhanjaya mempunyai kuasa dan tanggungjawab untuk memastikan pemegang lesen memenuhi tanggungjawab serta mematuhi syarat-syarat yang ditetapkan. Ini juga boleh dijadikan sebagai satu prosedur penguatkuasaan bagi memastikan pihak pemegang lesen memenuhi serta mematuhi syarat-syarat yang ditetapkan.

## 4.2. BAHAGIAN III: KEWAJIPAN DAN OBLIGASI PEMEGANG LESEN

### BAB 1: KEWAJIPAN DAN OBLIGASI YANG TERPAKAI BAGI SEMUA PEMEGANG LESEN

#### 4.2.1 Pemberian maklumat

Peruntukan dalam Seksyen 29:

**29. (6) Pemegang lesen yang—**

- (a) tidak memberikan apa-apa maklumat yang dikehendaki oleh Suruhanjaya di bawah subseksyen (1); atau**
- (b) enggan untuk membantu atau memudahkan, atau menghalang, Suruhanjaya, pegawai diberi kuasa atau ejennya dalam menjalankan audit di bawah subseksyen (5), melakukan suatu kesalahan dan boleh, apabila disabitkan, didenda tidak melebihi dua ratus ribu dua ratus ribu ringgit.**

#### Komen mengenai Rang Undang-Undang

Denda yang dikenakan tidak melebihi dua ratus ribu ringgit, merupakan satu jumlah yang amat rendah.

#### CADANGAN

*29. (6) Pemegang lesen yang—*

- (a) tidak memberikan apa-apa maklumat yang dikehendaki oleh Suruhanjaya di bawah subseksyen (1); atau*
- (b) enggan untuk membantu atau memudahkan, atau menghalang, Suruhanjaya, pegawai diberi kuasa atau ejennya dalam menjalankan audit di bawah subseksyen (5), melakukan suatu kesalahan dan boleh, apabila disabitkan, didenda **tidak melebihi lima ratus ribu ringgit atau boleh dipenjarakan tidak lebih daripada tiga tahun atau kedua-duanya sekali.***

#### Justifikasi

Pemegang lesen yang didapati melakukan kesalahan harus dikenakan hukuman serta denda yang lebih tinggi kerana pihak pemegang lesen mengendalikan satu sumber asas yang sangat penting. Kegagalan pelaksanaan serta pengurusan yang baik akan memberi kesan yang mendalam kepada pengguna.

#### 4.2.2 Pengemukaan rancangan perniagaan

Peruntukan dalam Seksyen 30:

- 30. (5) Mana-mana pemegang lesen individu yang tidak mematuhi kewajipannya di bawah seksyen ini melakukan suatu kesalahan dan boleh, apabila disabitkan, didenda tidak melebihi satu ratus ribu ringgit.**



## Komen mengenai Rang Undang-Undang

Denda yang dikenakan iaitu tidak melebihi seratus ribu ringgit tidak akan memberi apa-apa kesan.

### CADANGAN

*30(5) Jika pihak pengurusan dan pemegang lesen gagal untuk mematuhi syarat- syarat serta tanggungjawab mereka akan didapati bersalah dan jika disabitkan kesalahan mereka boleh dikenakan denda tidak melebihi **lima ratus ribu ringgit atau dikenakan hukuman penjara tidak lebih daripada tiga tahun.***

### Justifikasi

Harus dikenakan hukuman serta denda yang lebih tinggi kerana pihak pemegang lesen mengendalikan satu sumber asas yang sangat penting jadi kegagalan pelaksanaan serta pengurusan yang baik akan memberi kesan yang mendalam kepada pihak pengguna.

### 4.2.3 Berurusan dengan pengguna

Peruntukan dalam Seksyen 33:

**33. Pemegang lesen yang menyediakan perkhidmatan bekalan air atau perkhidmatan pembetulan mempunyai suatu kewajipan am untuk -**  
**(a) berurusan dengan pengguna secara munasabah; dan**  
**(b) menangani aduan pengguna dengan memuaskan.**

## Komen mengenai Rang Undang-Undang

Seksyen ini sangat penting bagi mengambil kira kepentingan keperluan beberapa kategori pengguna, walau bagaimana pun seksyen ini tidak lengkap dan harus mengandungi lebih banyak maklumat terutamanya mengenai kategori pengguna yang berlainan.

### Perbandingan dengan akta lain

Di negara Perancis, sambungan balik seharusnya dilakukan dalam tempoh 24 jam selepas pembayaran. Jadi pemotongan bekalan air tidak boleh dilakukan pada hari Jumaat kerana menyambungan tidak boleh dilakukan pada hari Sabtu dan Ahad kerana cuti.

### UK Water Act 2003

Seksyen 43

#### 27C Kepentingan Pengguna

- (1) Dalam menjaga kepentingan pengguna, pihak berkuasa harus mengambilkira kepentingan golongan-golongan pengguna seperti berikut;
  - (a) Pengguna yang sakit tenat atau yang kurang upaya
  - (b) Pengguna yang telah bersara
  - (c) Pengguna yang berpendapatan rendah

## MEMORANDUM

- (d) Pengguna dari kawasan pendalaman
  - (e) Pengguna atau syarikat yang memegang perlantikan di bawah Bab 1 dan Bahagian 2 Akta ini, iaitu premis yang tidak dapat dibekalkan bekalan air oleh pembekal yang berlesen  
Tetapi tidak boleh diambilkira bahawa kepentingan golongan pengguna yang lain diabaikan.
- (2) untuk tujuan subseksyen (1) diatas, premis berikut tidak dapat dibekalkan bekalan air oleh pembekal yang berlesen jika-
- (a) ianya premis kediaman; atau
  - (b) jika jumlah kuantiti air tahunan yang dijangkakan dibekalkan kepada premis ini

### **Water Service etc (Scotland) Act 2005 Seksyen 49 Kepentingan Pengguna**

Apabila menjalankan fungsi mereka di bawah Akta ini pihak kementerian Scottish harus memberi penekanan kepada kepentingan golongan semua pengguna atau bakal pengguna Scottish Water terutamanya golongan seperti di bawah;

- (a) akibat kekurangan upaya atau kesakitan atau masalah keluarga memerlukan bekalan air yang berlebihan atau mempunyai keperluan untuk membuang sisa kumbahan yang berlebihan daripada normal, atau penduduk biasa dikawasan pendalaman Scotland.

#### **CADANGAN**

33. (1) *Pemegang lesen yang menyediakan perkhidmatan bekalan air atau perkhidmatan pembetulan mempunyai suatu kewajipan am untuk -*
- (a) *berurusan dengan pengguna secara munasabah; dan*
  - (b) *menangani aduan pengguna dengan memuaskan.*
- (2) ***Dalam menjaga kepentingan pengguna, Menteri atau pemegang lesen harus mengambilkira kepentingan golongan-golongan pengguna seperti berikut;***
- (a) ***Pengguna yang sakit tenat atau yang kurang upaya***
  - (b) ***Pengguna yang telah bersara***
  - (c) ***Pengguna yang berpendapatan rendah***
  - (d) ***Pengguna dari kawasan pendalaman***
- Pengguna di bawah Bahagian 1 dan Bahagian 2 Akta ini, tidak boleh diambilkira bahawa kepentingan golongan pengguna yang lain diabaikan.***

#### **Justifikasi**

Cadangan yang dikemukakan adalah sebagai langkah penjagaan untuk memastikan bahawa pengguna yang kurang upaya dan berpendapatan rendah tidak ditindas. Ini seiring dengan langkah perlindungan pengguna, kerana air merupakan suatu hak asasi manusia dan tiada sesiapa yang boleh dikecualikan daripada menerima perkhidmatan bekalan air yang bersih. Pemegang lesen atau syarikat konsesi haruslah mengambil kira kategori pengguna yang telah dicadangkan serta memberi perhatian yang lebih sebelum menjalankan tanggungjawab jika wujud keadaan di mana bekalan air akan diberhentikan. Ini menunjukkan syarikat tersebut sebagai sebuah syarikat yang bertanggungjawab.

## **BAB 2: TUGAS DAN TANGGUNGJAWAB BERKAITAN PEMEGANG LESEN PEMBERIAN PERKHIDMATAN BEKALAN AIR.**

### **4.2.4 Pembangunan dan penyelenggaraan sistem bekalan air**

Peruntukan dalam Seksyen 36

**36. (1) Tiap-tiap pemegang lesen perkhidmatan yang menyediakan perkhidmatan bekalan air mempunyai kewajipan untuk menyelenggarakan suatu sistem bekalan air yang cekap dan ekonomik.**

#### **Komen tentang peruntukan Seksyen di atas**

Peruntukan rang undang-undang dalam seksyen di atas harus lebih komprehensif bagi memastikan supaya sumber air senantiasa cukup dan kita bersedia menghadapi kemarau pada masa hadapan. Ini akan menggalakkan kebolehan mendapat bekalan air yang saksama di antara semua golongan pengguna dan memenuhi keperluan asas manusia semasa dan generasi masa depan.

#### **Perbandingan Dengan Akta Lain**

##### **UK Water Act 2003**

##### **Seksyen 28 & 29**

##### **Skim Pengurusan Sumber Air**

Selepas seksyen 20 di dalam WRA (Water Resources Assessment), telah disertakan:

#### **“20A Skim Pengurusan Sumber Air – Pemegang lesen pengabstrakkan**

- (1) Agensi boleh terlibat dan menyelenggara aturan dengan pemegang lesen pengabstrakkan selain daripada pengurusan air bagi memastikan pengurusan atau operasi yang baik dalam menangani:
  - a. sumber air di mana mereka mempunyai hak secara langsung akibat lesen yang membolehkan mereka mengabstrak air; dan
  - b. sebarang takungan; perkakas atau kerja-kerja lain yang digunakan untuk tujuan atau berkaitan dengan pengabstrakkan dan yang menjadi kepunyaan mereka, dikendalikan oleh mereka atau jika tidak, di bawah kawalan mereka,
 jika Agensi tersebut dari masa ke semasa mempertimbangkan wajar bagi tujuan, menjalankan fungsi-fungsinya di bawah seksyen 6(2) Akta 1995 tersebut.
- (2) Tanpa prejudis ke atas kuasa Agensi tersebut dan sebarang pemegang lesen pengabstrakkan bagi menyertakan sebarang peruntukan yang dipersetujui di antara mereka di bawah seksyen ini, aturan seperti ini mungkin:
  - a. Membuat peruntukan disebabkan subseksyen (1)(a) di atas berhubungan pembinaan dan pemasangan sebarang takungan, perkakas atau kerja-kerja lain di mana pemegang lesen akan menggunakan bagi tujuan atau berhubungan dengan pengabstrakannya (‘abstraction’);
  - b. Mengandungi peruntukan yang memerlukan bayaran dibuat kepada Agensi kepada pemegang lesen; dan
  - c. Memerlukan rujukan dan penentuan oleh Setiausaha Negeri atau Pihak Berkuasa Pengawasan Perkhidmatan Air.

## MEMORANDUM

- (3) Agensi perlu menghantar salinan tentang sebarang penyertaan aturan di bawah seksyen ini, kepada Setiausaha Negeri.
- (4) Di dalam seksyen ini, rujukan kepada lesen ‘abstraction’ adalah lesen-lesen di bawah Bab 2 bahagian ini berkenaan pengabstrakkan air.

### **Skim Pengurusan Sumber Air: rujukan kepada Setiausaha Negeri**

- (1) Selepas seksyen 20A WRA (disertakan oleh seksyen 28) terdapat –

### **20B Skim Pengurusan Sumber Air: Rujukan Setiausaha Negeri**

- (1) Seksyen ini adalah berkaitan di mana:
  - a. Agensi tersebut berusaha untuk mengadakan persetujuan yang boleh diterima di bawah seksyen 20 atau 20A di atas, tetapi berpuas hati bahawa pihak lain tidak bersetuju untuk mengadakan persetujuan tersebut atau berbuat demikian atas sebab-sebab yang diterima sebagai munasabah bagi Agensi tersebut; atau
  - b. Setelah mengadakan persetujuan sedemikian, Agensi tersebut berusaha untuk memperbaharui atau mengubah persetujuan dan berpuas hati yang pihak lain tidak ingin berbuat demikian atau berbuat demikian atas sebab-sebab munasabah kepada Agensi tersebut.
- (2) Di mana berkaitan dalam seksyen ini, Agensi boleh merujuk kepada Setiausaha Negeri persoalan tentang (jika kes sedemikian) –
  - a. Samada persetujuan tersebut harus dibuat dan jika boleh, apakah terma; atau
  - b. Samada persetujuan tersebut harus diperbaharui atau diubah (jika kes sedemikian), dan jika boleh, apakah termanya.
- (3) Jika Setiausaha Negeri menentukan bahawa persetujuan tersebut boleh dibuat atau (jika kes sedemikian) diperbaharui atau diubah, persetujuan sedemikian harus dibuat atas terma yang ditentukan oleh Setiausaha Negeri, ianya boleh dikuatkuasakan –
  - a. Secara tindakan sivil oleh Setiausaha Negeri bagi injuksi atau sebarang bantuan/pampasan; dan
  - b. Di mana pihak lain adalah pengurus air (water undertaker), dan juga di bawah seksyen 18 Akta Industri Air 1991 (perintah penguatkuasaan) oleh Setiausaha Negeri.
- (4) Fungsi Setiausaha Negeri di bawah subseksyen (2) di atas akan diperlakukan untuk tujuan seksyen 114 Akta 1995 (delegasi atau rujukan bagi rayuan) seperti mana fungsi bagi perenggan (a) subseksyen (1) seksyen yang digunakan/berkaitan.

### **UK Water Act 2003**

#### **Seksyen 62**

### **Rancangan Pengurusan Sumber Air**

Selepas seksyen 37 WIA (Water Industry Act), telah disertakan –

### **“37A Rancangan pengurusan sumber air: penyediaan dan semakan semula**

- (1) Adalah menjadi tanggungjawab setiap pengurus air untuk menyedia dan menyelenggara sumber-sumber air
- (2) Satu rancangan pengurusan sumber air adalah rancangan bagaimana pengurus air akan mengurus

- (3) Satu rancangan pengurusan sumber air perlu menumpukan perhatian terutamanya:
  - a. Anggaran kuantiti air yang diperlukan oleh pengurus air untuk memenuhi
  - b. Langkah-langkah yang akan diambil oleh dan akan terus mengambil oleh pengurus air bagi tujuan
  - c. Urutan dan tempoh masa bagi implementasi langkah-langkah tersebut; dan
  - d. Perkara-perkara lain sedemikian seperti yang dinyatakan dalam perintah Setiausaha Negeri
- (4) Prosedur menyediakan rancangan pengurusan sumber air (termasuk rancangan yang diubah)
- (5) Sebelum setiap ulang tahun tarikh rancangan (atau rancangan yang diubah) diterbitkan,
  - a. Semak semula rancangan tersebut
  - b. Menghantar pernyataan keputusan semakan semula kepada Setiausaha Negeri.
- (6) Pengurus air akan menyediakan rancangan bagi setiap kes-kes berikut –
  - a. Berikutan keputusan semakan semula tahunan, jika semakan semula tersebut menunjukkan perubahan material keadaan;
  - b. Jika diperintah berbuat demikian oleh Setiausaha Negeri;
  - c. Dalam keadaan, tidak lewat dari akhir tempoh lima (5) tahun bermula dari tarikh apabila rancangan tersebut (atau rancangan yang diubah) diterbitkan, dan akan mengikut prosedur dalam seksyen 37B di bawah (samada atau tidak rancangan yang diubah disediakan oleh pengurus termasuk sebarang perubahan yang dicadang kepada rancangan terdahulunya)
- (7) Setiausaha Negeri boleh memerintahkan dengan menetapkan-
  - a. Cara melaksanakan rancangan pengurusan sumber air;
  - b. Tempoh perancangan berkaitan rancangan pengurusan sumber air.
- (8) Sebelum menyediakan rancangan pengurusan sumber air (termasuk rancangan yang diubah), pengurus air harus berunding dengan-
  - a. Agensi Alam Sekitar
  - b. Penguatkuasa
  - c. Setiausaha Negeri
  - d. Sebarang pemegang lesen pembekal air ke kawasan yang di bawah atau melalui sistem bekalan pengurus tersebut.
- (9) Setiausaha Negeri harus berunding dengan Agensi Alam Sekitar sebelum memerikan perintah di bawah subseksyen (6)b., di atas.
- (10) Di dalam seksyen ini, berkaitan dengan rancangan pengurusan sumber air, “terbitan” bermakna yang diterbitkan mengikut seksyen 37B (8)a. di bawah.

### **37B Rancangan pengurusan sumber air: terbitan dan perwakilan**

- (1) Pengurus air harus –
  - a. Menghantar draf rancangan pengurusan sumber air kepada Setiausaha Negeri;
  - b. Menyatakan samada ia kelihatan kepada pengurus air tersebut, bahawa sebarang maklumat yang terdapat pada rancangan adalah atau mungkin sulit dari segi komersial (berkaitan dengan pengurus tersebut atau sebarang pihak perseorangan lain); dan
  - c. Memberikan Setiausaha Negeri nama perseorangan tersebut di atas dan alamat bagi pemberian notis di bawah subseksyen (2) a. di bawah.
- (2) Jika pengurus air menyatakan bahawa kelihatan berkaitan sebarang maklumat sedemikian,

## MEMORANDUM

Setiausaha Negeri harus –

- a. Jika maklumat perseorangan sedemikian tidak berkaitan samada dirinya atau perniagaannya dengan pengurus air, memberikan notis kepada perseorangan tersebut bahawa maklumat tersebut telah disertakan dalam rancangan dan, melainkan subseksyen (1) di bawah boleh digunakan, diperlukan untuk diterbitkan di bawah seksyen ini; dan
- b. Memberikan setiap orang (termasuk pengurus air) kepada siapa maklumat sedemikian berkaitan dengan peluang yang munasabah atau berpatutan-
  - i. Untuk membantah penerbitan maklumat berkaitan dengannya atas dasar, yang maklumat tersebut sulit dari segi komersial; dan
  - ii. Mewujudkan perwakilan kepada Setiausaha Negeri bagi tujuan justifikasi sebarang pembantahan tersebut,

dan akan menentukan, dengan berasaskan sebarang bantahan dan perwakilan, samada maklumat tersebut adalah sulit atau sebaliknya dari segi komersial.

(3) Pengurus air harus:

- a. (tertakluk kepada subseksyen (10) di bawah) menerbitkan deraf rancangan pengurusan sumber air dengan mengikuti kaedah yang ditetapkan atau jika tiada kaedah yang ditetapkan, dengan cara yang telah diperhitungkan, untuk membawa ke perhatian mereka yang akan terlibat atau terjejas oleh kerananya; dan
- b. menerbitkan dengan rancangan tersebut, kenyataan-
  - i. samada ada atau tidak sebarang maklumat yang tidak dimasukkan dalam deraf yang telah diterbitkan memandangkan subseksyen (10) di bawah dan jika ada, ciri-ciri am maklumat tersebut.
  - ii. bahawa sesiapa sahaja boleh membuat perwakilan bertulis berkenaan rancangan tersebut kepada Setiausaha Negeri sebelum akhir tempoh yang ditentukan dalam kenyataan tersebut; dan
- c. menghantar salinan deraf rancangan yang telah diterbitkan bersama-sama dengan sebarang kenyataan, kepada seseorang (jika ada) seperti yang telah diperuntukan.

(4) Setiausaha Negeri harus menghantar kepada pengurus air salinan sebarang perwakilan yang diterimanya berikutan penerbitan deraf rancangan di bawah subseksyen (3) di atas dan memberikan tempoh yang berpatutan untuk mendapatkan komen ke atas perwakilan tersebut.

(5) Setiausaha Negeri boleh memperuntukan dalam peraturan bagaimana perwakilan atau komen daripada pengurus air ke atasnya boleh dikendalikan.

(6) Peraturan di bawah subseksyen (5) di atas-

- a. Memberikan Setiausaha Negeri menyebabkan penyiasatan atau mengadakan sebarang perbincangan berkaitan dengan deraf rancangan pengurusan sumber air; dan
- b. Jika mereka peruntukan, boleh membuat peruntukan bagi subseksyen (2) hingga (5) seksyen 250 Akta Kerajaan Tempatan 1972 (penyiasatan tempatan: bukti dan kos) untuk digunakan bagi penyiasatan atau perbincangan dengan penyesuaian yang ditetapkan, seperti mana ia berkaitan kepada penyiasatan di bawah subseksyen tersebut.

(7) Setiausaha Negeri boleh mengarahkan kepada pengurus air, bahawa rancangan pengurusan sumber air harus berbeza daripada deraf rancangan yang telah dihantar kepadanya di bawah subseksyen (1) di atas, dari segi yang telah ditetapkan dalam arahnya, dan (tertakluk kepada subseksyen (9) di bawah) adalah menjadi tanggungjawab pengurus air untuk mematuhi arahan tersebut.

(8) Pengurus air harus:

- a. (tertakluk kepada subseksyen (10) di bawah) menerbitkan rancangan pengurusan sumber

air dalam keadaan yang telah ditetapkan atau, jika tiada keadaan yang telah ditetapkan, dalam keadaan yang telah diperhitungkan untuk membawa ke perhatian mereka yang akan terlibat atau terjejas oleh kerananya; dan

- b. menerbitkan dengan rancangan tersebut dengan kenyataan samada ada atau tidak sebarang maklumat yang tidak dimasukkan dalam deraf yang telah diterbitkan memandangkan subseksyen (10) di bawah dan jika ada, ciri-ciri am maklumat tersebut.
- (9) Jika pengurus air mempertimbangkan bahawa dengan penerbitan rancangan pengurusan sumber air yang mematuhi arahan di bawah subseksyen (7) di atas akan bermakna menyertakan sebarang maklumat (selain daripada maklumat yang berkaitan dengan keputusan oleh Setiausaha Negeri yang telah dibuat di bawah subseksyen (2) di atas) yang mungkin sulit dari segi komersial (berkaitan dengan diri sendiri atau orang lain) –
- a. Pengurus air akan menghantar notis yang menyatakan sedemikian kepada Setiausaha Negeri dan memberikan Setiausaha Negeri nama orang-orang tersebut bersama-sama dengan alamat bagi memberikan notis di bawah subseksyen (2)(a) di atas sebagaimana yang patut oleh perenggan (b) di bawah; dan
  - b. Subseksyen (2) di atas harus digunakan sehubungan dengan maklumat sepertimana yang patut berkaitan dengan maklumat yang dirujuk di situ;
- dan Setiausaha Negeri boleh samada mengesahkan arahannya di bawah subseksyen (7) di atas (yang harus diperlakukan sebagai arahan baru di bawah subseksyen (7)) atau membatalkan arahan terdahulu yang sedemikian (atau yang terlebih dahulu yang telah diperlakukan sedemikian) dan memberikan arahan baru
- (10) Versi terbitan deraf rancangan pengurusan sumber air, yang diterbitkan di bawah subseksyen (3)a di atas, dan rancangan pengurusan sumber air yang diterbitkan di bawah subseksyen (8) a di atas, harusnya tidak dimasukkan sebarang maklumat yang mana Setiausaha Negeri –
- a. Telah menetapkan ianya sulit dari segi komersial di bawah subseksyen(2) di atas; atau
  - b. Telah mengarahkan pengurus air tidak memasukkan atas dasar yang menyebabkannya muncul sebagai terbitan tersebut akan bertentangan dengan keselamatan negara.
- (11) Sebarang langkah-langkah yang harus diambil oleh pengurus air di bawah seksyen ini harus diambil dalam masa atau tempoh masa yang telah diarahkan oleh Setiausaha Negeri.

### **37C Rancangan Pengurusan Sumber Air: Peruntukan maklumat**

- (1) Adalah menjadi tanggungjawab setiap pembekal air berlesen untuk memberikan pengurus air maklumat sedemikian yang berpatutan dan diminta oleh pengurus air bagi tujuan penyediaan atau menyemak semula rancangan pengurusan sumber airnya.
- (2) Jika keadaan di mana pertikaian wujud di antara pengurus air dan pembekal air berlesen bagi menentukan kepatutan (reasonableness) permintaan pengurus air di bawah subseksyen (1) di atas, kedua-dua pihak boleh merujuk perkara tersebut bagi ditentukan oleh Setiausaha Negeri, dan sebarang penentuan/keputusan adalah muktamad.
- (3) Bagi tujuan perenggan (b) subseksyen 37B(1) di atas, pengurus air harus mengenalpasti di dalam kenyataannya di bawah perenggan tersebut sebarang maklumat –
  - a. Yang diberikan oleh pembekal air berlesen berikutan subseksyen (1) di atas; dan
  - b. Yang terkandung dalam deraf rancangan pengurusan sumber air, pengurus air, yang dikenalpasti oleh pembekal air berlesen secara khusus (pada masa ianya diberikan kepada pengurus air) sulit dari segi komersial, atas pendapat pembekal air berlesen.
- (4) Pengurus air tidak boleh menggunakan sebarang maklumat yang tidak diterbitkan atas sebab

## M E M O R A N D U M

untuk memudahkan pelaksanaan tugas-tugas olehnya atau yang telah dipertanggungjawabkan kepadanya oleh atau di bawah Akta ini, sebarang gabungan Akta-Akta atau Akta Air 1989.

- (5) Dalam subseksyen (4) di atas-
  - a. “maklumat yang tidak diterbitkan” bermakna maklumat sulit yang-
    - i. yang diberikan kepada pengurus air oleh pembekal air berlesen di bawah ini
    - ii. berkaitan dengan hal-ehwal individu lain atau perniagaan tertentu; dan
    - iii. sifat seksyen 37B di atas, tidak diterbitkan;
  - b. “gabungan Akta-akta lain” mempunyai makna yang sama seperti di seksyen 206 di bawah.

### **37D Rancangan Pengurusan Sumber Air : Tambahan**

- (1) Arahan yang diberikan di bawah seksyen 37A atau 37B di atas mungkin
  - a. Arahan am berhubung dengan semua pengurus air; atau
  - b. Arahan yang berkaitan dengan satu atau lebih pengurus air tertentu, seperti yang dinyatakan dalam arahan tersebut,  
dan akan diberikan secara bertulis oleh sesuatu instrumen.
- (2) Adalah menjadi tanggungjawab setiap pengurus air untuk mematuhi sebarang arahan yang ditujukan kepadanya.
- (3) Tanggungjawab –
  - a. Pengurus air di bawah subseksyen 37A hingga 37C di atas dan di bawah seksyen ini; dan
  - b. Pembekal air berlesen di bawah seksyen 37C di atas,  
harus dikuatkuasakan oleh Setiausaha Negeri di bawah seksyen 18 di atas”

### **UK Water Act 2003**

#### **Seksyen 63 dan 64**

#### ***Kemarau***

Selepas seksyen 39A WIA telah dimasukkan-

“39B Rancangan Kemarau: penyediaan dan semakan semula

- (1) Adalah menjadi tanggungjawab pengurus air untuk menyediakan dan menyelenggara rancangan kemarau
- (2) Rancangan kemarau adalah rancangan bagaimana pengurus air akan meneruskan, semasa tempoh kemarau
- (3) Tugas-tugas yang dirujuk dalam subseksyen (2) di atas termasuk terutamanya tugas-tugas yang dipertanggungjawabkan di bawah atau
  - a. Seksyen 37 di atas
  - b. Seksyen 67 hingga 69 di bawah
- (4) Rancangan kemarau merujuk, terutamanya kepada perkara-perkara berikut-
  - a. Apakah langkah-langkah yang perlu diambil oleh pengurus air untuk menahan permintaan bagi
  - b. Apakah langkah-langkah yang perlu diambil oleh pengurus air untuk mendapatkan air daripada
  - c. Bagaimana pengurus air akan memantau kesan kemarau dan langkah-langkah
  - d. Perkara-perkara lain yang dinyatakan dalam arahan oleh Setiausaha Negeri.
- (5) Seksyen 37B di atas (rancangan pengurusan sumber air : peruntukan dan perwakilan) , termasuk



sebarang kuasa untuk membuat peraturan atau memberi arahan, adalah berkaitan berhubungan rancangan kemarau (termasuk rancangan yang disemak semula) sepertimana ia berkaitan dengan rancangan pengurusan sumber air.

- (6) Setiap pengurus air harus menyemak semula (atau menyemak semula lagi) rancangan kemaraunya dan menyediakan rancangan yang telah diubah, bagi setiap kes berikut-
- a. Terdapat perubahan keadaan secara material
  - b. Diarahkan berbuat demikian oleh Setiausaha Negeri
  - c. Dalam sebarang peristiwa, tidak lewat dari akhir tempoh tiga tahun bermula dengan tarikh rancangan tersebut (atau rancangan yang disemak semula) diterbitkan berikutan seksyen 37B(8)(a) di atas dan berkaitan dengan subseksyen (5) di atas;
- dan harus mengikuti prosedur dalam seksyen 37B di atas seperti yang berkaitan oleh subseksyen (5) di atas (samada atau tidak rancangan yang disediakan oleh pengurus air menyertakan perubahan kepada rancangan terdahulunya.
- (7) Sebelum menyediakan rancangan kemaraunya (termasuk rancangan yang telah disemak semula), pengurus air harus berunding dengan-
- a. Agensi alam sekitar
  - b. Penguatkuasa
  - c. Setiausaha Negeri; dan
  - d. Sebarang pembekal air berlesen, yang membekalkan air ke premis di kawasan pengurus air, melalui sistem bekalan pengurus air.
- (8) Setiausaha Negeri boleh memberikan arahan yang menyatakan corak rancangan kemarau, yang seharusnya.
- (9) Arahan yang diberikan di bawah seksyen ini (termasuk arahan yang diberikan di bawah seksyen 37B di atas seperti yang berkenaan oleh subseksyen (5) di atas) mungkin-
- a. Arahan am berhubungan semua pengurus air; atau
  - b. Arahan yang berkaitan dengan satu atau lebih pengurus air tertentu, seperti yang dinyatakan dalam arahan tersebut,
- dan akan diberikan secara bertulis oleh sesuatu instrumen.
- (10) Adalah menjadi tanggungjawab setiap pengurus air kepada siapa arahan itu berkaitan untuk mematuhi arahan tersebut.
- (11) Setiausaha Negeri akan berunding dengan Agensi Alam Sekitar sebelum memberikan arahan di bawah subseksyen (6)(b) di atas.
- (12) Tanggungjawab pengurus air di bawah seksyen ini adalah dikuatkuasakan oleh Setiausaha Negeri di bawah seksyen 18 di atas

### **39C Rancangan Kemarau: Peruntukan Maklumat**

- (1) Adalah menjadi tanggungjawab setiap pembekal air berlesen untuk memberikan pengurus air maklumat sedemikian yang berpatutan dan diminta oleh pengurus air bagi tujuan penyediaan atau menyemak semula rancangan kemarau.
- (2) Jika keadaan di mana pertikaian wujud di antara pengurus air dan pembekal air berlesen bagi menentukan kepatutan (reasonableness) permintaan pengurus air di bawah subseksyen (1) di atas, kedua-dua pihak boleh merujuk perkara tersebut bagi ditentukan oleh Setiausaha Negeri, dan sebarang penentuan/keputusan adalah muktamad.
- (3) Bagi tujuan perenggan (b) subseksyen 37B(1) di atas, pengurus air harus mengenalpasti di dalam kenyataannya di bawah perenggan tersebut sebarang maklumat –

## M E M O R A N D U M

- a. Yang diberikan oleh pembekal air berlesen berikutan subseksyen (1) di atas; dan
  - b. Yang terkandung dalam deraf rancangan pengurusan sumber air, pengurus air, yang dikenalpasti oleh pembekal air berlesen secara khusus (pada masa ianya diberikan kepada pengurus air) sulit dari segi komersial, atas pendapat pembekal air berlesen.
- (4) Pengurus air tidak boleh menggunakan sebarang maklumat yang tidak diterbitkan atas sebab untuk memudahkan pelaksanaan tugas-tugas olehnya atau yang telah dipertanggungjawabkan kepadanya oleh atau di bawah Akta ini, sebarang gabungan Akta-Akta atau Akta Air 1989.
- (5) Dalam subseksyen (4) di atas-
- a. “maklumat yang tidak diterbitkan” bermakna maklumat sulit yang-
    - i. yang diberikan kepada pengurus air oleh pembekal air berlesen di bawah ini;
    - ii. berkaitan dengan hal-ehwal individu lain atau perniagaan tertentu; dan
    - iii. sifat seksyen 37B di atas, tidak diterbitkan;
  - b. “gabungan Akta-akta lain” mempunyai makna yang sama seperti di seksyen 206 di bawah.
- (6) Tanggungjawab pembekal air berlesen dan pengurus air di bawah seksyen ini harus dikuatkuasakan oleh Setiausaha Negeri di bawah seksyen 18 di atas.

### **Arahan Kemarau dan Permit Kemarau: Bayaran**

- (1) Dalam seksyen 77 WRA (peruntukan bagi arahan kemarau yang berkaitan dengan pengeluaran dan pelepasan), subseksyen (4) tidak dimasukkan.
  - (2) Dalam seksyen 79 WRA (pampasan dan bayaran di mana arahan kemarau dibuat), selepas subseksyen (3) telah ditambah-
- “(4) Di mana pengurus air telah membuat permohonan bagi arahan kemarau, agensi tersebut boleh mendapat balik sebarang perbelanjaan yang berpunca darinya daripada pengurus air (samada dari bentuk hasil atau modal)-
- a. Berkaitan dengan sebarang penyiasatan yang diadakan berhubungan dengan permohonan tersebut;
  - b. Dalam menjalankan fungsi agensi tersebut sejauh mana pelaksanaan tugas tersebut disebabkan permohonan tersebut dan (jika ada arahan dibuat) arahan, jika perbelanjaan tersebut tidak didapati balik (samada daripada pengurus air atau tidak) di bawah atau oleh kerana perundangan lain.
- (5) Seksyen 125 hingga 129 di bawah tidak boleh digunakan berkaitan dengan bayaran yang dibuat di bawah subseksyen (4) di atas.”
- (3) Dalam seksyen 79A WRA (permit kemarau)-
    - a. Subseksyen (8) tidak dimasukkan, dan
    - b. Selepas subseksyen (8) telah dimasukkan-
- “(8A) Di mana seorang pengurus air membuat permohonan bagi permit kemarau, Agensi boleh mendapat balik daripada pengurus air perbelanjaan yang disebabkan olehnya (samada dari bentuk hasil atau modal) dalam pelaksanaan fungsinya, sejauh mana pelaksanaan tersebut berpunca dari-
- a. Permohonan;
  - b. (jika permit telah dikeluarkan) permit
- jika perbelanjaan tersebut tidak didapati balik (samada daripada pengurus air atau tidak) di bawah atau oleh kerana perundangan lain.

(8B) Seksyen 125 hingga 129 di bawah tidak boleh digunakan berkaitan dengan bayaran yang dibuat di bawah subseksyen (8A) di atas.”

### **Prosedur Di Penyiasatan Tempatan**

Dalam Jadual 8 WRA (tindakan undang-undang bagi permit kemarau), perenggan 2, selepas subperenggan (6), telah dimasukkan-

“(7) Bagi tujuan subseksyen (2) seksyen 53 Akta 1995 (yang berkaitan dengan subseksyen (2) hingga (5) seksyen 250 Akta Kerajaan Tempatan 1972 kepada penyiasatan berhubungan dengan fungsi atau berhubungan dengan Agensi tersebut), satu penyiasatan tempatan di bawah perenggan berhubungan dengan permohonan oleh pengurus air bagi arahan kemarau, jika sebaliknya ia tidak dirangkumi dalam perenggan (a) atau (b) subseksyen tersebut, harus diperlakukan sepertimana ia dirangkumi oleh perenggan (b)”

### **National Water Act (South Africa) 1998**

#### **Amanah Awam Sumber Air Kebangsaan Seksyen 3**

3. (1) Sebagai pemegang amanah awam bagi sumber air kebangsaan, Kerajaan Negara, bertindak melalui Menteri, harus memastikan air dilindung, diguna, dibangun, dipelihara, diurus dan dikawal dengan cara yang lestari dan saksama, bagi kebaikan semua orang dan mengikut mandat perlembagaan.
- (2) Tanpa menghadkan subseksyen (1), Menteri adalah secara muktamad bertanggungjawab dalam memastikan air diagihkan secara saksama dan digunakan sedemikian untuk menjaga kepentingan umum, sambil mempromosi nilai-nilai alam sekitar.
- (3) Kerajaan Negara, bertindak melalui Menteri, mempunyai kuasa untuk mengawal penggunaan, aliran dan kawalan air dalam Republik ini.

#### **CADANGAN**

*36 (1) Adalah menjadi tanggungjawab setiap pemberi khidmat bekalan air berlesen untuk menyelenggara satu sistem bekalan air yang ekonomikal dengan memberikan pertimbangan yang seharusnya diberi kepada seksyen 36 (1) (A) dan 36 (1) (B)*

#### **36(1)(A) Rancangan Pengurusan Sumber Air**

- (1) *Adalah menjadi tanggungjawab setiap pemegang lesen untuk menyediakan dan menyelenggara rancangan pengurusan sumber air .*
- (2) *Rancangan Pengurusan Sumber Air adalah rancangan yang menunjukkan bagaimana pemegang lesen akan mengurus dan membangunkan sumber air supaya boleh dan secara berterusan boleh memenuhi kewajipan di bawah bahagian ini.*
- (3) *Rancangan Pengurusan Sumber Air harus menumpukan perhatian terutamanya-*
  - a. *Anggaran kuantiti air yang diperlukan untuk pemegang lesen memenuhi kewajipannya;*
  - b. *langkah-langkah yang akan diambil oleh pemegang lesen atau akan terus*

## MEMORANDUM

*mengambil untuk tujuan subseksyen (2) di atas (serta mempertimbangkan juga bagi tujuan tersebut, mengalirkan air ke dalam sistem bekalan pengurus air oleh atau bagi pihak pembekal air berlesen);*

- c. Urutan dan masa bagi pelaksanaan langkah-langkah tersebut; dan*
- d. Perkara-perkara lain yang berkaitan seperti dalam arahan Menteri.*

### **36(1)(B) Rancangan Kemarau**

- (1) Adalah menjadi tanggungjawab setiap pemegang lesen untuk menyediakan dan menyelenggara rancangan kemarau.*
- (2) Rancangan kemarau adalah rancangan bagaimana pemegang lesen akan dan terus akan melaksanakan tanggungjawabnya untuk membekalkan kuantiti air yang mencukupi, selamat, dengan dengan alternatif yang minimum secara berpatutan, yang mungkin.*
- (3) Rancangan Kemarau harus menumpukan perhatian terutamanya-*
  - a. Langkah-langkah yang diambil oleh pemegang lesen untuk menahan permintaan air di kawasanya*
  - b. Langkah-langkah yang akan diambil oleh pemegang lesen untuk mendapatkan air tambahan dari sumber-sumber lain (dengan juga mengambil kira bagi tujuan mengalirkan air ke dalam sistem bekalan pengurus air oleh atau bagi pihak pembekal air berlesen).*
  - c. Bagaimana pembekal akan memantau kesan akibat kemarau dan langkah yang diambil di bawah rancangan kemarau;*

### **CADANGAN BAGI SEKSYEN TAMBAHAN**

#### ***Pemegang amanah awam sumber air negara***

- (1) Sebagai pemegang amanah awam sumber air negara, Kerajaan Persekutuan, bertindak melalui Menteri, harus memastikan air dilindungi, diguna, dibangun, dipelihara, diurus dan dikawal secara lestari dan saksama, bagi kebaikan semua orang dan mengikut mandat perlembagaan.*
- (2) Tanpa menghadkan subseksyen (1), Menteri adalah secara muktamad bertanggungjawab dalam memastikan air diagihkan secara saksama dan digunakan sedemikian untuk menjaga kepentingan umum, sambil mempromosi nilai-nilai alam sekitar.*

### **Justifikasi**

Malaysia adalah sebuah negara yang mempunyai sumber air yang banyak. Walau bagaimanapun, krisis air yang dijangka akan berlaku dan kekurangan bekalan air pada masa lalu, adalah disebabkan isu-isu pengurusan air yang tidak baik. Oleh kerana itu, adalah penting untuk menyertakan rancangan pengurusan air, skim pengurusan air dan juga rancangan kemarau bagi memastikan senantiasanya adanya bekalan air yang mencukupi. Dengan menyertakan peruntukan tersebut dalam akta, ini yang akan mempertanggungjawabkan pengurusan air yang baik kepada pemegang lesen.

Kemasukan rancangan kemarau adalah penting, kerana pada masa lalu kita selalu mengalami catuan air berpanjangan pada masa-masa kemarau. Walaupun kita ada rancangan kecemasan dan skim-skim di mana air yang dikeluarkan adalah 20% lebih daripada yang sepatutnya diagihkan. Rancangan dan skim sedemikian tidak berjaya ketika musim kemarau.

#### 4.2.4 Menyambungkan sesalur utama awam dengan premis yang hendak dibekalkan air

Peruntukan dalam Seksyen 38

- 38.(1) Apabila permohonan untuk bekalan air telah diluluskan oleh pemegang lesen pengagihan air, pemegang lesen pengagihan air itu hendaklah meletakkan paip penghubung yang perlu untuk menyambungkan sesalur utama awam dengan premis yang hendak dibekalkan air, dan pemegang lesen pengagihan air itu boleh juga membekalkan dan menyesuaikan semua lengkapan air tetapi kos penyambungan itu dan semua lengkapan air untuk bekalan itu hendaklah ditanggung oleh pemilik atau penghuni premis.**
- (2) Tiada penyambungan boleh dibuat kepada sesalur utama awam sehingga anggaran kos untuk membuat sambungan itu telah didepositkan dengan pemegang lesen pengagihan air itu dan sehingga semua lengkapan air yang diperlukan untuk bekalan air telah didirikan dan disiapkan terlebih dahulu mengikut apa-apa kehendak mana-mana perundangan subsidiari yang dibuat di bawah Akta ini berkenaan dengan perkara yang sama.**

#### Komen mengenai Rang Undang-Undang

Sub Seksyen 2 hendaklah dikeluarkan.

#### CADANGAN

- 38. (1) Apabila permohonan untuk bekalan air telah diluluskan oleh pemegang lesen pengagihan air, pemegang lesen pengagihan air itu hendaklah meletakkan paip penghubung yang perlu untuk menyambungkan sesalur utama awam dengan premis yang hendak dibekalkan air, dan pemegang lesen pengagihan air itu boleh juga membekalkan dan menyesuaikan semua lengkapan air tetapi kos penyambungan itu **dan** semua lengkapan air untuk bekalan itu hendaklah ditanggung oleh **pemegang lesen**.*

#### Justifikasi

Frasa yang menyatakan “pemegang lesen pengagihan air itu boleh juga membekalkan dan menyesuaikan semua lengkapan air tetapi kos penyambungan itu dan semua lengkapan air untuk bekalan itu hendaklah ditanggung oleh pemilik atau penghuni premis” bercanggah dengan seksyen 36 yang dibincangkan sebelum ini. Seksyen ini harus disamakan dengan seksyen 36 serta sub seksyen 2 hendaklah dikeluarkan.

#### 4.2.5 Kualiti Air

Peruntukan dalam Seksyen 41

- 41(1) Pemegang lesen penagihan air hendaklah, apabila membekalkan air ke mana-mana premis, memastikan bahawa kualiti air yang dibekalkan mematuhi standard kualiti minimum yang ditetapkan pada masa bekalan.**

## MEMORANDUM

- (2) Pemegang lesen pengagihan air hendaklah memastikan, setakat yang dapat dilaksanakan dengan munasabah, berhubung dengan setiap sumber atau kombinasi sumber yang daripadanya pemegang lesen membekalkan air ke mana-mana premis, bahawa tiada kemerosotan berlaku dalam standard kualiti minimum air yang dibekalkan dari semasa ke semasa daripada sumber atau kombinasi sumber itu.
- (3) Bagi maksud seksyen ini, air yang dibekalkan oleh pemegang lesen pengagihan air ke mana-mana premis tidak boleh dianggap sebagai tidak mematuhi standard kualiti minimum yang ditetapkan pada masa bekalan jika air itu tidak lagi mematuhi standard kualiti minimum itu hanya selepas air itu meninggalkan paip pemegang lesen perkhidmatan.
- (4) Mana-mana pemegang lesen pengagihan air yang melanggar subseksyen (1) atau (2) melakukan suatu kesalahan dan boleh, apabila disabitkan, didenda tidak melebihi tiga ratus ribu ringgit atau dipenjarakan selama tempoh tidak melebihi tiga tahun atau kedua-duanya.

### **Komen mengenai Rang Undang-Undang**

Seksyen 41 (1)-(3) hanya menyatakan bahawa standard minimum tanpa spesifikasi atas apa yang dikatakan standard minimum dan berdasarkan apa yang dikatakan sebagai standard tempatan/antarabangsa. Begitu juga, “kualiti” di sini bermaksud air yang berkualiti adalah termasuk ciri-ciri dari segi fizikal, kimia dan biologi.

### **Perbandingan dengan akta lain**

#### **UK Water Act 2003**

#### **Sekyen 57**

#### **Jemaah Pemeriksa Air Minuman**

#### **57 Ketua Inspektor Air Minuman dan Jemaah Inspektor Air Minuman**

- (1) Sekyen 86 dari Akta Industri Air (yang mana melengkapi perlantikan pentafsir teknikal untuk penguatkuasaan kualiti air) adalah dipinda sebagai syarat dalam subsekyen (2) hingga (8)
- (2) Dalam subsekyen (1) perkataan “sebagai pentafsir teknikal” dimansuhkan.
- (3) Selepas subseksyen (1) dimasukkan-
  - “(1A) Tertakluk pada subseksyen (1B) di bawah, Setiausaha Negara harus melantik salah seorang sebagai Ketua Inspektor Air Minuman,
  - (1B) Sekiranya fungsi Setiausaha Negara di bawah subseksyen (1) di atas adalah diserahkan kepada perhimpunan-
    - (a) Subjek pada perenggan (b) di bawah, Dewan Perhimpunan boleh melantik salah seorang yang telah ditetapkan oleh Ketua Inspektor Air Minuman Wales
    - (b) Sekiranya orang yang ditetapkan oleh Perhimpunan adalah orang yang sama yang dilantik oleh Setiausaha Negara sebagai Ketua Inspektor Air Minuman, dia harus memegang kedua-dua tugas tersebut.
- (4) Dalam subseksyen (2) bagi “Seseorang” ditukarkan pada “Inspektor”.

- (5) Dalam subseksyen (3)(a) dan (b), bagi “seseorang” ditukarkan pada “inspektor”
- (6) Dalam subseksyen (4), perkataan “seseorang” di mana-mana ia muncul ditukar kepada “inspektor”
- (7) Dalam subseksyen (6) untuk perkataan dari “ringkasan sabitan” pada akhir ditukar pada-
  - (a) “ringkasan sabitan, denda tidak melebihi 20,000 pound sterling
  - (b) kesalahan pendakwaan, mendenda”
- (8) Selepas subseksyen (6) ditambah-
 

“(7) Prosiding/Tindakan Undang-undang oleh Setiausaha Negara untuk kesalahan di bawah sekyen ini atau berhubung dengan kualiti dan mencakupi bekalan air menggunakan system bekalan pengurus air boleh ditubuhkan dan dilaksanakan/ dibawa atas nama Ketua Inspektor Air Minuman.
- (8) Mana-mana prosiding/tindakan undang-undang oleh Dewan Perhimpunan boleh ditubuhkan dan dibawa atas nama Ketua Inspektor Air Minuman Wales, jika ianya satu (atau, jika subseksyen (1B)(b) di atas digunakan di bawah nama Ketua Inspektor Air Minuman)
- (9) Di bawah sekyen ini “inspektor” bermaksud Ketua Inspektor Air Minuman atau mana-mana orang yang dilantik di bawah subseksyen (1) di atas”
- (9) Di bawah seksyen 219 Akta Industri Air (interpretasi umum), selepas subsekyen (9) di tambah-
 

“(10) sekiranya Dewan Perhimpunan melantik seseorang sebagai Ketua Inspektor Air Minuman Wales di bawah seksyen 86 (1B) di atas, merujuk Akta ini kepada Ketua Inspektor Air Minuman, sebagai sesuatu penghormatan yang dilakukan berhubung dengan beliau, harus diambil sebagai rujukan kepada orang yang dilantik sebagai Ketua Inspektor Air Minuman Wales oleh Setiausaha Negara dan juga orang yang dilantik oleh Perhimpunan sebagai Ketua Inspektor Air Minuman Wales”
- (10) Subseksyen (7) hakikatnya tidak terikat dengan mana-mana kesalahan sebelum bermulanya subseksyen tersebut.

## **UK Water Act 2003**

### **Seksyen 61**

#### **Bekalan air yang tidak sesuai untuk penggunaan manusia**

- (1) Di bawah sekyen 70 (1)(a) Akta Industri Air ( yang mana menyatakan penalti ringkasan sabitan ke atas kesalahan membekal air yang tidak sesuai untuk penggunaan manusia) untuk “maksimum berkanun/ maksimum mengikut undang-undang” ditukar pada “Euro 20000”
- (2) Subseksyen (1) hakikatnya tidak terikat pada mana-mana kesalahan sebelum bermulanya seksyen ini.

## **Water Industry (Scotland) 2002**

### **Warta 2**

#### **Pengawal selia Kualiti Air Minuman**

Pengawal selia Kualiti Air Minuman: tambahan peruntukan kepada kemasukan kuasa.  
Notis kemasukan

- 1(1) Pengawal selia berhak untuk meminta untuk memasukkan mana-mana premis sebagai hak di bawah seksyen 9(1), 12(2)(a) atau 13(3)(a) (dalam senarai ini merujuk pada “ peruntukan berhubung”) hanya pada masa yang bersesuaian, kecuali pada kecemasan.

## M E M O R A N D U M

- (2) Melainkan premis itu adalah pembekal air awam, pengawal selia mestilah memberikan notis 24 jam bagi menyatakan hasrat memasuki premis itu kepada penghuni premis.

### **Waran melaksanakan hak atau kuasa**

- (2) Sekiranya Syerif atau Jaksa Pendamai berpuashati, oleh keterangan di atas sumpah, tersebut-
- (a) ia adalah asas yang bersesuaian pada amalan berkaitan dengan mana-mana premis yang dianugerahkan kuasa oleh peruntukan berkaitan, dan
- (b) satu atau lebih daripada syarat spesifik dalam sub-perenggan (2) adalah berhubung dengan kepuasan premis.

Syerif atau jaksa membenarkan waran Pengawal selia dan seseorang yang mendapat kebenaran dari Pengawal selia bagi tujuan berhubung dengan kuasa amalan kepada premis-premis di bawah mengikut waran dan jika diperlukan oleh kuasa.

- (2) Keterangan syarat-syarat dalam sub-perenggan (1) adalah-
- (a) Amalan kuasa tersebut adalah berhubung dengan keengganan premis
- (b) Penolakan yang bersesuaian
- (c) Adalah premis yang tidak diberpenghuni
- (d) Orang yang tidak menduduki sementara waktu
- (e) Kes ini memerlukan tindakan segera
- (f) Permohonan untuk masuk ke premis dikalahkan oleh sesuatu yang mencadangkan kemasukannya.
- (3) Syerif atau jaksa tidak boleh mengeluarkan waran di bawah perkara ini oleh kebaikan memperoleh kepuasan terhadap syarat-syarat spesifik dalam sub-perenggan (2) (a) atau (b) melainkan syerif atau jaksa juga berpuashati.
- (a) tujuan notis untuk permohonan waran akan diberikan kepada pengguna premis
- (b) pemberian notis tersebut akan mengalahkan usul kemasukan
- (4) Waran di bawah lanjutan jadual ini, berkuatkuasa sehingga tujuan waran yang dikeluarkan itu memuaskan hati.

### **Kuasa Keterangan**

- 3 Seseorang berhak ke atas kuasa amalan peruntukan berkaitan, sekiranya perlu berbuat demikian, mengeluarkan keterangan bertulis berkaitan kelayakan.

### **Kuasa Tambahan**

- 4 Seseorang berhak masuk ke dalam mana-mana premis di bawah kuasa amalan peruntukan berkaitan, perkara dalam kes ini adalah di bawah waran amalan kuasa terma waran tersebut, pengambilan premis seperti orang lain dan pelengkap sebagainya yang diperlukan.



## Kewajipan terhadap premis terpelihara

- 5 Seseorang yang memasuki mana-mana premis bagi melaksanakan kuasa yang diberikan di bawah peruntukan yang bersesuaian, hendaklah meninggalkan premis secara selamat dan dilindungi daripada dakwaan sebagai penceroboh oleh sesiapa yang menjumpai mereka.

## Ganti rugi

- 6(1) Mana-mana individu yang memperolehi bidang kuasa peruntukan berkaitan, Menteri Scottish hendaklah memastikan pemberian gantirugi penuh kepada mana-mana individu yang mengalami kehilangan atau kerosakan dengan sebab-
- (a) amalan oleh individu yang memperolehi kuasa atau kuasa yang diperolehi dari individu lain atau peralatan di dalam premis berhubung dengan kuasa premis atau
  - (b) prestasi ke atas, atau kegagalan individu menunjukkan, memaksa kewajipan di perenggan 5
- (2) *Gantirugi tidak dibayar oleh sub-perenggan (1) di bawah kehormatan mana-mana kehilangan atau kerosakan sekiranya hilang atau rosak*
- (a) di atas sebab keengganan individu itu mengekalkan ia atau
  - (b) hilang atau rosak di bawah pengawasan gantirugi sesiapa oleh peruntukan lain di bawah akta ini.
- (3) mana-mana pertikaian ke atas individu yang berhak kepada ganti rugi di bawah perenggan ini, atau ke atas jumlah mana-mana gantirugi, adalah merujuk kepada pengadilan seorang penimbangtara yang dilantik melalui perjanjian di antara Menteri Scottish dan individu yang menuntut kehilangan dan kerosakan atau keengganan perjanjian oleh Presiden Tribunal Kepulauan Scotland.

## Maklumat kerahsiaan komersial

- 7(1) mana-mana individu yang memasuki premis di bawah bidang kuasa peruntukan berkaitan dan sesiapa yang menggunakannya atau memperlihatkan perolehan maklumat dari individu premis tersebut dengan menurut proses pengilangan atau rahsia perdagangan adalah merupakan satu kesalahan.
- (2) Seseorang yang disabitkan kesalahan di bawah sub-perenggan (1) boleh dikenakan-
- (a) ringkasan sabitan, boleh dikenakan denda yang tidak melebihi undang-undang maksimum
  - (b) sabitan dakwaan, boleh dikenakan denda.

## Interpretasi/Tafsiran

- 8 Untuk perkara perenggan 5 dan 6 individu yang memasuki mana-mana premis di bawah bidang kuasa peruntukan berkaitan meskipun gagal (disebabkan oleh keperluan pengecualian dari penghuni premis atau sekiranya) mematuhi dengan-
- (a) mana-mana tuntutan memasuki premis tersebut pada masa yang bersesuaian atau selepas pemberian notis kemasukan yang dirancang, atau
  - (b) mengenakan tuntutan melalui perenggan 3

## MEMORANDUM

### CADANGAN

- 41 (1) *Pemegang lesen pengagihan air hendaklah, apabila membekalkan air ke mana-mana premis, memastikan bahawa kualiti air yang dibekalkan mematuhi standard kualiti minimum yang ditetapkan pada masa bekalan dan diluluskan oleh pengawal selia kualiti air minuman*
- (2) *Pemegang lesen pengagihan air hendaklah memastikan, setakat yang dapat dilaksanakan dengan munasabah, berhubung dengan setiap sumber atau kombinasi sumber yang daripadanya pemegang lesen membekalkan air ke mana-mana premis, bahawa tiada kemerosotan berlaku dalam standard kualiti minimum air yang dibekalkan dari masa ke semasa daripada sumber atau kombinasi sumber itu.*
- (3) *Bagi maksud seksyen ini, air yang dibekalkan oleh pemegang lesen pengagihan air ke mana-mana premis tidak boleh dianggap sebagai tidak mematuhi standard kualiti minimum yang ditetapkan pada masa bekalan jika air itu tidak lagi mematuhi standard kualiti minimum itu hanya selepas air itu melepasi paip pemegang lesen perkhidmatan.*
- (4) *Mana-mana pemegang lesen pengagihan air yang melanggar subseksyen (1) atau (2) telah melakukan suatu kesalahan dan boleh, apabila disabitkan, didenda tidak melebihi lima ratus ribu ringgit atau dipenjarakan selama tempoh tidak melebihi tiga tahun atau kedua-duanya.*

### CADANGAN BAGI SEKSYEN TAMBAHAN

#### *Pengawal selia Kualiti Air Minuman*

- (1) *Menteri boleh melantik salah seorang individu atau entiti sebagai pengawal selia kualiti air minuman Malaysia yang berperanan di bawah amalan ke atas pengawal selia yang memihak padanya.*
- (2) *Pengawal selia mempunyai fungsi umum seperti*
- (a) *bagi memastikan tanggungjawab kualiti air minuman kepada pembekal air dipatuhi; dan*
  - (b) *pengawasan penguatkuasaan oleh kerajaan tempatan ke atas tanggungjawab kualiti air minuman merupakan tanggungjawab dan kuasa mereka.*

#### **Justifikasi**

Tujuan dan klausa pada Kualiti Air hendaklah diperluaskan. Kebanyakan negara seperti UK dan US mempunyai Akta Keselamatan Air Minuman. Namun Malaysia sehingga kini masih tidak mempunyai akta tersebut; Rang Undang-undang Industri Air harus memasukkan semua klausa penting tentang kualiti air. Klausa 41 Undang-undang Industri Air ke atas kualiti air tidak komprehensif. Denda ke atas kesalahan berhubung dengan kualiti air hendaklah dikenakan tidak melebihi lima ratus ribu ringgit kerana kualiti air berkaitan dengan kehidupan dan mempunyai implikasi terhadap kesihatan.

Spesifikasi yang tepat terhadap kualiti minimum untuk perkhidmatan bekalan air haruslah dimasukkan dalam peruntukan. Ini untuk memastikan pemeriksaan danimbangan pemegang air berlesen dan ini dapat menghindarkan pemegang lesen daripada mempunyai kualiti minimum standard yang berbeza.

Seksyen Pengawal selia Kualiti Air Minuman adalah sama dengan UK dan Akta Scotland harus memasukkan kepentingan dan fungsi pengawal selia.

### BAB 3 : KEWAJIPAN DAN OBLIGASI PEMEGANG LESEN

#### 4.2.6 Tangki septik hendaklah dibersihkan,dsb.

Peruntukan dalam Seksyen 44:

**44.(2) Pemegang lesen perkhidmatan yang tidak mematuhi obligasinya di bawah subseksyen (1) melakukan suatu kesalahan dan boleh, apabila disabitkan, didenda tidak melebihi lima puluh ribu ringgit.**

#### **Komen ke atas peruntukan undang-undang**

Denda yang dikenakan tidak cukup tegas kepada pemegang lesen industri air yang tidak menjalankan obligasinya.

#### **CADANGAN**

*44.(2) Pemegang lesen perkhidmatan yang tidak mematuhi obligasinya di bawah subseksyen (1) melakukan suatu kesalahan dan boleh, apabila disabitkan, didenda tidak melebihi dua ratus dan lima puluh ribu ringgit.*

#### **Justifikasi**

Bagi memastikan pemegang lesen tidak mengabaikan tanggungjawab kepada pengguna.

### **4.3 BAHAGIAN IV: PERUNTUKAN YANG BERHUBUNGAN DENGAN SISTEM BEKALAN AIR, PERKHIDMATAN BEKALAN AIR, SISTEM PEMBENTUNGAN DAN PERKHIDMATAN PEMBENTUNGAN.**

#### **Bab 1: Sistem bekalan air dan sistem pembentungan**

#### **4.3.1 Pemaju hendaklah menyerahkan sistem bekalan air atau sistem pembentungan bangunan baru kepada pemegang lesen perkhidmatan**

Peruntukan dalam Seksyen 47

**47. (1) Tertakluk kepada subseksyen (2), (3) dan (5), pemaju pembangunan baru yang berada di dalam kawasan pengagihan bekalan air atau kawasan perkhidmatan pembentungan pemegang lesen perkhidmatan, mengikut mana-mana yang berkenaan, hendaklah, setelah perakuan penerimaan system bekalan air atau sistem pembentungan itu atau sebahagian daripada sistem itu dikeluarkan oleh pemaju sistem bekalan air atau sistem pembentungan itu, menyerahkan sistem bekalan air atau sistem pembentungan itu atau sebahagian daripada sistem itu yang berada di dalam pembangunan itu kepada pemegang lesen pengagihan air atau pemegang lesen perkhidmatan yang menyediakan perkhidmatan pembentungan, mengikut mana-mana yang berkenaan, tanpa apa-apa kos, bagi maksud yang dinyatakan dalam subseksyen (3).**

**(2) Pemegang lesen perkhidmatan itu hendaklah menerima sistem bekalan air atau sistem pembentungan itu atau sebahagian daripada sistem itu, mengikut mana-mana yang**

berkenaan, selepas pemegang lesen perkhidmatan itu berpuas hati bahawa sistem bekalan air atau sistem pembedungan itu atau sebahagian daripada sistem itu memenuhi kehendak yang dinyatakan dalam rancangan dan spesifikasi yang diluluskan serta standard.

- (3) Apabila sistem bekalan air atau sistem pembedungan itu atau sebahagian daripada sistem itu diserahkan kepada pemegang lesen perkhidmatan, pemegang lesen perkhidmatan itu hendaklah, jika dikehendaki, diberi kuasa untuk mengendalikan dan menyenggarakan sistem itu jika difikirkan perlu oleh pemegang lesen perkhidmatan itu.
- (4) Pemaju hendaklah memberikan atau menyebabkan supaya pemilik tanah untuk memberikan pemegang lesen perkhidmatan akses ke sistem bekalan air dan sistem pembedungan itu atau sebahagian daripada sistem itu bagi maksud pengendalian dan penyenggaraan sistem itu.
- (5) Suruhanjaya boleh mengecualikan mana-mana pemaju daripada kehendak seksyen ini.
- (6) Seseorang yang tidak mematuhi seksyen ini melakukan suatu kesalahan dan boleh, apabila disabitkan, didenda tidak melebihi tiga ratus ribu ringgit atau dipenjarakan selama tempoh tidak melebihi tiga tahun atau kedua-duanya.

### Komen

Sub seksyen (5) harus dikeluarkan supaya tidak mengecualikan sesiapa daripada tanggungjawab mereka.

### CADANGAN

47. (1) *Tertakluk kepada subseksyen (2), (3) dan (5), pemaju pembangunan baru yang berada di dalam kawasan pengagihan bekalan air atau kawasan perkhidmatan pembedungan pemegang lesen perkhidmatan, mengikut mana-mana yang berkenaan, hendaklah, setelah perakuan penerimaan sistem bekalan air atau sistem pembedungan itu atau sebahagian daripada sistem itu dikeluarkan oleh pemaju sistem bekalan air atau sistem pembedungan itu, menyerahkan sistem bekalan air atau sistem pembedungan itu atau sebahagian daripada sistem itu yang berada di dalam pembangunan itu kepada pemegang lesen pengagihan air atau pemegang lesen perkhidmatan yang menyediakan perkhidmatan pembedungan, mengikut mana-mana yang berkenaan, tanpa apa-apa kos, bagi maksud yang dinyatakan dalam subseksyen (3).*
- (2) *Pemegang lesen perkhidmatan itu hendaklah menerima sistem bekalan air atau sistem pembedungan itu atau sebahagian daripada sistem itu, mengikut mana-mana yang berkenaan, selepas pemegang lesen perkhidmatan itu berpuas hati bahawa sistem bekalan air atau sistem pembedungan itu atau sebahagian daripada sistem itu memenuhi kehendak yang dinyatakan dalam rancangan dan spesifikasi yang diluluskan serta standard.*
- (3) *Apabila sistem bekalan air atau sistem pembedungan itu atau sebahagian daripada sistem itu diserahkan kepada pemegang lesen perkhidmatan, pemegang lesen perkhidmatan itu hendaklah, jika dikehendaki, diberi kuasa untuk mengendalikan dan menyenggarakan sistem itu jika difikirkan perlu oleh pemegang lesen perkhidmatan itu.*
- (4) *Pemaju hendaklah memberikan atau menyebabkan supaya pemilik tanah untuk memberikan pemegang lesen perkhidmatan akses ke sistem bekalan air dan sistem pembedungan itu atau sebahagian daripada sistem itu bagi maksud pengendalian dan penyenggaraan sistem itu.*
- (5) *Seseorang yang tidak mematuhi seksyen ini melakukan suatu kesalahan dan boleh, apabila disabitkan, didenda tidak melebihi tiga ratus ribu ringgit atau dipenjarakan selama tempoh tidak melebihi tiga tahun atau kedua-duanya.*

## MEMORANDUM

### Justifikasi

Subseksyen 5 boleh menyebabkan isu kroni timbul pada masa hadapan kerana Suruhanjaya dan ahlinya boleh membuat keputusan untuk mengecualikan mana-mana pemaju.

### 4.3.2 Pengurangan atau pemberhentian bekalan

Peruntukan dalam Seksyen 54:

- 54 (1) Mana-mana pemegang lesen pengagihan air boleh, dengan kelulusan Suruhanjaya-**
- (a) mengurangkan jumlah atau tekanan air yang dilabelkan kepada mana-mana pengguna jika disebabkan oleh apa-apa hal keadaan yang diluar kawalannya air tidak mencukupi untuk membolehkan jumlah yang penuh dibekalkan; atau**
  - (b) memberhentikan secara sementara bekalan air**
- (2) Pemegang lesen pengagihan air itu tidaklah bertanggung bagi apa-apa kerosakan yang dihadapi oleh mana-mana orang atau pada harta atau bagi apa-apa pengurangan atau pemberhentian bekalan air yang-**
- (a) diluluskan oleh Suruhanjaya;**
  - (b) disebabkan oleh hal keadaan atau kemalangan yang tidak diakibatkan oleh pelakuan atau tingkah lakunya sendiri; atau**
  - (c) disebabkan oleh penyambungan kelengkapan atau lengkapan air yang tidak dibenarkan**
- (3) Melainkan jika dikecualikan atau dibenarkan selainnya di bawah Akta ini atau perundangan subsidiarinya, pemegang lesen pengagihan air itu hendaklah mengambil semua langkah perlu yang dikehendaki, termasuk menyediakan air melalui lori tangki air, untuk memastikan bahawa pengguna di dalam kawasan pengagihan bekalan airnya dibekalkan air.**

### Komen mengenai Rang Undang-Undang

Seksyen 54 adalah peruntukan yang tidak terdapat dalam akta-akta lain. Ia tidak mewajibkan pemegang lesen menyediakan notis keutamaan kepada pengguna bagi merancang aktiviti mereka. Selain daripada peruntukan itu juga perlu memasukkan sub-klausu, yang menjelaskan tentang bekalan air alternatif hendaklah ditanggung oleh pemegang lesen.

### CADANGAN

- 54 (1) Mana-mana pemegang lesen pengagihan air boleh, dengan kelulusan Suruhanjaya-*
- (a) mengurangkan jumlah atau tekanan air yang dibekalkan kepada mana-mana pengguna jika disebabkan oleh apa-apa hal keadaan yang di luar kawalannya air tidak mencukupi untuk membolehkan jumlah yang penuh dibekalkan; atau*
  - (b) memberhentikan secara sementara bekalan air*
- (2) Pemegang lesen pengagihan air itu tidaklah bertanggung bagi apa-apa kerosakan yang dihadapi oleh mana-mana orang atau pada harta atau bagi apa-apa pengurangan atau pemberhentian bekalan air yang-*

- (a) *diluluskan oleh Suruhanjaya;*
  - (b) *disebabkan oleh hal keadaan atau kemalangan yang tidak diakibatkan oleh pelakuan atau tingkah lakunya sendiri; atau*
  - (c) *disebabkan oleh penyambungan kelengkapan atau lengkapan air yang tidak dibenarkan*
- (3) *Melainkan jika dikecualikan atau dibenarkan selainnya di bawah Akta ini atau perundangan subsidiarinya, pemegang lesen pengagihan air itu hendaklah mengambil semua langkah perlu yang dikehendaki, termasuk menyediakan air melalui lori tangki air, untuk memastikan bahawa pengguna di dalam kawasan pengagihan bekalan airnya dibekalkan air. **Kos penyediaan gantian bekalan mestilah ditanggung oleh pemegang lesen.***
- (4) ***Klausu di atas hanya boleh diguna pakai apabila pemegang lesen memberi notis dalam masa tidak kurang tujuh hari dan notis tersebut boleh diperolehi dan disiarkan kepada pengguna yang terbahit.***

### **Justifikasi**

Cadangan pada sub klausa ini adalah untuk menghalang perbuatan manipulasi oleh pemegang lesen. Pengurangan dan pemberhentian disebabkan oleh perancangan dan pengurusan yang betul oleh pemegang lesen tidak akan membebaskan pengguna. Oleh itu, pemegang lesen hendaklah menyediakan perincian mengenai pengurangan dan pemberhentian terlebih dahulu dan semua kos pengantian bekalan hendaklah ditanggung oleh pemegang lesen.

## **BAB 2 : PERKHIDMATAN BEKALAN AIR**

### **4.3.3 Kuasa khas semasa kecemasan**

Peruntukan dalam Seksyen 56

- 56. (1) Menteri hendaklah mempunyai mana-mana atau semua kuasa yang berikut semasa suatu kecemasan:**
- (a) melarang atau menyekat penggunaan air –**
    - (i) secara amnya atau bagi maksud yang dinyatakan;**
    - (ii) semasa waktu-waktu yang dinyatakan atau selainnya; atau**
    - (iii) mengikut cara yang dinyatakan,**
  - (b) mengenakan –**
    - (i) had ke atas jumlah air yang boleh digunakan bagi apa-apa tempoh yang dinyatakan;**
    - (ii) apa-apa surcaj berkenaan dengan penggunaan air yang melebihi had yang dikenakan; atau**
    - (iii) apa-apa syarat lain yang difikirkan perlu oleh Menteri;**
  - (c) memerintahkan pemegang lesen atau mana-mana orang yang memiliki atau mengendalikan suatu sistem bekalan air untuk menghentikan pengendaliannya atas apa-apa terma dan selama apa-apa tempoh yang difikirkan perlu oleh Menteri; atau**

- (d) memerintahkan mana-mana orang untuk membekalkan air atas apa-apa terma dan syarat yang difikirkan perlu oleh Menteri.
- (2) Menteri hendaklah, dengan secepat yang dapat dilaksanakan, selepas menjalankan mana-mana atau semua kuasanya yang dinyatakan dalam subseksyen (1), menyiarkan suatu notis dalam *Warta* yang menyatakan butir-butir mengenai kuasa yang telah dijalankan dan tindakan yang telah diambil di bawah subseksyen (1).
- (3) Menteri boleh atas apa-apa alasan yang difikirkannya patut —
  - (a) menghadkan pemakaian subseksyen (1) bagi kawasan, kumpulan, golongan orang, premis atau aktiviti yang dinyatakan; dan
  - (b) menggantungkan atau mengetepikan mana-mana peruntukan seksyen ini.
- (4) Menteri boleh mengarahkan Suruhanjaya supaya —
  - (a) mengambil milikan sementara ke atas mana-mana sistem bekalan air pemegang lesen dan mengendalikannya atau mengarahkan mana-mana orang lain untuk mengendalikannya mengikut apa-apa cara difikirkan patut oleh Menteri; dan
  - (b) mengambil atau menyebabkan diambil apa-apa langkah termasuk pemasangan peranti penyekatan, pengawalan dan penyukatan serta pengawalseliaan dan pengawalan pelupusan perkakas yang perlu bagi memastikan pematuhan seksyen ini, dan pemegang lesen yang mempunyai kawalan atau milikan ke atas sistem bekalan air itu hendaklah menyerahkan kawalan atau milikan ke atas system bekalan air itu kepada mana-mana pegawai yang diberi kuasa oleh Suruhanjaya bagi maksud itu atau mana-mana orang lain yang difikirkan patut oleh Menteri serta pemegang lesen itu hendaklah mengambil segala langkah dan memberikan segala bantuan yang dikehendaki oleh Suruhanjaya, pegawai atau orang itu.
- (5) Sesuatu keputusan, perintah atau arahan Menteri dalam menjalankan kuasanya di bawah seksyen ini adalah muktamad dan tidak boleh dicabar, dirayukan, dikaji semula, dibatalkan atau dipersoalkan dalam mana-mana mahkamah.
- (6) Seseorang yang tidak mematuhi perintah Menteri atau larangan, sekatan atau penganan kuasa yang dibuat di bawah subseksyen (1) atau kehendak di bawah subseksyen (4) melakukan suatu kesalahan dan boleh, apabila disabitkan, didenda tidak melebihi tiga ratus ribu ringgit atau dipenjarakan selama tempoh tidak melebihi tiga tahun atau keduanya.
- (7) Jika mana-mana premis dihuni oleh mana-mana orang selain pemiliknya, penghuni premis itu hendaklah dianggap telah melakukan kesalahan di bawah seksyen ini melainkan jika dibuktikan bahawa dia telah mengambil semua langkah yang munasabah untuk mencegah pelakuan sedemikian.
- (8) Kerajaan Persekutuan, Suruhanjaya dan pekerja serta ejen mereka tidaklah bertanggungjawab bagi apa-apa tindakan kerana pelanggaran kontrak atau kerana apa-apa kerugian atau kerosakan yang disebabkan oleh apa-apa pemberhentian, pemotongan, pengurangan atau penyekatan bekalan air di bawah seksyen ini.
- (9) Tiap-tiap pemegang lesen dan pekerja serta ejen mereka tidaklah bertanggungjawab bagi apa-apa tindakan kerana pelanggaran kontrak atau kerana apa-apa kerugian atau kerosakan yang disebabkan oleh apa-apa pemberhentian, pemotongan, pengurangan atau penyekatan bekalan air di bawah seksyen ini kecuali jika pemberhentian, pemotongan, pengurangan atau penyekatan bekalan air itu telah disebabkan oleh—
  - (a) kecuai atau perbuatan sengaja pemegang lesen, pekerja atau ejen mereka; atau
  - (b) pelanggaran oleh pemegang lesen terhadap terma dan syarat lesennya atau



peruntukan Akta ini atau perundangan subsidiarinya.

- (10) Seseorang yang disebut dalam perenggan (1)(c) dan (d) tidaklah bertanggung bagi apa-apa tindakan kerana pelanggaran kontrak atau kerana apa-apa kerugian atau kerosakan yang disebabkan oleh apa-apa pemberhentian pengendalian atau bekalan air, mengikut mana-mana yang berkenaan, di bawah seksyen ini.
- (11) Bagi maksud seksyen ini, suatu “kecemasan” ertinya suatu hal keadaan apabila —
- (a) bekalan air tidak mencukupi disebabkan oleh kemarau yang teruk atau pergolakan industri, mogok atau sekat-masuk;
  - (b) bekalan air atau sistem bekalan air membahayakan atau menimbulkan ancaman kepada keselamatan awam atau kesihatan awam; atau
  - (c) suatu kejadian berlaku yang menimbulkan keadaan yang mendesak sehinggakan Menteri mendapati perlu untuk menjalankan kuasanya di bawah seksyen ini.

### Komen mengenai rang Undang-Undang

Sesetengah sub seksyen dalam klausa ini tidak mencerminkan integriti dan ketelusan dan ia menggambarkan kuasa dominasi yang diberikan kepada Menteri serta tiada satu sistem “check dan balance”. Subseksyen 5 seharusnya dikeluarkan.

### CADANGAN

56. (1) Menteri hendaklah mempunyai mana-mana atau semua kuasa yang berikut semasa suatu kecemasan:
- (a) melarang atau menyekat penggunaan air –
    - (i) secara amnya atau bagi maksud yang dinyatakan;
    - (ii) semasa waktu-waktu yang dinyatakan atau selainnya; atau
  - (b) mengenakan –
    - (i) had ke atas jumlah air yang boleh digunakan bagi apa-apa tempoh yang dinyatakan;
    - (ii) apa-apa surcaj berkenaan dengan penggunaan air yang melebihi had yang dikenakan **setelah memberi notifikasi dan justifikasi**; atau
    - (iii) apa-apa syarat lain yang difikirkan perlu oleh Menteri;
  - (c) memerintahkan pemegang lesen atau mana-mana orang yang memiliki atau mengendalikan suatu sistem bekalan air untuk menghentikan pengendaliannya atas apa-apa terma dan selama apa-apa tempoh yang difikirkan perlu oleh Menteri; atau
  - (d) memerintahkan mana-mana orang untuk membekalkan air atas apa-apa terma dan syarat yang difikirkan perlu oleh Menteri **setelah mendapat kelulusan Suruhanjaya**.
- (2) Menteri hendaklah, dengan secepat yang dapat dilaksanakan, selepas menjalankan mana-mana atau semua kuasanya yang dinyatakan dalam subseksyen (1), menyiarkan suatu notis dalam Warta yang menyatakan butir-butir mengenai kuasa yang telah dijalankan dan tindakan yang telah diambil di bawah subseksyen (1).
- (3) Menteri boleh atas apa-apa alasan yang difikirkannya patut —
- (a) menghadkan pemakaian subseksyen (1) bagi kawasan, kumpulan, golongan orang, premis atau aktiviti yang dinyatakan; dan

## MEMORANDUM

- (b) *menggantungkan atau mengetepikan mana-mana peruntukan seksyen ini.*
- (4) *Menteri boleh mengarahkan Suruhanjaya supaya —*
  - (a) *mengambil milikan sementara ke atas mana-mana sistem bekalan air pemegang lesen dan mengendalikannya atau mengarahkan mana-mana orang lain untuk mengendalikannya mengikut apa-apa cara difikirkan patut oleh Menteri; dan*
  - (b) *mengambil atau menyebabkan diambil apa-apa langkah termasuk pemasangan peranti penyekatan, pengawalan dan penyukatan serta pengawalseliaan dan pengawalan pelupusan perkakas yang perlu bagi memastikan pematuhan seksyen ini, dan pemegang lesen yang mempunyai kawalan atau milikan ke atas sistem bekalan air itu hendaklah menyerahkan kawalan atau milikan ke atas system bekalan air itu kepada mana-mana pegawai yang diberi kuasa oleh Suruhanjaya bagi maksud itu atau mana-mana orang lain yang difikirkan patut oleh Menteri serta pemegang lesen itu hendaklah mengambil segala langkah dan memberikan segala bantuan yang dikehendaki oleh Suruhanjaya, pegawai atau orang itu.*
- (5) *Seseorang yang tidak mematuhi perintah Menteri atau larangan, sekatan atau pengenaan kuasa yang dibuat di bawah subseksyen (1) atau kehendak di bawah subseksyen (4) melakukan suatu kesalahan dan boleh, apabila disabitkan, didenda tidak melebihi tiga ratus ribu ringgit atau dipenjarakan selama tempoh tidak melebihi tiga tahun atau kedua-duanya.*
- (6) *Jika mana-mana premis dihuni oleh mana-mana orang selain pemiliknya, penghuni premis itu hendaklah dianggap telah melakukan kesalahan di bawah seksyen ini melainkan jika dibuktikan bahawa dia telah mengambil semua langkah yang munasabah untuk mencegah pelakuan sedemikian.*
- (7) *Kerajaan Persekutuan, Suruhanjaya dan pekerja serta ejen mereka tidaklah bertanggungjawab bagi apa-apa tindakan kerana rancanganggaran kontrak atau kerana apa-apa kerugian atau kerosakan yang disebabkan oleh apa-apa pemberhentian, pemotongan, pengurangan atau penyekatan bekalan air di bawah seksyen ini.*
- (8) *Tiap-tiap pemegang lesen dan pekerja serta ejen mereka akan bertanggungjawab bagi apa-apa tindakan kerana pelanggaran kontrak atau kerana apa-apa kerugian atau kerosakan yang disebabkan oleh apa-apa pemberhentian, pemotongan, pengurangan atau penyekatan bekalan air di bawah seksyen ini kecuali jika pemberhentian, pemotongan, pengurangan atau penyekatan bekalan air itu telah disebabkan oleh—*
  - (a) *kecuaiian atau perbuatan sengaja pemegang lesen, pekerja atau ejen mereka; atau*
  - (d) *pelanggaran oleh pemegang lesen terhadap terma dan syarat lesennya atau peruntukan Akta ini atau perundangan subsidiarinya.*
- (9) *Seseorang yang disebut dalam perenggan (1)(c) dan (d) tidaklah bertanggungjawab bagi apa-apa tindakan kerana pelanggaran kontrak atau kerana apa-apa kerugian atau kerosakan yang disebabkan oleh apa-apa pemberhentian pengendalian atau bekalan air, mengikut mana-mana yang berkenaan, di bawah seksyen ini.*
- (10) *Bagi maksud seksyen ini, suatu “kecemasan” ertinya suatu hal keadaan apabila —*
  - (a) *bekalan air tidak mencukupi disebabkan oleh kemarau yang teruk atau pergolakan industri, mogok atau sekat-masuk;*
  - (b) *bekalan air atau sistem bekalan air membahayakan atau menimbulkan ancaman kepada keselamatan awam atau kesihatan awam; atau*
  - (c) *suatu kejadian berlaku yang menimbulkan keadaan yang mendesak sehinggakan Menteri mendapati perlu untuk menjalankan kuasanya di bawah seksyen ini.*

## Justifikasi

Sub seksyen 5 menggambarkan kuasa dominasi yang diberikan kepada Menteri serta tiada satu sistem “check dan balance”. Sub seksyen yang menyatakan bahawa apa jua keputusan Menteri adalah muktamad mencerminkan kuasa Menteri yang terlalu mendominasi. Subseksyen 5 harus dimansuhkan.

### 4.3.4 Keperluan bagi pembinaan saliran bagi sisa kumbahan

Peruntukan Seksyen 59

- 59. (1) Jika mana-mana bangunan pada bila-bila masa yang sisa kumbahannya tidak disalurkan dengan sepatutnya melalui paip sambungan persendirian yang mencukupi yang bersambung dengan pemetung awam atau sistem pemetungan awam mengikut Akta ini atau perundangan subsidiarinya atau selainnya sehingga Suruhanjaya berpuas hati, Suruhanjaya boleh memberikan notis secara bertulis yang menghendaki pemilik atau perbadanan pengurusan bangunan itu atau, jika pemilik atau perbadanan pengurusan itu tidak dapat dikesan dengan usaha yang munasabah, penghuni bangunan itu supaya membina atau meletakkan dari bangunan itu suatu paip daripada apa-apa bahan atau saiz pada suatu aras dan dengan kelandaian yang difikirkan perlu oleh Suruhanjaya yang membolehkan kumbahan disalurkan dari bangunan itu atau untuk mendirikan atau membina apa-apa sistem lain yang difikirkan perlu oleh Suruhanjaya.**
- (2) Jika pemilik, perbadanan pengurusan atau penghuni yang kepadanya notis di bawah subseksyen (1) telah dikeluarkan tidak mematuhi notis itu dalam masa yang dinyatakan dalam notis itu, Suruhanjaya atau mana-mana orang yang diberi kuasa olehnya boleh membina atau meletakkan paip atau menyebabkan supaya paip itu dibina atau diletakkan dan mendapatkan kos dan belanja yang dilakukan dalam membina dan meletakkan paip itu daripada pemilik, perbadanan pengurusan atau penghuni itu.**
- (3) Seseorang yang tidak mematuhi notis yang diberikan di bawah subseksyen (1) melakukan suatu kesalahan dan boleh, apabila disabitkan, didenda tidak melebihi lima puluh ribu ringgit atau dipenjarakan selama tempoh tidak melebihi enam bulan atau kedua-duanya.**

### Komen mengenai Rang Undang-Undang

Seksyen ini juga perlu diselarikan dengan seksyen 36 (4), yang menyatakan bahawa apa-apa kos pembaikan, penggantian atau baik pulih paip komunikasi haruslah ditanggung oleh pemegang lesen. Seksyen ini harus dibaca bersama seksyen 47.

### CADANGAN

*59. (1) Jika mana-mana bangunan pada bila-bila masa yang kumbahannya tidak disalurkan dengan sepatutnya melalui paip sambungan persendirian yang mencukupi yang bersambung dengan pemetung awam atau sistem pemetungan awam mengikut Akta ini atau perundangan subsidiarinya atau selainnya sehingga Suruhanjaya berpuas hati, Suruhanjaya boleh memberikan notis secara bertulis yang menghendaki **pemegang lesen** itu atau, jika pemilik atau perbadanan pengurusan itu tidak dapat dikesan dengan usaha yang munasabah, penghuni bangunan itu supaya membina atau meletakkan dari bangunan itu suatu paip daripada apa-apa bahan atau saiz pada suatu aras dan dengan kelandaian yang difikirkan perlu oleh Suruhanjaya yang membolehkan kumbahan disalurkan dari bangunan itu atau untuk mendirikan atau membina apa-apa sistem lain yang difikirkan*

## MEMORANDUM

*perlu oleh Suruhanjaya.*

- (2) *Jika pemilik, perbadanan pengurusan atau penghuni yang kepadanya notis di bawah subseksyen (1) telah dikeluarkan tidak mematuhi notis itu dalam masa yang dinyatakan dalam notis itu, Suruhanjaya atau mana-mana orang yang diberi kuasa olehnya boleh membina atau meletakkan paip atau menyebabkan supaya paip itu dibina atau diletakkan dan mendapatkan kos dan belanja yang dilakukan dalam membina dan meletakkan paip itu daripada **pemegang lesen**.*
- (3) *Seseorang yang tidak mematuhi notis yang diberikan di bawah subseksyen (1) melakukan suatu kesalahan dan boleh, apabila disabitkan, didenda tidak melebihi **dua ratus** dan lima puluh ribu ringgit atau dipenjarakan selama tempoh tidak melebihi enam bulan atau kedua-duanya.*

### Justifikasi

Cadangan yang diberikan adalah untuk mengelak kekeliruan ketika pengimplimentasian akta ini berkuat kuasa.

### 4.3.5 Kuasa untuk memasang atau membina sistem pembetulan persendirian

Peruntukan seksyen 63

- 63. (1) Suruhanjaya boleh mengarahkan pemilik atau perbadanan pengurusan mana-mana premis, atau jika pemilik atau perbadanan pengurusan itu tidak dapat dikesan dengan usaha yang munasabah, penghuni premis itu, untuk memasang atau membina suatu sistem pembetulan persendirian untuk premis itu sebagaimana yang disifatkan perlu oleh Suruhanjaya.**
- (2) Kos pembinaan atau pemasangan sistem pembetulan persendirian itu hendaklah ditanggung oleh pemilik atau perbadanan pengurusan premis itu, atau jika pemilik atau perbadanan pengurusan itu tidak dapat dikesan dengan usaha yang munasabah, penghuni itu.**

### Komen mengenai Rang Undang-Undang

Klausa ini haruslah diubah kerana pemegang lesen bertanggungjawab memberi perkhidmatan pembetulan kepada pengguna walaupun perkhidmatan tersebut adalah perskhidmatan persendirian. In juga akan menyelaraskan seksyen ini dengan seksyen 47 dan 59.

### CADANGAN

- 63. (1) Suruhanjaya boleh mengarahkan pemegang **lesen perkhidmatan atau lesen pembetulan** mana-mana premis, atau jika pemilik atau perbadanan pengurusan itu tidak dapat dikesan dengan usaha yang munasabah, penghuni premis itu, untuk memasang atau membina suatu sistem pembetulan persendirian untuk premis itu sebagaimana yang disifatkan perlu oleh Suruhanjaya.*
- (2) Kos pembinaan atau pemasangan sistem pembetulan persendirian itu hendaklah ditanggung oleh **lesen perkhidmatan atau lesen pembetulan** premis itu, atau jika **lesen perkhidmatan atau lesen pembetulan** itu tidak dapat dikesan dengan usaha yang munasabah, penghuni itu.*

*Justifikasi*

Kos pembinaan pembentungan tidak seharusnya ditanggung oleh penghuni atau pemilik.

## **4.4 BAHAGIAN V: PERLINDUNGAN PENGGUNA, PENYELESAIAN PERTIKAIAN DAN SIASATAN**

### **Bab 1: Perlindungan Pengguna**

#### **4.4.1 Standard Pengguna**

Peruntukan seksyen 68

- 68. (1) Suruhanjaya boleh, atas inisiatifnya sendiri atau atas syor ForumAir, menyediakan atau menyebabkan supaya disediakan standard pengguna yang hendaklah termasuk tatacara contoh bagi-**
- (a) memenuhi dengan munasabahnya kehendak pengguna;**
  - (b) menangani aduan dan pertikaian pelanggan termasuk suatu proses pengantaraan selain mahkamah, dan tatacara bagi pampasan pelanggan dalam hal pelanggaran standard pengguna; dan**
  - (c) perlindungan maklumat pengguna**
- (2) Perkara-perkara yang boleh ditangani dengan standard pengguna boleh termasuk-**
- (a) pemberian maklumat kepada pengguna berkenaan dengan perkhidmatan, kadar dan prestasi;**
  - (b) tahap perkhidmatan dan kualiti perkhidmatan yang hendak disediakan untuk pengguna**
  - (c) pengadaaan perkhidmatan pembaikan kerosakan;**
  - (d) amalan pengenaan caj, pengebilan, pengutipan dan kredit pelanggan; dan**
  - (e) apa-apa perkara lain yang berkaitan dengan pengguna.**

#### **Komen mengenai Rang Undang-Undang**

Peruntukan ini hendaklah diberikan lebih tumpuan kerana hanya peruntukan ini yang diperuntukan bagi pertikaian pengguna dengan pemegang lesen.

#### **Perbandingan dengan akta lain**

##### **Water Industry (Scotland Act) 2002**

##### **26 Kod Standard Rancangangan**

Berhubung dengan perkhidmatan yang diberikan dalam melaksanakan fungsi terasnya, Scottish Water mesti menyediakan dan menghantar kod amalan kepada Suruhanjaya (merupakan “kod standard pelanggan”) peruntukan mengandungi-

## MEMORANDUM

- (a) prestasi standard dalam menyediakan perkhidmatan kepada pengguna-pengguna
  - (b) prosedur dalam menangani aduan oleh pelanggan atau orang yang berpotensi atau pelanggan terdahulu,
  - (c) menghormati perihal terhadap bayaran ganti rugi sekiranya atau sehingga standard tersebut tidak diperolehi.
  - (d) Menghormati perkara-perkara yang berkaitan peruntukan yang dibuat di bawah perenggan (a) hingga (c) dan perkara-perkara tambahan (sekiranya mana-mana) yang difikirkan perlu.
- (2) Kod standard pelanggan mesti dihantar kepada Suruhanjaya tidak boleh lambat dari tarikh di mana Scottish Water menghantar skim bayaran pertama kepada Suruhanjaya di bawah seksyen 32 (1).
- (3) Perkara subseksyen (1), Scottish Water boleh dari masa ke masa-
- (a) mempelbagaikan, atau
  - (b) membatalkan dan menggantikan
- Kod Standard Pelanggan itu, dan perbezaan hendaklah dihantar atau kod baru kepada Suruhanjaya.
- (4) Kod Standard Pelanggan dihantar kepada Suruhanjaya di bawah subseksyen (1) hingga (3) hendaklah terletak di bawah kuasa apabila ia diluluskan di bawah keselarasan dengan seksyen 27.
- (5) Scottish Water mesti mengusahakan untuk mematuhi kod standard pelanggan yang diluluskan; tetapi perbezaan kod tersebut tidak akan memberi kesan kepada mana-mana jenayah atau tanggungjawab sivil.
- (6) Scottish Water mesti menyiarkan kod standard pelanggan yang diluluskan dan menyediakan salinan kod kepada mana-mana individu yang memohon.
- (7) Suruhanjaya-
- (a) mesti memantau pematuhan dari Scottish Water terhadap kelulusan Kod Standard Pelanggan yang diluluskan,
  - (b) boleh menasihatkan Menteri Scotland untuk mematuhi, dan
  - (c) boleh meminta Scottish Water mengkaji semula Kod Standard Pelanggan, atau mana-mana peruntukan mengenainya, sebagaimana yang telah ditentukan oleh Suruhanjaya.

### **27 Kelulusan Kod Standard Pelanggan**

- (1) Suruhanjaya boleh, selepas berunding dengan setiap Panel Penasihat Pelanggan Air, meluluskan kod standard pelanggan yang dihantar di bawah seksyen 26 (1) atau (3)-
- (a) tanpa pengubahsuaian, atau
  - (b) dengan mengubahsuai seperti yang dipersetujui oleh Suruhanjaya dan Scottish Water.
- (2) Di mana-
- (a) Suruhanjaya tidak bersedia untuk memberi kelulusan di bawah subseksyen (1) (a) dan
  - (b) Scottish Water tidak bersetuju pada beberapa atau semua cadangan mengubahsuai oleh Suruhanjaya di bawah subseksyen (1)(b)
- Suruhanjaya mesti menghantar kod (dengan mana-mana pengubahsuaian untuk dipersetujui oleh Suruhanjaya dan Scottish Water) kepada Menteri Scottish.
- (3) di mana tempoh 3 bulan telah berlalu selepas Suruhanjaya menerima kod standard pelanggan di bawah seksyen 26(1) atau (3) dan Suruhanjaya boleh sama ada
- (a) memberi kelulusan di bawah subseksyen (1) seksyen ini, atau
  - (b) menghantar skim kepada Menteri Scottish di bawah subseksyen (2) seksyen ini, Scottish Water boleh meminta Suruhanjaya menghantar Kod Standard Pelanggan kepada Menteri Scottish.

- (4) Menteri Scottish boleh, selepas berunding dengan setiap Panel Penasihat Pelanggan Air, meluluskan, kod yang dihantar pada mereka di bawah subseksyen (2) atau (3)-
  - (a) tanpa mengubahsuai atau menambah pengubahsuaian, atau
  - (b) dengan mengubahsuai seperti, selepas perundingan Scottish Water dan Suruhanjaya, yang mereka rasakan perlu.
- (5) Di mana Suruhanjaya meluluskan kod standard pelanggan di bawah subseksyen (1), Suruhanjaya mesti menghantar satu salinan kod seperti yang diluluskan kepada Menteri-menteri Scottish.
- (6) Di mana Menteri Scottish meluluskan kod standard pelanggan di bawah subseksyen (4), mereka mesti menghantar salinan kod seperti yang diluluskan kepada Suruhanjaya.

## 28 Kod Perundingan

- (1) Scottish Water hendaklah menyediakan dan menghantar kepada Menteri Scottish kod amalan ( adalah “kod perundingan”) yang mengandungi peruntukan tentang mengadakan perundingan yang akan dijalankan dengan-
  - (a) cadangan untuk, dan
  - (b) atas daya usaha,
 mana-mana aktiviti signifikan dalam amalan fungsi teras.
- (2) Kod Perundingan mesti, secara khusus, mengandungi-
  - (a) sebagai perundingan dengan individu yang hidup, bekerja atau mengendalikan perniagaan di mana-mana kawasan yang signifikan berkesan oleh aktiviti, atau sesiapa yang mewakili kepentingan seseorang individu.
  - (b) Seperti perkara di atas perundingan, maklumat akan diberikan kepada jururunding dan masa yang diizinkan untuk jururunding memberikan pandangan.
  - (c) Bagi Scottish Water memberi perhatian terhadap pandangan individu yang dirunding semasa melaksanakan kod.
 Dan boleh membuat peruntukan yang berbeza berhubung dengan kes atau huraian kes.
- (3) Sebelum penghantaran kod perundingan kepada Menteri Scotland, Scottish Water-
  - (a) mesti mengadakan rundingan pada setiap Panel Penasihat Pelanggan Air ke atas kod dan menganggap pada mana-mana komen ke atasnya dibuat oleh mana-mana panel, dan
  - (b) boleh menyesuaikan kod yang ditunjukkan sebagai komen
- (4) Menteri Scottish boleh meluluskan kod perundingan-
  - (a) tanpa mengubahsuai, atau
  - (b) dengan mengubahsuai, selepas perundingan Scottish Water, yang mereka fikirkan perlu
- (5) Kod Perunding dihantar kepada Menteri-menteri Scottish di bawah subseksyen (1) yang hanya akan berkuatkuasa apabila ia diluluskan di bawah subseksyen (4)
- (6) Scottish Water mesti menyiarkan kod perundingan yang telah lulus dan memberi salinan kod tersebut kepada mana-mana individu yang memohon.
- (7) Scottish Water hendaklah berusaha untuk mematuhi kod perundingan yang diluluskan; tetapi pelanggaran ke atas kod itu tidak tidak meletakkannya sebagai melakukan jenayah atau tanggungjawab civil.
- (8) perkara pada subseksyen (1) Scottish Water boleh dari semasa ke semasa-
  - (a) berbeza, atau
  - (b) membatalkan atau menggantikan,
 kod perundingan; dan seksyen ini mengguna pakai perbezaan atau kod baru sebagaimana kod asal.

**CADANGAN**

68. (1) *Suruhanjaya boleh, atas inisiatifnya sendiri atau atas syor Forum Air, menyediakan atau menyebabkan supaya disediakan standard pengguna yang hendaklah termasuk tatacara contoh bagi-*
- (a) *memenuhi dengan munasabahnya kehendak pengguna;*
  - (b) *menangani aduan dan pertikaian pelanggan termasuk suatu proses pengantaraan selain mahkamah, dan tatacara bagi pampasan pelanggan dalam hal pelanggaran standard pengguna; dan*
  - (c) *perlindungan maklumat pengguna*
  - (d) ***dalam keadaan ini di mana ia akan membayar ganti rugi jika atau sehingga standard ini tidak dicapai.***
- (2) *Perkara-perkara yang boleh ditangani dengan standard pengguna boleh termasuk-*
- (a) *pemberian maklumat kepada pengguna berkenaan dengan perkhidmatan, kadar dan prestasi;*
  - (b) *tahap perkhidmatan dan kualiti perkhidmatan yang hendak disediakan untuk pengguna*
  - (c) *pengadaan perkhidmatan pembaikan kerosakan;*
  - (d) *amalan pengenaan caj, pengebilan, pengutipan dan kredit pelanggan; dan*
  - (e) *apa-apa perkara lain yang berkaitan dengan pengguna.*
- (3) ***Kod Standard Pelanggan mestilah dihantar kepada Suruhanjaya tidak lebih daripada tarikh di mana pemegang lesen menghantar skim bayaran pertama kepada Suruhanjaya.***

**CADANGAN BAGI SEKSYEN TAMBAHAN**

***Persetujuan ke atas Kod Standard Pelanggan***

- (1) ***Pesuruhjaya boleh meluluskan kod standard pelanggan selepas perundingan dengan Forum Air, di bawah seksyen 68-***
- (a) ***tanpa mengubahsuai, atau***
  - (b) ***dengan beberapa pengubahsuaian sebagai dipersetujui oleh Suruhanjaya dan Parlimen***
- (2) ***Di mana-***
- (a) ***Suruhanjaya tidak memberikan kelulusan di bawah subseksyen 68 dan***
  - (b) ***Pemegang lesen tidak bersetuju pada beberapa atau semua pengubahsuaian yang dicadangkan oleh Suruhanjaya,***
  - (c) ***Suruhanjaya mesti menghantar kod (dengan mana-mana pengubahsuaian yang dipersetujui oleh Suruhanjaya kepada Menteri.***



## Justifikasi

Kod Standard Pelanggan adalah penting untuk membuktikan kepuasan pelanggan. Suruhanjaya boleh menggunakan kod ini apabila wujudnya keperluan bagi memperbaharui perjanjian dengan atau apabila menyemak kajian semula tarif

### 4.4.2 Forum Air

Peruntukan dalam Seksyen 69:

- 69. (1) Suruhanjaya boleh menamakan suatu badan industri sebagai forum industri yang dikenali sebagai “Forum Air” bagi maksud Akta ini dengan memberitahu badan itu secara bertulis, jika Suruhanjaya berpuas hati bahawa—**
- (a) keanggotaan badan itu terbuka kepada semua pihak yang berkaitan;**
  - (b) badan itu berupaya untuk melaksanakan sebagaimana yang dikehendaki di bawah peruntukan Akta ini yang berkaitan; dan**
  - (c) badan itu mempunyai perlembagaan bertulis.**

## Komen mengenai Rang Undang-Undang

Keanggotaan badan ini tidak diperincikan dengan jelas.

### CADANGAN

- 69. (1) Suruhanjaya boleh menamakan suatu badan industri sebagai forum pengguna yang dikenali sebagai “Forum Air” bagi maksud Akta ini dengan memberitahu badan itu secara bertulis, jika Suruhanjaya berpuas hati bahawa—*
- (a) keanggotaan badan itu terbuka kepada **anggota kerajaan, pertubuhan sivil, persatuan pengguna, kumpulan penduduk, masyarakat awam atau pihak-pihak lain yang berkaitan;***
  - (b) badan itu berupaya untuk melaksanakan sebagaimana yang dikehendaki di bawah peruntukan Akta ini yang berkaitan; dan*
  - (c) badan itu mempunyai perlembagaan bertulis.*
  - (d) **badan ini tidak terlibat atau tidak mempunyai sebarang kaitan dengan mana mana pemegang lesen atau penyedia perkhidmatan.***

## Justifikasi

Dengan merujuk kepada peruntukan pada Klausa 70: Fungsi Forum Air, fungsi utama dan tanggungjawab ForumAir adalah untuk mewakili kepentingan para pengguna dan menyediakan saluran kepada para pengguna untuk menyuarakan pandangan mereka. Membuka keahlian ForumAir kepada sektor industri yang terlibat dalam perkhidmatan air hanya akan mengetepikan pandangan dan isu yang diutarakan oleh para pengguna. Keadaan seumpama ini berlaku kepada Forum-Forum yang ditubuhkan di bawah Suruhanjaya Komunikasi dan Multimedia, yang juga terletak di bawah Kementerian Tenaga, Air dan Komunikasi. Forum di bawah Suruhanjaya Komunikasi dan Multimedia

## MEMORANDUM

gagal memainkan peranan yang proaktif dalam menyelesaikan masalah pengguna. Wakil industri dalam Forum itu sentiasa cuba untuk menghalang masalah yang dibangkitkan oleh pengguna diselesaikan. Malahan jumlah aduan tentang telekomunikasi masih tinggi, sebagaimana yang diterima oleh Pusat Khidmat Aduan Pengguna Nasional, yang merupakan sebahagian daripada FOMCA.

Oleh itu, bagi memaksimumkan fungsi dan pencapaian matlamat Forum Air, keahliannya hendaklah dihadkan kepada anggota kerajaan, masyarakat awam dan pengguna. Penyertaan daripada sektor industri hendaklah dielakkan. Walau bagaimanapun, semua aduan dan isu berbangkit hendaklah disalurkan kepada penyedia perkhidmatan yang terbabit melalui Suruhanjaya. Suruhanjaya bertindak sebagai pengantara di antara Forum Air dengan syarikat pemegang lesen dan penyedia perkhidmatan.

### 4.4.3 Fungsi Forum Air

Peruntukan dalam Seksyen 70

**70 (2) Suruhanjaya hendaklah mengambil kira dengan sewajarnya syor-syor Forum Air dalam perjalanan kuasanya dan pelaksanaan fungsinya di bawah Akta ini.**

### Komen mengenai Rang Undang-Undang

Perkataan “hendaklah” tidak sesuai

#### CADANGAN

*70 (2) Suruhanjaya **mestilah** mengambil kira dengan sewajarnya syor-syor Forum Air dalam perjalanan kuasanya dan pelaksanaan fungsinya di bawah Akta ini.*

### Justifikasi

Perkataan “hendaklah” tidak memberi sebarang penekanan kepada kepentingan Forum Air. Perkataan itu harus digantikan dengan perkataan “mesti” untuk memastikan bahawa syor-syor serta pendapat pengguna dalam Forum Air diberi keutamaan dalam apa jua keputusan yang dibuat oleh Suruhanjaya. Ini adalah seiring dengan keutamaan yang diberikan kepada air yang merupakan hak asasi manusia.

## 4.5 BAHAGIAN VI – KADAR, CAJ DAN DEPOSIT

### 4.5.1 Mendapatkan Wang yang kena dibayar

Peruntukan dalam Seksyen 88

**88. (1) Apa-apa jumlah wang yang dikenakan dengan—**

- (a) air yang dibekalkan atau perkhidmatan yang diberikan berkaitan dengan bekalan itu; atau**
  - (b) penyediaan perkhidmatan pembedung, hendaklah kena dibayar, dalam masa empat belas hari dari tarikh penyerahan bil, kepada pemegang lesen perkhidmatan itu dan jika jumlah itu tidak dibayar sedemikian, jumlah itu hendaklah didapatkan oleh pemegang lesen perkhidmatan melalui tindakan sivil di mahkamah.**
- (2) Suatu pernyataan bertulis oleh pekerja pemegang lesen yang diperakui dengan sewajarnya oleh pemegang lesen atau mana-mana orang yang diberi kuasa olehnya yang menyatakan amaun yang kena dibayar hendaklah menjadi keterangan *prima facie* mengenai bayaran yang kena dibuat oleh pengguna di bawah subseksyen (1).**
- (3) Penjalanan kuasa yang diberikan oleh seksyen ini hendaklah tanpa menjejaskan kuasa pemegang lesen itu di bawah seksyen 89.**

### Komen mengenai Rang Undang-Undang

Jangkamasa yang dibenarkan bagi pengguna untuk membuat bayaran iaitu 14 hari harus ditukar kepada 45 hari selaras dengan Seksyen 89.

### CADANGAN

*88. (1) Apa-apa jumlah wang yang dikenakan dengan—*

- (a) air yang dibekalkan atau perkhidmatan yang diberikan berkaitan dengan bekalan itu; atau*
  - (b) penyediaan perkhidmatan pembedung, hendaklah kena dibayar, dalam masa **empat puluh lima** hari dari tarikh penyerahan bil, kepada pemegang lesen perkhidmatan itu dan jika jumlah itu tidak dibayar sedemikian, jumlah itu hendaklah didapatkan oleh pemegang lesen perkhidmatan melalui tindakan sivil di mahkamah.*
- (2) **Sebelum menjalankan kuasanya di bawah subseksyen (1), pemegang lesen pengagihan air hendaklah memberikan suatu notis bertulis kepada pemilik, perbadanan pengurusan atau penghuni premis atau pengguna itu untuk meremedikan atau membetulkan keingkaran atau pelanggaran itu dalam masa tiga puluh hari dari penerimaan notis itu serta dengan mengambil kira strata pengguna seperti dalam seksyen 33 (2)***
- (3) Suatu pernyataan bertulis oleh pekerja pemegang lesen yang diperakui dengan sewajarnya oleh pemegang lesen atau mana-mana orang yang diberi kuasa olehnya yang menyatakan amaun yang kena dibayar hendaklah menjadi keterangan *prima facie* mengenai bayaran yang kena dibuat oleh pengguna di bawah subseksyen (1).*
- (4) Penjalanan kuasa yang diberikan oleh seksyen ini hendaklah tanpa menjejaskan kuasa pemegang lesen itu di bawah seksyen 89.*

**Justifikasi**

Cadangan yang telah diberikan adalah selaras dengan cadangan bagi seksyen 89 dalam rang undang-undang ini. Penyelarasan ini adalah mustahak untuk melindungi pengguna dan mengelakkan daripada pencatuan air dalam masa yang singkat. Cadangan ini juga akan mencerminkan pertanggungjawapan kerajaan dan akta terhadap pengguna.

**4.5.2 Pemberhentian bekalan air kerana kegagalan membayar**

Peruntukan dalam Seksyen 89

- 89. (1) Tertakluk kepada subseksyen (2), pemegang lesen pengagihan air boleh —**
- (a) memberhentikan bekalan air kepada seorang pengguna dengan memutuskan paip air perkhidmatan atau memotong bekalan air termasuk hak untuk mengurangkan bekalan air atau tekanan bekalan air; dan**
  - (b) mengambil apa-apa kaedah lain sebagaimana yang disifatkannya patut dan wajar.**
- (2) Pemegang lesen pengagihan air boleh menjalankan kuasanya di bawah subseksyen (1) jika pemunya, perbadanan pengurusan, penghuni atau pengguna**
- (a) tidak menjelaskan amaun bagi**
    - (i) air yang telah dibekalkan;**
    - (ii) perkhidmatan yang telah diberikan berkaitan dengan bekalan air;**
    - (iii) perkhidmatan pembedung yang telah diberikan; atau**
    - (iv) deposit yang dikehendaki di bawah seksyen 87, dalam tempoh empat belas hari dari tarikh penyerahan bil;**
  - (b) yang, setelah mempunyai suatu kontrak dengan pemegang lesen pengagihan air bagi bekalan air, membenarkan atau menyebabkan apa-apa bekalan air sedemikian disalurkan atau dibawa atau digunakan di luar premis itu bagi maksud selain maksud kontrak itu kecuali bagi pepadaman kebakaran;**
  - (c) menyalahgunakan atau membazirkan atau menyebabkan atau membenarkan supaya disalahgunakan atau dibazirkan apa-apa air yang dibekalkan ke premisnya;**
  - (d) setelah bersetuju untuk menggunakan air yang dibekalkan bagi suatu maksud tertentu sahaja, menggunakan atau menyebabkan atau membenarkan supaya air itu digunakan bagi maksud yang berlainan selain pepadaman kebakaran; atau**
  - (e) telah melanggar mana-mana peruntukan Akta ini atau perundangan subsidiarinya.**
- (3) Sebelum menjalankan kuasanya di bawah subseksyen (1), pemegang lesen pengagihan air hendaklah memberikan suatu notis bertulis kepada pemilik, perbadanan pengurusan atau penghuni premis atau pengguna itu untuk meremedikan atau membetulkan keingkaran atau rancanganggaran itu dalam masa empat belas hari dari penerimaan notis itu.**
- (4) Jika apabila tamatnya tempoh yang dinyatakan dalam notis yang diberikan di bawah subseksyen (3), pemilik, perbadanan pengurusan atau penghuni premis atau pengguna itu, mengikut mana-mana yang berkenaan, tidak meremedikan atau membetulkan keingkaran atau pelanggaran itu, pemegang lesen pengagihan air itu boleh terus menjalankan kuasanya di bawah subseksyen (1).**

- (5) Tiada apa-apa jua dalam Akta ini boleh menghendaki pemegang lesen pengagihan air itu untuk menjalankan hak dan remedinya di bawah perenggan (1)(b) sebelum ia menjalankan hak dan remedinya di bawah perenggan (1)(a).
- (6) Jika
- (a) pemegang lesen pengagihan air menjalankan kuasanya di bawah subseksyen (1) berkenaan dengan mana-mana premis; dan
  - (b) bekalan air atau perkhidmatan pembedungan disediakan ke premis itu dan juga ke premis lain yang keseluruhannya atau sebahagiannya melalui paip air perkhidmatan yang sama, pemegang lesen pengagihan air itu boleh menjalankan kuasa yang sama terhadap premis yang lain itu jika dan hanya jika orang yang sama adalah penghuni premis itu dan juga premis yang lain itu.
- (7) Pemegang lesen pengagihan air boleh mendapatkan kos pemberhentian bekalan air dan penyambungan semula bekalan air selepas pemberhentian bekalan itu daripada pemilik atau penghuni premis itu mengikut cara yang diperuntukan di bawah seksyen 88 dan sehingga dan melainkan jika kos pemberhentian dan penyambungan semula itu dan semua jumlah wang yang kena dibayar kepada pemegang lesen pengagihan air itu (termasuklah kehendak bagi pemilik dan penghuni itu untuk mencukupkan semula deposit) telah dibayar, pemegang lesen pengagihan air itu tidaklah berkewajipan untuk menyambungkan semula bekalan air ke premis itu dan pemegang lesen pengagihan air itu tidaklah dipertanggungjawabkan bagi apa-apa kerosakan yang dihadapi oleh mana-mana pengguna atau orang atau harta disebabkan oleh pemberhentian itu.
- (8) Jika semua kos dan jumlah wang yang boleh dibayar kepada pemegang lesen pengagihan air di bawah seksyen ini (termasuklah kehendak supaya pemilik dan penghuni itu mencukupkan semula deposit) telah dibayar, pemegang lesen pengagihan air itu hendaklah dalam masa tiga hari dari tarikh pembayaran penuh itu menyambungkan semula bekalan air ke premis itu dengan syarat bahawa pemilik dan penghuni memberikan pemegang lesen pengagihan air itu akses kepada premisnya untuk menjalankan tugas-tugas penyambungan semula.
- (9) Jika bekalan air ke mana-mana premis telah diberhentikan oleh pemegang lesen pengagihan air dan didapati bahawa bekalan itu telah disambungkan semula tanpa kebenaran pemegang lesen pengagihan air itu, penghuni premis itu hendaklah dianggap, sehinggalah dibuktikan sebaliknya, telah menyambungkan semula atau membenarkan penyambungan semula bekalan air itu dan dia melakukan suatu kesalahan dan boleh, apabila disabitkan, didenda tidak melebihi lima puluh ribu ringgit atau dipenjarakan selama tempoh tidak melebihi enam bulan atau kedua-duanya.

### Perbandingan dengan akta lain

#### Peruntukan dalam Undang-Undang Air Perancis 1992

Kemudahan-kemudahan awam yang disediakan oleh negara-negara lain di dalam dunia ini, sama ada yang dimiliki oleh kerajaan atau dalam kebanyakan kes secara majoritinya diuruskan syarikat swasta menurut perjanjian penswastaan. Sebagai contoh, sebahagian besar kemudahan air di Perancis diuruskan oleh syarikat swasta. Di Perancis terdapat kira-kira 16,000 syarikat perkhidmatan bekalan air yang dimiliki oleh pihak berkuasa tempatan, iaitu  $\frac{3}{4}$  daripada 36,000 buah syarikat. Perancis juga telah mengharamkan pembedungan bekalan air ke rumah dalam beberapa keadaan: semasa musim

## M E M O R A N D U M

dingin bagi golongan miskin, keluarga yang mempunyai kanak-kanak kecil atau golongan kurang upaya.

### **Water Services etc. (Scotland) 2005**

#### **16 Scottish Water menyediakan perkhidmatan**

- (1) Sekiranya syarikat penyedia perkhidmatan air berurusan dengan penghuni premis yang berkelayakan untuk mendapatkan bekalan air ke premisnya, syarikat penyedia perkhidmatan akan meminta Scottish Water membekalkan (atau menyambung bekalan) air melalui sistem bekalan air awam ke premis tersebut.
- (2) Scottish Water hendaklah, konsisten dalam melaksanakan fungsi utamanya yang berkaitan dengan bekalan air, membekalkan air sebagaimana yang dikehendaki tertakluk kepada perjanjian di antara Scottish Water dan syarikat penyedia perkhidmatan, berdasarkan terma dan syarat-syarat yang digunapakai berkaitan dengan bekalan tersebut.
- (3) Tugas membekalkan air di bawah subseksyen (2):
  - (a) menamatkan perkhidmatan jika:
    - (i) persetujuan yang dinyatakan dalam subseksyen (1) telah tamat tempohnya (kecuali jika tugas-tugas itu disambung semula di bawah seksyen 17(1); atau
    - (ii) bekalan diberhentikan di bawah seksyen 18; dan
  - (b) akan digantikan dengan tugas-tugas baru di bawah subseksyen (2)
- (4) Yang mana syarikat penyedia perkhidmatan pemetungan telah berurusan dengan penghuni premis yang berkelayakan untuk mendapatkan perkhidmatan pemetungan kepada, atau membuang kumbahan daripada premis tersebut, penyedia perkhidmatan akan meminta Scottish Water untuk menyediakan (atau menyambung) pemetungan, atau membuang (atau menyambung pembuangan) kumbahan, daripada premis melalui sistem pemetungan awam.
- (5) Scottish Water hendaklah, konsisten dalam melaksanakan fungsi utamanya, dengan merujuk kepada perkhidmatan pemetungan dan pembuangan sisa kumbahan, menyediakan perkhidmatan pemetungan dan pembuangan kumbahan sebagaimana yang dikehendaki tertakluk kepada perjanjian di antara Scottish Water dan penyedia perkhidmatan menurut terma dan syarat yang digunapakai berkaitan dengan perkhidmatan atau pembuangannya.
- (6) Menjalankan tugas perkhidmatan pemetungan dan pembuangan kumbahan di bawah subseksyen (5)
  - (a) menamatkan perkhidmatan jika perkhidmatan atau (dalam kes tertentu) pembuangan ditamatkan di bawah seksyen 20; dan
  - (b) digantikan dengan tugas-tugas baru di bawah subseksyen (5).
- (7) Sekiranya tidak ada perjanjian sebagaimana yang dinyatakan dalam subseksyen (2) atau (5) dicapai, Suruhanjaya, dengan permohonan daripada penyedia perkhidmatan yang berkenaan, boleh menentukan terma-terma dan syarat-syarat yang boleh digunapakai berkaitan dengan bekalan atau (dalam sesuatu kes) perkhidmatan atau pembuangan; atau terma-terma dan syarat-syarat yang berkuatkuasa sekiranya dipersetujui di antara penyedia perkhidmatan dan Scottish Water.

#### **17 Penyambungan semula perkhidmatan air**

- (1) Di mana -
  - (a) Air dibekalkan ke premis oleh Scottish Water di bawah subseksyen (2) Seksyen 16; dan

- (b) Melalui persetujuan membekalkan air (yang dibuat di antara penghuni premis dengan syarikat penyedia perkhidmatan air, yang telah membuat permohonan yang berkaitan di bawah subseksyen (1) seksyen tersebut di premis berkenaan) yang tamat tempohnya-
- (i) disebabkan oleh pembatalan atau penggantungan lesen yang dimiliki oleh penyedia perkhidmatan; atau
  - (ii) disebabkan oleh sebarang alasan (kecuali bekalan yang diberhentikan di bawah seksyen 18),
- menjadi tugas Scottish Water di bawah subseksyen 16 untuk membekalkan air ke premis secara berterusan pada tempoh yang dinyatakan dalam subseksyen (2).
- (2) Tempoh adalah 2 bulan, atau tempoh yang lebih panjang sebagaimana yang dipersetujui oleh Scottish Water, dari tarikh urusan dinyatakan dalam subseksyen (1)(b) tamat tempohnya.
- (3) Tetapi penyambungan di bawah subseksyen (1) terhadap tugas-tugas membekalkan air ditamatkan jika:
- (a) ia digantikan oleh tugas-tugas baru di bawah subseksyen (2) Seksyen 16; atau
  - (b) penghuni premis memaklumkan kepada Scottish Water bahawa bekalan air tidak diperlukan.
- (4) Dalam seksyen 9 (bekalan air bukan untuk kegunaan domestik) Akta 1980, selepas subseksyen (2), memasukkan:

“(2A) Di mana bekalan air telah dibekalkan ke premis di bawah subseksyen (2) seksyen 16 Akta Perkhidmatan Air dsb (Scotland) (asp 3), tetapi:

- (a) urusan bagi membekalkan (telah dibuat di antara penghuni premis dengan penyedia perkhidmatan air yang kemudiannya telah membuat permohonan mengenainya di bawah subseksyen (1) berdasarkan seksyen berkaitan dengan premis) yang tamat tempoh, atau telah hampir tamat tempohnya, akibat daripada kegagalan menjelaskan bayaran caj yang perlu dibayar kepada penyedia perkhidmatan yang membekalkan air; atau
- (b) bekalan air diberhentikan (atau akan diberhentikan) di bawah seksyen 18(5) Akta tersebut.

Water Scottish tidak perlu membekalkan air kepada premis tersebut berdasarkan subseksyen (1) jika ia berpendapat tidak mungkin akan mendapatkan semula bayaran caj (atau sejumlah wang yang besar daripada bayaran caj) yang ia berhak mendapatkannya terhadap air yang telah dibekalkan olehnya.

- (2B) Sekiranya Scottish Water memutuskan, dengan merujuk kepada subseksyen (2A), tidak akan membekalkan air ke premis, penghuni premis tersebut, dengan memberikan notis, meminta Suruhanjaya Industri Air mengkaji semula keputusan tersebut.
- (2C) Suruhanjaya akan membuat semakan semula, dengan merujuk kepada subseksyen (2B), dengan mengambil kira pandangan daripada kedua-dua pihak:
- (a) mengesahkan keputusan Scottish Water, atau
  - (b) mengarahkan Scottish Water membekalkan air ke premis berkenaan berdasarkan kepada subseksyen (1)
- dan keputusan Suruhanjaya terhadap semakan semula itu adalah muktamad.”

## 18 Pemberhentian perkhidmatan air

- (1) Penyedia perkhidmatan air boleh memohon Scottish Water untuk memberhentikan bekalan air kepada premis yang telah dibekalkan air di bawah subseksyen(2) seksyen 16.

## MEMORANDUM

- (2) Sekurang-kurangnya 14 hari sebelum membuat permohonan di bawah subseksyen (1), penyedia perkhidmatan hendaklah memberikan notis tentang hasratnya untuk membuat permohonan tersebut kepada:
  - (a) penghuni premis;
  - (b) Scottish Water; dan
  - (c) Suruhanjaya.
- (3) Notis tersebut hendaklah dalam bentuk borang tertentu yang mengandungi butiran-butiran tertentu, sebagaimana yang dikehendaki oleh Menteri-Menteri Scotland.
- (4) Penghuni premis yang telah menerima notis tersebut sebagaimana di bawah subseksyen (2) boleh, dalam tempoh 10 hari daripada tarikh notis itu diserahkan, memberikan pandangannya kepada penyedia perkhidmatan terhadap notis tersebut; dan penyedia perkhidmatan hendaklah memberikan pertimbangan terhadap pandangan yang telah dibuat itu.
- (5) Apabila permohonan telah dibuat di bawah subseksyen (1), Scottish Water memberhentikan bekalan air di premis tersebut sepertimana di bawah seksyen 16(2) jika memenuhi syarat-syarat yang dinyatakan di bawah subseksyen (6).
- (6) Syarat-syarat itu ialah:
  - (a) peruntukan di dalam kod yang dinyatakan di bawah seksyen 19 dipatuhi; dan
  - (b) mana-mana bekalan air kepada:
    - (i) premis untuk kegunaan domestik; atau
    - (ii) mana-mana premis untuk sebarang kegunaan.tidak akan menghadapi gangguan akibat daripada pemberhentian tersebut.
- (7) Dalam subseksyen (6)(b)(i), yang dimaksudkan sebagai bekalan air untuk kegunaan domestik ditafsirkan pada seksyen 7 (bekalan air untuk kegunaan domestik) Akta 1980.
- (8) Scottish Water boleh mengenakan kos yang berpatutan berkaitan dengan pemberhentian tersebut sebagaimana di dalam seksyen ini kepada penyedia perkhidmatan air, yang telah membuat permohonan kepada pemberhentian itu di bawah subseksyen (1).
- (9) Sekiranya wujud pertikaian di antara penyedia perkhidmatan air dengan Scottish Water terhadap kos berpatutan yang dikenakan daripada pemberhentian itu di bawah seksyen ini, Scottish Water hendaklah merujuk hal ini kepada Suruhanjaya yang seterusnya akan membuat keputusan; dan keputusan Suruhanjaya dalam hal ini adalah muktamad.

### 19. Kod Pemberhentian

- (1) Bagi tujuan subseksyen (6)(a) seksyen 18, Suruhanjaya hendaklah menyediakan satu kos (kod pemberhentian) yang mengandungi maklumat lanjut mengenai pemberhentian bekalan air kepada premis di bawah seksyen ini.
- (2) Secara khususnya, kos pemberhentian ini mengandungi:
  - (a) Perihal permohonan tersebut di bawah subseksyen (1) seksyen 18 boleh (atau tidak boleh) dibuat.
  - (b) Keadaan (sebagai tambahan kepada syarat yang dinyatakan dalam subseksyen (6)(b) seksyen berkenaan) yang hendaklah dipenuhi sebelum Scottish Water boleh memberhentikan bekalan air di premis tersebut sebagaimana yang dikehendaki di bawah subseksyen (5) seksyen berkenaan.
- (3) Kod pemberhentian mengandungi:



- (a) peruntukan yang berlainan bagi kes-kes atau jenis-jenis kes yang berlainan;
  - (b) membatalkan atau meminda kod sebelumnya.
- (4) Dalam penggubalan kod pemberhentian, Suruhanjaya hendaklah mendapatkan pandangan:
- (a) Scottish Water;
  - (b) Semua penyedia perkhidmatan bekalan air dan pembedungan;
  - (c) Pengerusi Panel Perunding Rancangang Air (mewakili seluruh ahli panel);
  - (d) Pengawal Selia Kualiti Air Minuman Scotland; dan
  - (e) Mana-mana individu yang dirasakan bersesuaian oleh Suruhanjaya.
- (5) Apabila kod pemberhentian telah disiapkan, Suruhanjaya hendaklah:
- (a) Menguruskan bagi membolehkan mana-mana individu memperolehi salinan kod itu dengan kadar bayaran yang berpatutan (sekiranya perlu) sebagaimana yang diputuskan oleh Suruhanjaya; dan
  - (b) Membuat hebahan terhadap urusan tersebut dan menerbitkan kod itu.

## **20. Penyambungan dan Pemberhentian Perkhidmatan Pembedungan**

- (1) Di mana pembedungan disediakan, atau kumbahan dibuang daripada premis oleh Scottish Water di bawah subseksyen (5) seksyen 16, Scottish Water boleh terus menyediakan perkhidmatan pembedungan kepada, atau (dalam kes-kes yang tertentu) membuang kumbahan daripada premis walaupun jika urusan kepada perkhidmatan atau pembuangan itu (yang dibuat di antara penghuni premis dengan penyedia perkhidmatan pembedungan yang telah membuat permohonan yang berkaitan sebagaimana di bawah subseksyen (4) seksyen tersebut dengan merujuk kepada premis itu) telah hampir tamat tempohnya.
- (2) Subseksyen (1) tidak boleh dipakai berkaitan dengan perkhidmatan sisa buangan perniagaan.
- (3) Di mana:
- (a) Sisa buangan perniagaan disediakan di premis oleh Scottish Water di bawah subseksyen (5) seksyen 16; dan
  - (b) Urusan bagi memberikan perkhidmatan itu (yang telah dibuat di antara penghuni premis dengan penyedia perkhidmatan pembedungan yang seterusnya telah membuat permohonan yang berkaitan dengannya di bawah subseksyen (4) seksyen itu yang merujuk kepada premis tersebut) telah hampir tamat tempohnya:
    - (i) dengan alasan pembatalan atau penggantungan lesen penyedia perkhidmatan; atau
    - (ii) dengan sebarang alasan (kecuali sekiranya perkhidmatan ditamatkan di bawah subseksyen (10)),

Tugas Scottish Water di bawah subseksyen (5) seksyen 16 bagi menyediakan perkhidmatan sisa buangan perniagaan ke premis itu diteruskan pada tempoh yang dinyatakan dalam subseksyen (4).
- (4) Dalam tempoh 2 bulan, atau lebih singkat daripada itu sebagaimana yang ditentukan oleh Scottish Water, dengan keizinan Suruhanjaya, dari tarikh urusan itu sebagaimana yang dinyatakan dalam subseksyen (3)(b) telah hampir tamat tempohnya.
- (5) Tetapi penyambungan tugas-tugas perkhidmatan pembuangan sisa buangan perniagaan di bawah subseksyen (3), ditamatkan jika:
- (a) ia digantikan oleh tugas baru di bawah subseksyen (5) seksyen 16; atau

## MEMORANDUM

- (b) penghuni premis memaklumkan kepada Scottish Water bahawa perkhidmatan pembuangan sisa buangan perniagaan tidak diperlukan.
- (6) Penyedia perkhidmatan pemetangan boleh memohon kepada Scottish Water supaya menamatkan perkhidmatan pembuangan sisa buangan perniagaan kepada premis itu di bawah subseksyen (5) seksyen 16.
- (7) Dalam tempoh sekurang-kurangnya 14 hari sebelum permohonan dibuat di bawah subseksyen (6), penyedia perkhidmatan hendaklah memberikan notis tentang hasratnya untuk membuat permohonan itu kepada:
  - (a) penghuni premis;
  - (b) Scottish Water; dan
  - (c) Suruhanjaya.
- (8) Notis tersebut hendaklah dalam bentuk borang tertentu dan mengandungi butiran-butiran tertentu sebagaimana telah ditentukan oleh Menteri-Menteri Scotland.
- (9) Seseorang penghuni premis yang telah menerima notis di bawah subseksyen (7) boleh, dalam tempoh 10 hari daripada penyerahan notis itu, memberikan pandangannya kepada penyedia perkhidmatan tentang notis tersebut; dan penyedia perkhidmatan hendaklah memberikan pertimbangan terhadap pandangan yang telah dibuat itu.
- (10) Sekiranya terdapat permohonan di bawah subseksyen (6), Scottish Water memberhentikan perkhidmatan pembuangan sisa buangan perniagaan yang diberikan kepada premis itu sebagaimana dalam subseksyen 16(5) jika syarat-syarat yang dinyatakan dalam subseksyen (11) dipenuhi.
- (11) Syarat-syarat itu ialah:
  - (a) mana-mana perkhidmatan tentang pemetangan kepada, atau pembuangan kumbahan daripada:
    - premis untuk sesuatu tujuan selain daripada sisa buangan perniagaan; atau
    - mana-mana premis lain bagi sebarang tujuan.tidak akan menghadapi gangguan akibat daripada pemberhentian tersebut; dan
  - (b) tidak terdapat sebarang masalah kesihatan awam akibat daripada pemberhentian itu.
- (12) Scottish Water boleh mengenakan sebarang bayaran yang berpatutan bagi tujuan pemberhentian tersebut, sebagaimana yang dinyatakan dalam seksyen itu, kepada penyedia perkhidmatan yang telah membuat permohonan bagi pemberhentian itu di bawah subseksyen (6).
- (13) Jika terdapat pertikaian di antara penyedia perkhidmatan pemetangan dengan Scottish Water terhadap kadar bayaran yang berpatutan bagi pemberhentian itu di bawah seksyen ini, Scottish Water hendaklah merujuk hal ini kepada Suruhanjaya bagi membuat keputusan, dan keputusan Suruhanjaya terhadap hal ini adalah muktamad.
- (14) Seksyen ini tidak mengandungi unsur-unsur prasangka terhadap mana-mana peruntukan dalam Bahagian II Akta 1968 yang berkaitan dengan perkhidmatan sisa buangan perniagaan.
- (15) Dalam seksyen ini, “perkhidmatan sisa buangan perniagaan” bermaksud perkhidmatan tentang pemetangan, atau pembuangan kumbahan, dengan merujuk kepada sisa buangan perniagaan.
- (16) Dalam subseksyen (15), “sisa buangan perniagaan” merujuk kepada seksyen 59(1) (pentafsiran) Akta 1968.

### CADANGAN

- 89. (1) *Tertakluk kepada subseksyen (2), pemegang lesen pengagihan air boleh—*
  - (a) *memberhentikan bekalan air kepada seorang pengguna dengan memutuskan paip air*

- perkhidmatan atau memotong bekalan air termasuk hak untuk mengurangkan bekalan air atau tekanan bekalan air; dan*
- (b) *mengambil apa-apa kaedah lain sebagaimana yang disifatkannya patut dan wajar.*
- (2) *Pemegang lesen pengagihan air boleh menjalankan kuasanya di bawah subseksyen (1) jika pemunya, perbadanan pengurusan, penghuni atau pengguna—*
- (a) *tidak menjelaskan amaun bagi —*
- (i) *air yang telah dibekalkan;*
- (ii) *perkhidmatan yang telah diberikan berkaitan dengan bekalan air;*
- (iii) *perkhidmatan pebetungan yang telah diberikan; atau*
- (iv) *deposit yang dikehendaki di bawah seksyen 87, dalam tempoh **empat puluh lima hari** dari tarikh penyerahan bil;*
- (b) *yang, setelah mempunyai suatu kontrak dengan pemegang lesen pengagihan air bagi bekalan air, membenarkan atau menyebabkan apa-apa bekalan air sedemikian disalurkan atau dibawa atau digunakan di luar premis itu bagi maksud selain maksud kontrak itu kecuali bagi pepadaman kebakaran;*
- (c) *menyalahgunakan atau membazirkan atau menyebabkan atau membenarkan supaya disalahgunakan atau dibazirkan apa-apa air yang dibekalkan ke premisnya;*
- (d) *setelah bersetuju untuk menggunakan air yang dibekalkan bagi suatu maksud tertentu sahaja, menggunakan atau menyebabkan atau membenarkan supaya air itu digunakan bagi maksud yang berlainan selain pepadaman kebakaran; atau*
- (d) *telah melanggar mana-mana peruntukan Akta ini atau perundangan subsidiarinya.*
- (3) *Sebelum menjalankan kuasanya di bawah subseksyen (1), pemegang lesen pengagihan air hendaklah memberikan suatu notis bertulis kepada pemilik, perbadanan pengurusan atau penghuni premis atau pengguna itu untuk meremedikan atau membetulkan keingkaratan atau rancanganggaran itu dalam masa **tiga puluh hari** dari penerimaan notis itu.*
- (4) *Jika apabila tamatnya tempoh yang dinyatakan dalam notis yang diberikan di bawah subseksyen (3), pemilik, perbadanan pengurusan atau penghuni premis atau pengguna itu, mengikut mana-mana yang berkenaan, tidak meremedikan atau membetulkan keingkaratan atau pelanggaran itu, pemegang lesen pengagihan air itu boleh terus menjalankan kuasanya di bawah subseksyen (1) **dengan memberikan pertimbangan kepada pengguna yang disenaraikan di bawah subseksyen 33(2).***
- (5) ***Subseksyen (4) tidak boleh dilaksanakan jika pemegang lesen tidak boleh menyambung semula bekalan dalam tempoh 24 jam setelah pembayaran dibuat.***
- (6) *Tiada apa-apa jua dalam Akta ini boleh menghendaki pemegang lesen pengagihan air itu untuk menjalankan hak dan remedinya di bawah perenggan (1)(b) sebelum ia menjalankan hak dan remedinya di bawah perenggan (1)(a).*
- (7) *Jika —*
- (a) *pemegang lesen pengagihan air menjalankan kuasanya di bawah subseksyen (1) berkenaan dengan mana-mana premis; dan*
- (b) *bekalan air atau perkhidmatan pebetungan disediakan ke premis itu dan juga ke premis lain yang keseluruhannya atau sebahagiannya melalui paip air perkhidmatan yang sama, pemegang lesen pengagihan air itu boleh menjalankan kuasa yang sama terhadap premis yang lain itu jika dan hanya jika orang yang sama adalah penghuni premis itu dan juga premis yang lain itu.*
- (8) *Pemegang lesen pengagihan air boleh mendapatkan kos pemberhentian bekalan air dan*

## MEMORANDUM

penyambungan semula bekalan air selepas pemberhentian bekalan itu daripada pemilik atau penghuni premis itu mengikut cara yang diperuntukan di bawah seksyen 88 dan sehingga dan melainkan jika kos pemberhentian dan penyambungan semula itu dan semua jumlah wang yang kena dibayar kepada pemegang lesen pengagihan air itu (termasuklah kehendak bagi pemilik dan penghuni itu untuk mencukupkan semula deposit) telah dibayar, pemegang lesen pengagihan air itu tidaklah berkewajipan untuk menyambungkan semula bekalan air ke premis itu dan pemegang lesen pengagihan air itu tidaklah bertanggungjawab bagi apa-apa kerosakan yang dihadapi oleh mana-mana pengguna atau orang atau harta disebabkan oleh pemberhentian itu.

- (9) Jika semua kos dan jumlah wang yang boleh dibayar kepada pemegang lesen pengagihan air di bawah seksyen ini (termasuklah kehendak supaya pemilik dan penghuni itu mencukupkan semula deposit) telah dibayar, pemegang lesen pengagihan air itu hendaklah dalam masa tiga hari dari tarikh pembayaran penuh itu menyambungkan semula bekalan air ke premis itu dengan syarat bahawa pemilik dan penghuni memberikan pemegang lesen pengagihan air itu akses kepada premisnya untuk menjalankan tugas-tugas penyambungan semula.
- (10) Jika bekalan air ke mana-mana premis telah diberhentikan oleh pemegang lesen pengagihan air dan didapati bahawa bekalan itu telah disambungkan semula tanpa kebenaran pemegang lesen pengagihan air, penghuni premis itu hendaklah dianggap, sehinggalah dibuktikan sebaliknya, telah menyambungkan semula atau membenarkan penyambungan semula bekalan air itu dan dia melakukan suatu kesalahan dan boleh, apabila disabitkan, didenda tidak melebihi lima puluh ribu ringgit atau penjara tempoh tidak lebih enam bulan atau kedua-duanya.

### CADANGAN BAGI SEKSYEN TAMBAHAN

#### ***Kod Pemberhentian***

- a. ***Bagi tujuan Seksyen 89(1), Suruhanjaya hendaklah menggubal satu kod (kod pemberhentian) yang mengandungi peruntukan lebih terperinci mengenai pemberhentian bekalan air ke premis di bawah seksyen ini.***
  - b. ***Secara khusus, kod pemberhentian menjelaskan:***  
***perihal di mana permohonan, di bawah seksyen 89, boleh (atau tidak boleh) dibuat; dan syarat-syarat (sebagai tambahan kepada syarat-syarat yang dinyatakan dalam subseksyen 2 seksyen 89) telah dipenuhi sebelum pemberhentian bekalan air.***
- (2) ***Satu Kod Pemberhentian hendaklah:***
    - (a) ***mengandungi peruntukan yang berbeza berdasarkan kes-kes dan jenis-jenis yang berbeza.***
    - (b) ***membatalkan atau meminda kod sebelumnya.***
  - (4) ***Dalam penggubalan kod pemberhentian, Suruhanjaya hendaklah mendapatkan pandangan –***
    - (a) ***Forum Air***
    - (b) ***Setiap penyedia perkhidmatan air dan penyedia perkhidmatan pembedung***
    - (c) ***Pengawal selia Kualiti Air Minuman***
    - (d) ***Mana-mana individu yang dianggap sebagai bersesuaian oleh Suruhanjaya.***
  - (5) ***Setelah Kod Pemberhentian digubal, Suruhanjaya hendaklah –***

- (a) *membuat urusan bagi membenarkan mana-mana individu untuk memperolehi satu salinan kod;***
- (b) *menghebahkan urusan yang telah dilakukan dan menerbitkan kod tersebut.***

## **Justifikasi**

Sebagai badan yang mewakili kepentingan para pengguna, FOMCA merasakan keseluruhan peruntukan seksyen 89 tidak meletakkan air sebagai berbeza daripada komoditi yang lain. Air merupakan keperluan asas, yang memainkan peranan penting dalam kehidupan dan kesihatan manusia. Oleh itu, tumpuan seksyen ini hendaklah diubah bagi menampilkan pendekatan sosial.

Pertama, tempoh masa yang diberikan kepada pengguna untuk menjelaskan jumlah bil mereka hendaklah ditukar daripada empat belas (14) hari kepada empat puluh lima (45) hari. Ini disebabkan kebanyakan rakyat Malaysia terdiri daripada golongan pengguna yang berpendapatan pertengahan. Mereka bergantung kepada pendapatan bulanan untuk menjalani kehidupan. Sebagai golongan yang memperolehi pendapatan secara bulanan, tempoh 1 bulan (30 hari) dengan kelonggaran tambahan 15 hari, maka keseluruhannya sekurang-kurangnya 45 hari, perlu diberikan bagi menjelaskan bayaran mereka.

Kedua, tempoh notis selama 14 hari yang diberikan kepada pengguna untuk menjelaskan bayaran hendaklah dilanjutkan kepada 30 hari. Ini memberikan mereka lebih masa untuk mendapatkan sumber kewangan sekiranya perlu. Pengguna yang disenaraikan dalam subseksyen 33(2); iaitu pengguna yang menghidap penyakit kronik, kurang upaya, golongan berpendapatan rendah dan pengguna luar bandar hendaklah dikecualikan daripada peruntukan ini.

Bagi tempoh penyambungan semula, iaitu selama 3 hari, adalah tidak wajar kepada pengguna. Memandangkan air merupakan keperluan asas, penyambungan semula hendaklah dibuat dengan segera dalam tempoh 24 jam selepas pembayaran dijelaskan. Oleh itu, satu subseksyen hendaklah dimasukkan bagi memasukkan klausa yang tidak membenarkan pemberhentian bekalan dibuat pada akhir minggu, cuti umum atau hari perayaan. Ini bagi mengelakkan wujudnya keadaan ketidakselesaan kepada pengguna kerana penyambungan semula tidak dapat dilaksanakan dalam tempoh 24 jam walaupun mereka telah membuat bayaran.

Jika perbandingan dibuat dengan negara-negara lain, seperti United Kingdom dan Belgium, pemberhentian bekalan tidak diamalkan sama sekali. Ini berasaskan kepada alasan bahawa air merupakan hak asasi yang asas. Oleh itu pemberhentian bekalan merupakan pendekatan sosial yang tidak sewajarnya.

Sebagai tambahan kepada perkara-perkara yang dinyatakan dalam subseksyen di atas berkenaan dengan menjaga kepentingan pengguna, satu klausa baru “kod pemberhentian” hendaklah ditambah di dalam Akta ini. Kod Pemberhentian didraf oleh Suruhanjaya dengan mendapat pandangan daripada Forum Air, yang mewakili pengguna dan juga semua penyedia perkhidmatan air dan pemetungan. Ini bagi memastikan kod pemberhentian ini adil kepada semua pihak. Kod ini juga seharusnya berbeza-beza berdasarkan negeri atau penyedia perkhidmatan. Setiap pihak yang terlibat boleh memberikan cadangan terhadap butiran yang ingin dimasukkan dalam draf ini. Walau bagaimanapun, kod ini hendaklah didraf dan diluluskan oleh Suruhanjaya. Kod ini juga hendaklah dipopularkan dan dihebahkan kepada para pengguna untuk mendidik mereka tentang tanggungjawab mereka bagi mengelakkan daripada pemberhentian bekalan.

**4.5.3 Hak pemegang lesen pengagihan air yang dilesenkan untuk menyediakan perkhidmatan pembedungan**

Peruntukan dalam Seksyen 90

- 90. Pemegang lesen pengagihan air yang juga dilesenkan untuk menyediakan perkhidmatan pembedungan di bawah Akta ini adalah berhak untuk menjalankan semua hak dan remedinya di bawah Bahagian ini tanpa mengira —**
- (a) sama ada pemegang lesen pengagihan air itu mempunyai perjanjian dengan pengguna bagi bekalan air atau penyediaan perkhidmatan pembedungan; atau**
  - (b) terma mana-mana perjanjian yang sedia ada dengan pengguna bagi bekalan air atau penyediaan perkhidmatan pembedungan.**

**Komen mengenai rang undang-undang**

Seksyen ini hendaklah dikeluarkan.

**Justifikasi**

Perkataan “tanpa mengira” tidak boleh digunakan dalam seksyen ini. Seksyen ini harus dimansuhkan kerana ia memberikan terlalu banyak kuasa kepada pemegang lesen serta tiada unsur-unsur penjagaan kepentingan pengguna. Pemegang lesen perkhidmatan pembedungan juga haruslah mempunyai kontrak sah dengan pengguna untuk mengelakkan kekeliruan pada masa hadapan.

**5.0 CADANGAN TAMBAHAN**

**5.1 Penjimatan air**

**Komen**

Penjimatan air merupakan isu penting yang perlu diberikan keutamaan di Malaysia. Sebelum ini, telah wujud Akta Air 1920 dan Enakmen Bekalan Air 1997. Namun akta-akta ini tidak memperincikan tentang penjimatan air. Oleh itu, Rang Undang-Undang Industri Perkhidmatan Air perlu memasukkan klausa tentang pemuliharaan air.

**Perbandingan dengan akta lain**

**Uk Water Act 2003**

**81 Tugas bagi menggalakkan pemuliharaan air**

- (1) Pihak berkuasa yang bersesuaian hendaklah, di mana yang sesuai, mengambil setiap langkah bagi menggalakkan pemuliharaan air.
- (2) Pihak berkuasa yang bersesuaian adalah –
  - (a) Setiausaha Negeri, merujuk kepada England,
  - (b) Dewan Perwakilan, merujuk kepada Wales.

- (3) Selepas tempoh tiga tahun bermula daripada tarikh seksyen ini dikuatkuasakan, dan bagi setiap tiga tahun, Setiausaha Negeri hendaklah menyediakan laporan mengenai tindakan yang telah diambil olehnya di bawah seksyen ini, atau sebarang tindakan seumpama ini yang ingin diambil olehnya.
- (4) Dewan Perwakilan boleh membuat arahan agar laporan seumpama itu disediakan, dan peruntukan mengenainya dibuat pada masa, atau berkaitan dengan tempoh masa ia perlu disediakan.
- (5) Setiap laporan itu hendaklah –
  - (a) Jika disediakan oleh Setiausaha Negeri, dibentang di Parlimen,
  - (b) Jika disediakan oleh Dewan Perwakilan, dibentangkan dan diterbitkan oleh Dewan Perwakilan.

## **82 Pemuliharaan Air: Keperluan kepada pihak-pihak yang diberikan tanggungjawab**

Dalam seksyen 3(2)(a) WIA (tugas-tugas tentang alam sekitar yang berkaitan dengan fungsi-fungsi pihak yang diberikan tanggungjawab), selepas klausa “kepentingan istimewa” telah dimasukkan “dan, dalam kes pelaksanaan kuasa oleh syarikat yang dilantik sebagai pihak yang diberikan tanggungjawab, untuk melakukan pemuliharaan air.”

## **83 Pemuliharaan air oleh pihak berkuasa awam**

- (1) Dalam melaksanakan fungsi-fungsi dan menguruskan hal ehwalnya, setiap pihak berkuasa awam hendak mengambil kira, di mana yang bersesuaian, keinginan untuk memulihara air yang dibekalkan atau akan dibekalkan kepada premis.
- (2) Dalam subseksyen (1), “pihak berkuasa awam” bermaksud pihak-pihak berikut –
  - (a) Menteri (merujuk kepada makna di dalam Ministers of the Crown Act 1975 (c.26)),
  - (b) Jabatan kerajaan,
  - (c) Dewan Perwakilan
  - (d) Pihak berkuasa tempatan (merujuk kepada makna dalam seksyen 270(1) Akta Kerajaan Tempatan 1972 (c. 70)),
  - (e) Seseorang yang menjawat jawatan –
    - (i) di bawah Eksekutif,
    - (ii) yang diwujudkan atau menjalankan tugas yang sedia ada oleh Akta Awam, atau
    - (iii) ganjaran/gaji yang dibayar dengan wang yang diperuntukan oleh Parlimen.
  - (f) Pihak yang dipertanggungjawab secara undang-undang (mana-mana individu yang, di bawah seksyen 262 Akta Perancangan Bandar dan Negara) (c. 8) dianggap sebagai pihak yang dipertanggungjawabkan secara undang-undang untuk pelbagai tugasan), dan
  - (g) Mana-mana badan awam yang mempunyai pelbagai deskripsi.

### **CADANGAN BAGI SEKSYEN TAMBAHAN**

#### ***Tugas menggalakkan pemuliharaan air***

- 1. Pihak berkuasa yang bersesuaian hendaklah, sekiranya sesuai, mengambil langkah bagi menggalakkan pemuliharaan air.***
- 2. Pihak berkuasa yang bersesuaian adalah:***
  - i. Kerajaan persekutuan***
  - ii. Kerajaan negeri***

*iii. Pihak berkuasa berlesen*

*iv. SPAN*

3. *Selepas tempoh tiga tahun bermula dari tarikh seksyen ini dikuatkuasakan, dan pada setiap tiga tahun, Suruhanjaya hendaklah menyediakan laporan tentang langkah yang telah diambil di bawah seksyen ini, atau sebarang langkah seumpama itu yang ingin diambil.*

### **Justifikasi**

Kebanyakan masalah utama yang dihadapi oleh industri air ialah air tidak berhasil (NRW) dan air yang digunakan untuk minuman. Oleh itu, usaha pemuliharaan dan perubahan daripada pengurusan bekalan kepada pengurusan permintaan hendaklah dimasukkan secara meluas.

Dalam Akta Air United Kingdom 2003, terdapat tiga klausa yang khusus (klausa 81,82, 83) yang menerangkan tentang pemuliharaan air. Selain itu, terdapat klausa khusus tentang skim pengurusan sumber air dan perancangan semasa musim kemarau, yang merupakan perkara yang sangat berkaitan dengan kemampuan alur air.

Penekanan terhadap pemuliharaan dan pengurusan alur air ini hendaklah dimasukkan dalam kedua-dua Rang Undang-Undang Industri Perkhidmatan Air dan Rang Undang-Undang Suruhanjaya Perkhidmatan Air Negara, iaitu di bawah seksyen fungsi-fungsi dan kuasa Suruhanjaya. Klausa tentang penyelenggaraan sumber air hendaklah dimasukkan dalam Dana Air, bagi memastikan terdapat dana yang mencukupi bagi menyelenggara sumber air dan kawasan tadahan air untuk mengelakkan daripada masalah kekurangan air.

### **5.2 Akta Kualiti Alam Sekitar Yang Bersepadu**

Satu mekanisme yang jelas perlu diwujudkan bagi menyepadukan klausa lain yang bersesuaian berkaitan dengan air seperti EQA kepada WSI (atau daripada EQA kepada WSI). Pada masa ini Peraturan Kualiti Alam Sekitar (Kumbahan dan Sisa Buangan Industri) 1979 terletak di bawah Akta Kualiti Alam Sekitar. Peraturan ini mempunyai peruntukan “Keadaan pembuangan yang dibenar di pedalaman” yang lebih terperinci berbanding klausa 48: Kerosakan Sistem Bekalan Air Awam dan Sistem Pembedungan, dan Klausa 121: Kesalahan Mencemarkan Air dalam Rang Undang-Undang Industri Perkhidmatan Air. Oleh itu, perlu diwujudkan satu mekanisme bagi memasukkan klausa tentang peraturan ini dalam Rang Undang-Undang Industri Perkhidmatan Air. Begitu juga pindaan atau pemansuhan peraturan sedia ada di bawah Akta Kualiti Alam Sekitar.

### **5.3 Pemansuhan Akta Perkhidmatan Pembedungan**

Akta Perkhidmatan Pembedungan 1993 hendaklah dimansuhkan bagi Semenanjung Malaysia dan Labuan. Walau bagaimanapun tidak semua seksyen itu digabungkan di dalam Rang Undang-Undang Industri Perkhidmatan Air.



## 5.4 Tuntutan dan pampasan

### Komen

Walaupun perihal tentang tuntutan dan pampasan dinyatakan dalam Bab 2, bahagian V – Penyelesaian Pertikaian, namun begitu, tidak terdapat klausa yang khusus tentang pertikaian di antara pengguna dengan pemegang lesen atau pengguna dengan pihak berkuasa, terutamanya berkaitan dengan tuntutan pengguna terhadap perkhidmatan air dan pembetulan. Bahagian ini adalah penting bagi memastikan Akta ini mencerahkan secara jelas tanggungjawab semua pemegang lesen terhadap pengguna.

### CADANGAN BAGI SEKSYEN TAMBAHAN

#### *Tuntutan daripada Perkhidmatan Air dan Pembetulan*

- (1) *Seseorang yang menderita kehilangan atau kerosakan boleh membuat tuntutan terhadap pemegang lesen.*
- (2) *Sebarang tuntutan dianggap sebagai rancanganggaran kepada tanggungjawab undang-undang.*
- (3) *Dalam prosiding berkaitan tuntutan di bawah seksyen ini, mahkamah tidak boleh mengenakan injunksi terhadap pemegang lesen jika ia boleh menyebabkan risiko gangguan bekalan air kepada awam, atau risiko kesihatan dan keselamatan awam.*
- (4) *Melainkan sekiranya diperuntukkan di dalam seksyen ini, tidak ada sebarang tuntutan boleh dibuat dalam prosiding awam oleh seseorang (sama ada seseorang itu mempunyai kaitan atau tidak) terhadap penyari sekiranya mengalami kehilangan atau kerosakan yang disebabkan oleh penyarian air.*
- (5) *Tidak ada dalam seksyen ini yang boleh menghalang atau mempengaruhi tuntutan terhadap kecuaiian atau rancanganggaran kontrak.*

## 5.5 Jadual 192

### Komen

Jadual Seksyen 192 sewajarnya memasukkan dalam ruangan (2) tempoh konsesi / perjanjian penswastaaan yang telah ditandatangani oleh kerajaan negeri dan pembekal air. Ini bagi mengelakkan daripada timbulnya kekeliruan yang tidak di ingini pada masa akan datang, di samping itu menjadikan proses ini lebih telus dan mempunyai tanggungjawab korporat. Maklumat ini hendaklah dihebahkan kepada pengetahuan umum.

## 6.0 ULASAN LAIN

Semua ulasan yang berkaitan dengan Rang Undang-Undang Industri Perkhidmatan Air dan ulasan yang dibincangkan di atas dilampirkan dalam jadual ringkasan. Sila rujuk lampiran A.

## Ulasan Mengenai Rang Undang-Undang Air Malaysia

### SURUHANJAYA PERKHIDMATAN AIR NEGARA 2005

Bahagian ini meliputi kesemua komen dan cadangan mengenai rang undang-undang termasuk klausa yang telah dibincangkan serta klausa lain.

Nombor Klausa	Topik	Komen dan Hujah	Rujukan bersilang dengan peruntukan sedia ada, sekiranya bersesuaian
BAHAGIAN II	SURUHANJAYA		
Klausa 5	<b>Keanggotaan Suruhanjaya</b>	Seksyen 5(1) tidak menjelaskan syarat-syarat untuk perantikan Pesuruhjaya dan komposisi secara jelas kerajaan kepada agensi-agensi lain yang terlibat. Dimaklumkan bahawa Menteri akan melantik Pesuruhjaya. Maklumat lebih mendalam perlu diberi untuk menjelaskan peruntukan tersebut.	Dalam seksyen 11 Akta Suruhanjaya Perkhidmatan Air Negara Australia, telah menerangkan secara terperinci mengenai perantikan pesuruhjaya Klausa 4: Akta Alam Sekitar 1974 telah membincangkan mengenai ahli serta organisasi dalam sesuatu jawatankuasa. Seksyen 5 Akta Suruhanjaya Tenaga, telah menerangkan dengan jelas mengenai kedudukan bilangan ahli di antara kerajaan dan lain-lain.
		<p><b><u>CADANGAN</u></b></p> <p>5. (1) Suruhanjaya hendaklah terdiri daripada anggota berikut yang hendaklah dilantik oleh Menteri <b>selepas berunding dengan Parlimen/Suruhanjaya:</b></p> <p>(a) Pengerusi; dan</p> <p>(b) <b>Dua orang ahli mewakili kerajaan;</b></p> <p>(c) <b>Dua orang ahli dari masyarakat sivil, CBO ataupun NGO<sup>1</sup>;</b></p> <p>(d) <b>Tidak kurang daripada empat orang tetapi tidak lebih daripada enam orang ahli biasa yang dicalonkan berdasarkan subseksyen</b></p> <p>(2) <b>Seseorang individu tidak berhak untuk dilantik sebagai Pesuruhjaya kecuali beliau mempunyai pengalaman dan latar belakang yang luas dalam bidang kewangan, kejuruteraan, perniagaan ataupun pentadbiran, ataupun berpengetahuan mendalam dalam bidang yang berkaitan dengan fungsi SPAN.</b></p> <p>Bidang yang berkaitan termasuk, tetapi tidak terhad kepada aspek-aspek yang berikut;</p> <p>(a) <b>pengurusan sumber air;</b></p> <p>(b) <b>ekologi air segar ataupun hidrologi</b></p> <p>(c) <b>ekonomi sumber</b></p> <p>(d) <b>pentadbiran sektor awam</b></p> <p>(e) <b>pencauditan, penilaian ataupun</b></p>	

<sup>1</sup> CBO : Organisasi berlandaskan aktiviti komuniti  
NGO : Badan Bukan Kerajaan

		<p><b>perlaksanaan program berkaitan dengan pengurusan sumber alam</b></p> <p>(3) Peruntukan Jadual hendaklah terpakai bagi anggota Suruhanjaya.</p> <p>(4) Menteri boleh meminda peruntukan Jadual melalui perintah yang disiarkan dalam Warta</p>	
Klausa 7	<b>Akuan berkanun oleh anggota Suruhanjaya</b>	Maklumat yang lebih mendalam harus dimasukkan dalam Seksyen 7 untuk mengelak dari penyalahgunaan kuasa untuk kepentingan individu.	Seksyen 15 Akta Suruhanjaya Perkhidmatan Air Negara Australia merupakan seksyen khas untuk menerangkan kepentingan pesuruhjaya selain industri air.
		<p><b><u>CADANGAN</u></b></p> <p>7. (1) Tiada seorang pun boleh dilantik sebagai anggota Suruhanjaya melainkan jika sebelum pelantikan sedemikian orang itu membuat suatu akuan berkanun sama ada dia mempunyai apa-apa kepentingan, dari segi kewangan atau selainnya, dalam apa-apa usaha yang melibatkan perkhidmatan bekalan air atau perkhidmatan pembedungan.</p> <p>(2) Jika seseorang anggota Suruhanjaya memperoleh apa-apa kepentingan, dari segi kewangan atau selainnya, dalam apa-apa usaha yang melibatkan perkhidmatan bekalan air atau perkhidmatan pembedungan dia hendaklah, dalam masa satu bulan selepas pemerolehan itu, memberikan notis secara bertulis kepada Menteri dengan menyatakan kepentingan yang telah diperoleh itu, dan Menteri boleh, selepas menimbang perkara itu, jika difikirkannya perlu, mengisytiharkan bahawa anggota itu telah mengosongkan jawatannya.</p> <p><b>(3) Pesuruhjaya sepenuh masa tidak boleh terlibat dalam sebarang pekerjaan bergaji tanpa kebenaran dari Menteri.</b></p> <p><b>(4) Pesuruhjaya separuh masa tidak boleh terlibat dalam sebarang pekerjaan luaran bergaji yang menimbulkan konflik dengan tanggungjawabnya sebagai Pesuruhjaya tanpa kebenaran Menteri</b></p>	
Klausa 11	<b>Pembatalan perlantikan dan perletakan jawatan</b>	Seksyen 11(1) mengenai pembatalan perlantikan merupakan peruntukan yang tidak digunakan di mana-mana negara dan Suruhanjaya lain. Seksyen 11(2) menjelaskan perletakan jawatan Pesuruhjaya dan seksyen 12 dalam pengosongan jawatan adalah mencukupi. Peruntukan seperti terlalu menekankan kuasa Menteri. Oleh itu, peruntukan 11(1) seharusnya dikeluarkan dan diganti dengan susunan kata yang lebih menggambarkan ketelusan dan integriti Akta.	Seksyen 11(1) adalah tidak adil dan munasabah berbanding dengan akta lain. Contohnya, Akta Suruhanjaya Hak Asasi Manusia 1999 tidak mempunyai fasal tentang penarikan balik perlantikan. Seksyen 9, 10 dan 11 yang meliputi pengosongan jawatan, pembatalan dan perletakan jawatan adalah mencukupi. Selain itu, Seksyen 18 Australian National Water Commission Act 2004 telah menjelaskan dengan teliti

L A M P I R A N A

			kriteria yang membenarkan Ketua Gabenor untuk menamatkan perlantikan Pesuruhjaya.
		<p><b><u>CADANGAN</u></b></p> <p><i>11 (1) Menteri boleh menamatkan perlantikan seseorang Pesuruhjaya jika;</i>  <i>(a) Terdapat alasan yang munasabah untuk berbuat demikian</i>  <i>(b) Mendapati bahawa alasan yang dikemukakan oleh Pesuruhjaya tersebut tidak dapat diterima; Menteri harus berunding dengan Suruhanjaya</i>  <i>(2) Ahli tidak akan dilucutkan jawatannya sekiranya beliau menjalankan tugasnya dengan baik dalam Suruhanjaya</i>  <i>(3) Ahli tidak akan dilucutkan jawatannya semasa Suruhanjaya bersidang untuk membincangkan resolusi.</i>  <i>(4) Seseorang anggota Suruhanjaya boleh, pada bila-bila masa, meletakkan jawatannya dengan memberikan notis secara bertulis kepada Menteri</i></p>	
<b>BAHAGIAN III</b>	<b>FUNGSI DAN KUASASURUHANJAYA</b>		
Klausa 15	<b>Fungsi Suruhanjaya</b>	Seksyen 15 adalah peruntukan yang paling penting, kerana peruntukan ini mengandungi fungsi yang melibatkan suruhanjaya. Oleh itu, perkara penting yang lain, yang berkaitan dengan industri air masa kini, patut dimasukkan dalam fungsi tersebut.	Di dalam Seksyen 7 Akta Suruhanjaya Air Nasional Australia 2004, fungsi Suruhanjaya Air Nasional adalah diberi kepentingan didalam akta. Fungsi –fungsi tersebut adalah dibahagi dalam 3 kategori. Akta ini merangkumi 22 perkara yang menerangkan secara terperinci fungsi-fungsi suruhanjaya tersebut berlandaskan kepada 3 kategori Seksyen 14 Akta Suruhanjaya Tenaga, termasuk mempromosikan pembaharuan tenaga dan pemuliharaan pembaharuan tenaga sebagai fungsi Suruhanjaya tersebut.
		<p><b><u>CADANGAN</u></b></p> <p><i>15. Suruhanjaya hendaklah mempunyai segala fungsi yang dikenakan ke atasnya di bawah undang-undang perkhidmatan bekalan air dan pembetulan dan hendaklah juga mempunyai fungsi-fungsi yang berikut:</i>  <i>(a) menasihati Menteri tentang segala perkara berhubung dengan objektif dasar kebangsaan bagi undang-undang perkhidmatan bekalan air dan pembetulan dan melaksanakan dan memajukan objektif dasar kebangsaan itu;</i>  <i>(b) untuk menjalankan penilaian awal untuk:</i>  <i>i) Sumber Air Malaysia</i>  <i>ii) Pengawasan, pentadbiran dan peraturan sumber tersebut; berkaitan dengan kerja yang</i></p>	

		<p><b>telah dijalankan oleh pihak yang bertanggungjawab pada SPAN dan jika diperlukan, menjalankan tugas yang berlanjutan untuk membuat penilaian.</b></p> <p>(c) melaksanakan dan menguatkuasakan undang-undang perkhidmatan bekalan air dan pembedaan dan menimbang dan mengesyorkan pembaharuan kepada undang-undang perkhidmatan bekalan air dan pembedaan;</p> <p>(d) memastikan daya pengeluaran industri perkhidmatan bekalan air dan perkhidmatan pembedaan dan memantau pengendali mematuhi standard perkhidmatan yang ditetapkan, obligasi kontrak dan undang-undang dan garis panduan yang berkaitan;</p> <p>(e) menambah usaha bersepadu ke arah peningkatan kecekapan pengendalian industri itu dan secara khususnya pengurangan air tidak berhasil melalui program jangka pendek, jangka pertengahan dan jangka panjang;</p> <p><b>(f) Menilai dengan Polisi Nasional dan tanda aras pencapaian industri air dalam mentadbir and menggunakan sumber air Malaysia (sebagai contoh, harga air, kos pengurusan air dan kecekapan pengairan) dan memberi nasihat kepada Parlimen terhadap penilaian tersebut;</b></p> <p>(g) menasihati Menteri tentang mekanisme yang adil dan cekap bagi menentukan tarif yang adil kepada kedua-dua pengguna dan pemegang lesen dan melaksanakan tarif yang telah ditetapkan melalui mekanisme dan alat yang sesuai;</p> <p><b>(h) Menasihati dan memberi cadangan kepada Menteri berkenaan dengan Tabung Suruhanjaya Perkhidmatan Air Negara dan penggunaannya</b></p> <p>(i) memastikan matlamat pembangunan negara berkenaan dengan liputan, pembekalan dan akses kepada perkhidmatan bekalan air dan perkhidmatan pembedaan dicapai;</p> <p>(j) memastikan pengendalian kualiti air dan perkhidmatan pembedaan bagi jangka panjang melalui pembangunan modal kerja yang berterusan;</p> <p><b>(k) Menerbitkan, didalam cara atau sekerap mana yang dirasa sesuai, statistik yang dikaitkan dengan aduan pengguna berhubung dengan aktiviti pemegang lesen dan cara pengendalian aduan tersebut;</b></p> <p><b>(l) Mempromosikan pendidikan untuk cara penggunaan air secara yang betul dan pemuliharaan air;</b></p> <p>(m) merumuskan dan melaksanakan rancangan supaya semua permintaan yang munasabah bagi perkhidmatan pembedaan dipenuhi dan melalui perundingan dengan pihak berkuasa yang berkaitan, menyediakan</p>	
--	--	------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	--

L A M P I R A N A

		<p>suatu rancangan kawasan tadahan pembetungan yang merumuskan dasar dan cadangan am berkenaan dengan pembangunan apa-apa sistem pembetungan yang baru dan langkah-langkah bagi membaiki mana-mana sistem pembetungan yang sedia ada;</p> <p><b>(n) mengawasi pelaksanaan projek dan kesan pemindahan air antara negeri di dalam pemilikan hak di dalam projek pemindahan air Pahang-Selangor dan menasihati pihak yang berkenaan dengan SPAN terhadap kesannya;</b></p> <p>(o) menjalankan apa-apa fungsi yang diberikan kepadanya di bawah mana-mana undang-undang bertulis yang lain; dan</p> <p>(p) menasihati Menteri secara amnya mengenai perkara-perkara yang berhubungan dengan perkhidmatan bekalan air dan perkhidmatan pembetungan.</p>	
Klausa 16 (2) (a)	<b>Kuasa Suruhanjaya</b>	<p>Suruhanjaya hendaklah mendapatkan kelulusan awal daripada Menteri Kewangan bagi perkara-perkara yang berkaitan untuk mengelakkan daripada pengurusan yang salah dan penyalahgunaan tabung.</p>	
		<p><b><u>CADANGAN</u></b></p> <p>16 (2) (a) menggunakan sepenuhnya harta milik Suruhanjaya, sama ada yang bergerak atau tetap, dalam bentuk yang Suruhanjaya fikirkan sesuai termasuk untuk mendapatkan pinjaman dengan mengadaikan harta tersebut, setelah mendapat kelulusan dan kebenaran Menteri Kewangan.;</p>	
Klausa 18	<b>Arahan oleh Menteri</b>	<p>Seksyen 18 (1) patut dipinda dan memasukkan tanggungjawab Suruhanjaya terhadap kabinet dan Parlimen. Ini akan seterusnya mempertingkatkan fungsi Suruhanjaya terhadap Kabinet dan Parlimen</p>	-
		<p><b><u>CADANGAN</u></b></p> <p>18. (1) Suruhanjaya adalah bertanggungjawab kepada Menteri, <b>Kabinet dan Parlimen</b></p> <p>(2) Menteri boleh memberi Suruhanjaya arahan yang bersifat am yang selaras dengan peruntukan Akta ini yang berhubungan dengan pelaksanaan fungsi dan kuasa Suruhanjaya dan Suruhanjaya hendaklah melaksanakan arahan itu.</p>	
Klausa 19	<b>Memulakan, laporan, penyata kewangan dan maklumat</b>	<p>Bagi memastikan Suruhanjaya mengamalkan pentadbiran yang baik dan sebaran maklumat kepada umum.</p>	-

		<u><b>CADANGAN: Menambah subseksyen (3) selepas subseksyen (2)</b></u> <b>3) Suruhanjaya hendaklah menerima pakai klausa ini untuk memastikan takbir urus yang baik, sebaran maklumat kepada umum dan bersikap telus.</b>	
<b>BAHAGIAN IV</b>	<b>PERUNTUKAN BERKAITAN PEKERJA</b>		
Klausa 20	<b>Peruntukan berkaitan pekerja</b>	C20(1) Pengerusi yang juga CEO – kerana kedua-dua jawatan tersebut mempunyai kepentingan yang sama. Oleh itu seorang dilantik untuk menjawat kedua-dua jawatan.	Bertentangan dengan Australian National Water Commission Act – dua orang berbeza menjawat setiap jawatan. CEO dilantik oleh Menteri untuk mewujudkan keseimbangan.
		<u><b>CADANGAN: Menukarkan klausa 20 seperti berikut:</b></u> <b>20 (1) Suruhanjaya melantik seorang CEO yang mempunyai fungsi seperti berikut:</b> <b>(2) menguruskan bantuan kewangan yang diberikan oleh Menteri untuk sesuatu projek.</b> <b>(3) bertanggungjawab ke atas keseluruhan pentadbiran dan pengurusan seharian dan hal-ehwal SPAN berdasarkan kepada (2), (3), (4), (5),(6)</b>	
<b>BAHAGIAN V</b>	<b>PERUNTUKAN YANG BERHUBUNGAN DENGAN PEKERJA</b>		
Klausa 37	<b>Akaun dan Laporan</b>	Seksyen 37 tidak menetapkan jangka masa untuk penyerahan akaun dan laporan. Ini akan menyebabkan penyerahan akaun dan laporan yang tidak konsisten. Selain daripada itu termasuk data terperinci yang diperlukan di dalam penggunaan tabung SPAN dengan tujuan seperti yang tertera di dalam seksyen 28.	Seksyen 45 Akta Suruhanjaya Air Nasional Australia boleh diambil sebagai contoh.
		<u><b>CADANGAN</b></u> <b>37. (1) Suruhanjaya hendaklah menyebabkan supaya akaun yang sepatutnya bagi Kumpulan Wang dan laporan aktiviti yang sepatutnya disimpan dalam masa 60 hari selepas berakhirnya setiap tahun kewangan, menyebabkan supaya disediakan bagi tahun kewangan itu -</b> <b>(a) suatu penyata akaun Suruhanjaya yang hendaklah mengandungi suatu kunci kira-kira dan akaun pendapatan dan perbelanjaan; dan</b> <b>(a) suatu pernyataan mengenai aktiviti.</b> <b>(b) nama individu atau badan yang telah menerima bantuan kewangan, dan amaun dan tujuan bantuan diberi seksyen 28 (b), (c) atau (f)</b> <b>(2) Suruhanjaya hendaklah dengan secepat mungkin menghantar suatu salinan penyata akaun yang diperakui oleh juruaudit dan suatu salinan laporan juruaudit kepada Menteri yang hendaklah menyebabkan supaya penyata dan laporan itu dibentangkan di hadapan kedua-dua Dewan Rakyat dan Dewan Negara. Akta Badan Berkanun</b>	

L A M P I R A N A

		(Akaun dan Laporan Tahunan) 1980 [Akta 240] hendaklah terpakai bagi Suruhanjaya.	
<b>BAHAGIAN VI</b>	<b>AM</b>		
<b>Jadual [Seksyen 5]</b>	<b>Ketetapan tanpa Mesyuarat</b>	Seksyen 5 jadual 5 adalah penting untuk melindungi kuasa ahli Suruhanjaya tersebut. Ia juga harus memastikan yang Suruhanjaya mengambil kira komen dan pandangan Pesuruhjaya sebelum penyelesaian diambil.	-
		<p><b><u>CADANGAN</u></b></p> <p>5. (1) Sesuatu ketetapan dianggap telah diluluskan dalam sesuatu mesyuarat Suruhanjaya jika—</p> <p>(a) semua anggota Suruhanjaya telah diberitahu tentang ketetapan yang dicadangkan itu, dengan <b>menggunakan pelbagai teknik komunikasi yang wujud</b>; dan</p> <p>(b) tanpa bermesyuarat, semua anggota Suruhanjaya menandakan persetujuan tentang ketetapan itu mengikut cara yang ditentukan oleh Suruhanjaya di bawah subperenggan (2).</p> <p>(2) Subperenggan (1) terpakai hanya jika Suruhanjaya—</p> <p>(a) memutuskan bahawa subperenggan itu terpakai; dan</p> <p>(b) memutuskan cara yang dengannya anggota Suruhanjaya boleh menandakan persetujuan tentang ketetapan.</p>	

## Ulasan Mengenai Rang Undang-Undang Air Malaysia

### INDUSTRI PERKHIDMATAN AIR 2005

Bahagian ini meliputi kesemua komen dan cadangan mengenai rang undang-undang termasuk klausa yang telah dibincangkan serta klausa lain:

Nombor klausa	Topik	Komen dan hujah	Rujukan bersilang dengan peruntukan sedia ada, sekiranya bersesuaian.
<b>BAHAGIAN II</b>	<b>PERUNTUKAN PERLESENAN</b>		
Bab 1: Klausa 6	<b>Permohonan untuk lesen Individu</b>	Seksyen 6(1) tidak menerangkan kriteria-kriteria yang bakal dikenakan kepada seseorang yang bakal membuat permohonan. Ia terlalu umum seolah-olah sesiapa sahaja boleh memohon tanpa mengira sama ada individu tersebut mempunyai pengalaman atau tidak dalam mengendalikan hal-hal berkenaan dengan pemprosesan serta pengendalian air boleh memohon	Water Service etc. (Scotland) Act 2005 Schedule 2 (Section 4 & 5) National Water Act (South Africa) 1998: Section 30 Section 7 of the Water Services etc (Scotland Act) 2005



		<p><b><u>CADANGAN</u></b></p> <p>6. (1) <i>Mana-mana seseorang individu yang dapat memuaskan syarat-syarat berikut boleh memohon kepada Menteri supaya suatu lesen individu diberikan kepadanya di bawah seksyen 9 dengan mengemukakan suatu permohonan bertulis kepada Suruhanjaya.</i></p> <p><b>a. pengetahuan, kepakaraan serta pengalaman dan</b></p> <p><b>b. keupayaan kewangan serta kebolehan dan apa-apa syarat lain yang dikenakan oleh pihak Suruhanjaya.</b></p> <p>(2) <i>Suatu permohonan di bawah seksyen ini boleh ditarik balik pada bila-bila masa sebelum permohonan itu dibenarkan atau ditolak; di mana Suruhanjaya akan memberikan pemohon notis</i></p> <p><b>(a) fakta (disertakan bersama alasan bagi penolakan permohonan); dan</b></p> <p><b>(b) maklumat mengenai tarikh di mana pemohon dapat membuat rayuan kepada Suruhanjaya mengenai permohonan yang ditolak</b></p>	
<p><b><u>CADANGAN BAGI SEKSYEN TAMBAHAN</u></b></p>	<p>Jaminan oleh pemohon</p>	<p>(1) <i>Untuk melindungi bekalan air serta aset-asetnya, seseorang pemohon akan disyaratkan untuk memberi jaminan terhadap apa-apa obligasi atau bakal obligasi yang timbul daripada pemberian lesen dibawah akta ini.</i></p> <p>(2) <i>Jaminan yang dikenakan dibawa subsekyen(1) adalah termasuk seperti berikut</i></p> <p><b>a. surat kredit daripada pihak bank</b></p> <p><b>b. jaminan daripada bank</b></p> <p><b>c. ikatan jaminan</b></p> <p><b>d. polisi insuran</b></p> <p><b>e. atau apa-apa bentuk jaminan yang ditetapkan</b></p> <p>(3) <i>Pihak yang bertanggungjawab mesti memutuskan jenis serta jangka waktu sesuatu jaminan itu dikehendaki.</i></p> <p>(4) <i>Tempoh keperluan jaminan boleh melebihi tempoh lesen</i></p> <p>(5) <i>Jikalau pihak berkuasa memerlukan jaminan dalam bentuk polisi insurans, maka pihak berkuasa boleh meminta bahawa mereka dijadikan penama bersama dalam polisi insurans tersebut kerana pihak Kementerian serta pihak Suruhanjaya difahamkan mempunyai satu kepentingan bersama dalam perkara ini.</i></p>	<p>National Water Act (South Africa) 1998: Section 30</p>
<p>Bab 1: Klausa 5 dan Klausa 22</p>	<p><b>Kuasa untuk mengecualikan daripada kehendak lesen individu</b></p>	<p>Kedua-dua seksyen memberi kuasa kepada Menteri untuk mengecualikan pemohon daripada mempunyai lesen seperti yang dikehendaki. Ini secara langsung adalah satu amalan yang akan menggalakan pemberian lesen kepada kroni-kroni.</p>	<p>-</p>

L A M P I R A N A

		<p><b><u>CADANGAN</u></b></p> <p>5. (1) Menteri boleh, atas syor Suruhanjaya, melalui perintah yang disiarkan dalam Warta, <b>mengesyorkan</b> seseorang daripada kehendak pelesenan di bawah seksyen 4 tertakluk kepada apa-apa terma dan syarat yang difikirkan patut oleh Menteri.</p> <p>22. (1) Menteri boleh, atas syor Suruhanjaya, melalui perintah yang disiarkan dalam Warta, <b>mengesyorkan</b> seseorang daripada kehendak pelesenan di bawah seksyen 20 tertakluk kepada apa-apa terma dan syarat yang difikirkan patut oleh Menteri.</p>	
Bab1: Klausa 9 (2)	<b>Pemberian atau keengganan memberikan lesen individu</b>	Bahagian (c) seksyen ini adalah tidak relevan. Kuasa yang begitu besar ditangan Menteri akan membuka ruang untuk penindasan serta pilih kasih. Dengan apa yang telah disarankan di seksyen 6 seperti diatas, pemohon harus mempunyai kriteria-kriteria seperti yang disarankan diatas.	Water Service etc. (Scotland) Act 2005 Section 7
		<p><b><u>CADANGAN</u></b></p> <p>9(2) Jika pihak Menteri bercadang meluluskan lesen individual dibawah subseksyen (1), beliau perlu:-</p> <p>(a) menghendaki pemegang lesen individu itu untuk membayar fi yang ditetapkan dalam tempoh yang ditetapkan;</p> <p>(b) mengenakan semua syarat lesen yang standard bagi suatu lesen individu sebagaimana yang ditetapkan; dan</p>	
Bab1 : Klausa 10 dan bab 2: Klausa 22	<b>Pematuhan syarat lesen individu</b>	Subseksyen yang dicadangkan akan memastikan pihak Suruhanjaya mempunyai kuasa dan tanggungjawab untuk memastikan pihak pemegang lesen memenuhi tanggungjawab serta mematuhi syarat-syarat yang ditetapkan. Ini juga boleh dijadikan sebagai satu prosedur penguatkuasaan bagi memastikan pihak pemegang lesen memenuhi serta mematuhi syarat-syarat yang ditetapkan.	Water Service etc. (Scotland) Act 2005 Section 8
		<p><b><u>CADANGAN</u></b></p> <p>10. (1) Pemegang lesen individu hendaklah mematuhi—</p> <p>(a) syarat standard yang ditetapkan bagi lesen individu itu; dan</p> <p>(b) apa-apa syarat khas yang dikenakan oleh Menteri ke atas lesen individu itu.</p> <p><b>(2) Pihak Suruhanjaya harus memantau bahawa pemegang lesen air serta kumbahan memenuhi syarat-syarat yang ditetapkan.</b></p> <p><b>(3) Pemegang lesen yang didapati melanggar syarat-syarat tersebut dalam subseksyen (1)</b></p>	

		<p><b>akan didapati bersalah dan akan selepas didapati bersalah dikenakan denda tidak melebihi lima ratus ribu ringgit atau dikenakan hukuman penjara tidak kurang lima tahun atau kedua-dua sekali.</b></p> <p><i>(4) Pemegang lesen individu yang tidak mematuhi apa-apa syarat lesen individu di bawah subseksyen (1) melakukan suatu kesalahan dan boleh, apabila disabitkan, didenda tidak melebihi lima ratus ribu ringgit atau dipenjarakan selama tempoh tidak melebihi lima tahun atau kedua-duanya.</i></p>	
<b>BAHAGIAN III</b>	<b>KEWAJIPAN DAN OBLIGASI PEMEGANG LESEN</b>		
Bab 1: Klausa 29	<b>Pemberian maklumat</b>	Hukuman dan denda yang lebih tinggi dikenakan kerana pihak pemegang lesen mengendalikan satu sumber asas yang sangat penting. Kegagalan perlaksanaan serta pengurusan yang baik akan memberi kesan yang mendalam kepada pihak pengguna.	-
		<p><b><u>CADANGAN</u></b></p> <p><i>29. (6) Pemegang lesen yang—</i>  <i>(a) tidak memberikan apa-apa maklumat yang dikehendaki oleh Suruhanjaya di bawah subseksyen (1); atau</i>  <i>(b) enggan untuk membantu atau memudahkan, atau menghalang, Suruhanjaya, pegawai diberi kuasa atau ejennya dalam menjalankan audit di bawah subseksyen (5), melakukan suatu kesalahan dan boleh, apabila disabitkan, didenda <b>tidak melebihi lima ratus ribu ringgit atau boleh dipenjarakan tidak lebih daripada tiga tahun atau kedua-duanya sekali.</b></i></p>	
Bab 1: Klausa 30	<b>Pengemukaan rancangan perniagaan</b>	Denda yang dikenakan iaitu tidak melebihi seratus ribu ringgit tidak akan memberi apa-apa kesan.	-
		<p><b><u>CADANGAN</u></b></p> <p><i>30(5) Jika pihak pengurusan dan pemegang lesen gagal untuk mematuhi syarat- syarat serta tanggungjawab mereka akan didapati bersalah dan jika disabitkan kesalahan mereka boleh dikenakan denda tidak melebihi <b>lima ratus ribu ringgit atau dikenakan hukuman penjara tidak lebih tiga tahun.</b></i></p>	
Bab 1: Klausa 33	<b>Berurusan dengan pengguna</b>	Seksyen ini sangat penting bagi mengambil kira kepentingan keperluan beberapa kategori pengguna, walau bagaimana pun seksyen ini tidak lengkap dan harus mengandungi lebih banyak informasi	UK Water Act 2003 : Section 43 Water Services etc. (Scotland) Act 2005: Section 49

L A M P I R A N A

		terutamanya mengenai kategori pengguna yang berlainan.	
		<p><b><u>CADANGAN</u></b></p> <p>33. (1) Pemegang lesen yang menyediakan perkhidmatan bekalan air atau perkhidmatan pembedung mempunyai suatu kewajipan am untuk -</p> <p>(a) berurusan dengan pengguna secara munasabah; dan</p> <p>(b) menangani aduan pengguna dengan memuaskan.</p> <p><b>(1) Dalam menjaga kepentingan pengguna, Menteri atau pemegang lesen harus mengambilkira kepentingan golongan-golongan pengguna seperti berikut;</b></p> <p><b>(a) Pengguna yang sakit tenat atau yang kurang upaya</b></p> <p><b>(b) Pengguna yang telah bersara</b></p> <p><b>(c) Pengguna yang berpendapatan rendah</b></p> <p><b>(d) Pengguna dari kawasan pendalaman</b></p> <p><b>Pengguna di bawah Bahagian 1 dan 2 Akta ini, tidak boleh diambil kira bahawa kepentingan golongan pengguna yang lain diabaikan.</b></p>	
Bab 2: Klausa 36(1)	Pembangunan dan penyelenggaraan sistem bekalan air	Peruntukan rang undang-undang dalam seksyen di atas harus lebih komprehensif bagi memastikan supaya sumber air senantiasa cukup dan kita bersedia menghadapi kemarau pada masa hadapan. Ini akan menggalakkan kebolehan mendapat bekalan air yang saksama di antara semua golongan pengguna dan memenuhi keperluan asas manusia semasa dan untuk generasi masa depan.	UK Water Act 2003: Section 28, 29, 62, 63 & 64
		<p><b><u>CADANGAN</u></b></p> <p>36 (1) Adalah menjadi tanggungjawab setiap pemberi khidmat bekalan air berlesen untuk menyelenggara satu sistem bekalan air yang ekonomi dengan memberikan pertimbangan yang seharusnya diberi kepada seksyen 36 (1) (A) dan 36 (1) (B)</p> <p><b>36(1)(A) Rancangan Pengurusan Sumber Air</b></p> <p><b>(1) Adalah menjadi tanggungjawab setiap pemegang lesen untuk menyediakan dan menyelenggara pelan pengurusan sumber air.</b></p> <p><b>(2) Pelan Pengurusan Sumber Air</b></p>	

		<p><i>adalah pelan yang menunjukkan bagaimana pemegang lesen akan mengurus dan membangunkan sumber air supaya boleh dan secara berterusan boleh memenuhi kewajipan di bawah bahagian ini.</i></p> <p><i>(3) Pelan Pengurusan Sumber Air harus menumpukan perhatian terutamanya-</i></p> <p><i>a. Anggaran kuantiti air yang diperlukan untuk pemegang lesen memenuhi kewajipannya;</i></p> <p><i>b. langkah-langkah yang akan diambil oleh pemegang lesen atau akan terus mengambil untuk tujuan subseksyen (2) di atas (serta mempertimbangkan juga bagi tujuan tersebut, mengalirkan air ke dalam sistem bekalan pengurus air oleh atau bagi pihak pembekal air berlesen);</i></p> <p><i>c. Urutan dan masa bagi pelaksanaan langkah-langkah tersebut; dan</i></p> <p><i>d. Perkara-perkara lain yang berkaitan seperti dalam arahan Menteri.</i></p> <p><b>36(1)(B) Pelan Kemarau</b></p> <p><i>(1) Adalah menjadi tanggungjawab setiap pemegang lesen untuk menyediakan dan menyelenggara pelan kemarau.</i></p> <p><i>(2)Pelan kemarau adalah pelan bagaimana pemegang lesen akan dan terus akan melaksanakan tanggungjawabnya untuk membekalkan kuantiti air yang mencukupi, selamat, dengan dengan alternatif yang minimum secara berpatutan, yang mungkin.</i></p> <p><i>(3) Pelan Kemarau harus menumpukan perhatian terutamanya-</i></p> <p><i>a. Langkah-langkah yang diambil oleh pemegang lesen untuk menahan permintaan air di kawasannya</i></p> <p><i>b. Langkah-langkah yang akan diambil oleh pemegang lesen untuk mendapatkan air tambahan dari sumber-sumber lain (dengan juga mengambil kira bagi tujuan mengalirkan air ke dalam sistem bekalan pengurus air oleh atau bagi pihak pembekal air berlesen.</i></p> <p><i>c. Bagaimana pembekal akan memantau kesan akibat kemarau dan langkah yang diambil di bawah pelan kemarau;</i></p>	
<p><b><u>CADANGAN BAGI SEKSYEN TAMBAHAN</u></b></p>	<p><i>Pemegang amanah awam sumber air negara</i></p>	<p><i>Pemegang amanah awam sumber air negara</i></p> <p><i>(1)Sebagai pemegang amanah awam sumber air negara, Kerajaan Persekutuan, bertindak melalui Menteri,</i></p>	<p>Section 3: National Water Act (South Africa) 1998</p>

L A M P I R A N A

		<p><i>harus memastikan air dilindung, diguna, dibangun, dipelihara, diurus dan dikawal secara lestari dan saksama, bagi kebaikan semua orang dan mengikut mandat perlembagaan.</i></p> <p><i>(2)Tanpa menghadkan subseksyen (1), Menteri adalah secara muktamad bertanggungjawab dalam memastikan air diagihkan secara saksama dan digunakan sedemikian untuk menjaga kepentingan umum, sambil mempromosi nilai-nilai alam sekitar.</i></p>	
Klausa 38	Menyambungkan sesalur utama awam dengan premis yang hendak dibekalkan air	<p>Frasa yang menyatakan “pemegang lesen pengagihan air itu boleh juga membekalkan dan menyesuaikan semua lengkapan air tetapi kos penyambungan itu dan semua lengkapan air untuk bekalan itu hendaklah ditanggung oleh pemilik atau penghuni premis” bercanggah dengan seksyen 36 yang dibincangkan sebelum ini. Seksyen ini harus disamakan dengan seksyen 36 seta sub seksyen 2 harus dibubarkan.</p>	
		<p><b><u>CADANGAN</u></b></p> <p><i>38. (1) Apabila permohonan untuk bekalan air telah diluluskan oleh pemegang lesen pengagihan air, pemegang lesen pengagihan air itu hendaklah meletakkan paip penghubung yang perlu untuk menyambungkan sesalur utama awam dengan premis yang hendak dibekalkan air, dan pemegang lesen pengagihan air itu boleh juga membekalkan dan menyesuaikan semua lengkapan air tetapi kos penyambungan itu <b>dan</b> semua lengkapan air untuk bekalan itu hendaklah ditanggung oleh <b>pemegang lesen</b>.</i></p>	
Klausa 40	Mengekalkan tekanan air	<p>Denda yang dikenakan tidak cukup berat kepada pemegang lesen</p>	
		<p><b><u>CADANGAN</u></b></p> <p><i>40. (2) Pemegang lesen pengagihan air yang melanggar subseksyen (1) yang didapati melakukan kesalahan, jika disabitkan, hendaklah dikenakan denda tidak melebihi <b>lima ratus ribu ringgit</b>.</i></p>	
Klausa 41	Kualiti Air	<p>Seksyen 41 (1)-(3) hanya menyatakan bahawa standard minimum tanpa spesifikasi atas apa yang dikatakan standard minimum dan berdasarkan apa yang dikatakan standard tempatan /antarabangsa. Begitu juga, “kualiti” disini bermaksud air yang berkualiti adalah termasuk ciri-ciri dari segi fizikal, kimia dan biologi.</p>	<p>Seksyen Pengawalatur Kualiti Air Minuman adalah sama dengan UK dan Akta Scotland harus memasukkan kepentingan dan fungsi pengawalatur.</p>

		<p><b><u>CADANGAN</u></b></p> <p>41 (1) Pemegang lesen penagihan air hendaklah, apabila membekalkan air ke mana-mana premis, memastikan bahawa kualiti air yang dibekalkan mematuhi standard kualiti minimum yang ditetapkan pada masa pembekalan <b>dan diluluskan oleh pengawal selia kualiti air minuman.</b></p> <p>(2) Pemegang lesen pengagihan air hendaklah memastikan, setakat yang dapat dilaksanakan dengan munasabah, berhubung dengan setiap sumber atau kombinasi sumber yang daripadanya pemegang lesen membekalkan air ke mana-mana premis, bahawa tiada kemerosotan berlaku dalam standard kualiti minimum air yang dibekalkan dari masa ke semasa daripada sumber atau kombinasi sumber itu.</p> <p>(3) Bagi maksud seksyen ini, air yang dibekalkan oleh pemegang lesen pengagihan air ke mana-mana premis tidak boleh dianggap sebagai tidak mematuhi standard kualiti minimum yang ditetapkan pada masa pembekalan jika air itu tidak lagi mematuhi standard kualiti minimum itu hanya selepas air itu meninggalkan paip pemegang lesen perkhidmatan.</p> <p>(4) Mana-mana pemegang lesen pengagihan air yang melanggar subseksyen (1) atau (2) melakukan suatu kesalahan dan boleh, apabila disabitkan, didenda tidak melebihi <b>lima</b> ratus ribu ringgit atau dipenjarakan selama tempoh tidak melebihi tiga tahun atau kedua-duanya.</p>	
<p><b><u>CADANGAN BAGI SEKSYEN TAMBAHAN</u></b></p>	<p><b>Pengawal selia Kualiti Air Minuman</b></p>	<p><b>Pengawal selia Kualiti Air Minuman</b></p> <p><b>(1) Menteri boleh melantik salah seorang individu atau entiti sebagai pengawalatur kualiti air minuman Malaysia yang berperanan dibawah amalan ke atas pengawalatur yang memihak padanya.</b></p> <p><b>(2) Pengawal selia mempunyai fungsi umum seperti</b></p> <ol style="list-style-type: none"> <li><b>1. bagi memastikan tanggungjawab kualiti air minuman kepada pembekal air dipatuhi, dan</b></li> <li><b>2. pengawasan penguatkuasaan oleh kerajaan tempatan ke atas tanggungjawab kualiti air minuman merupakan tanggungjawab dan kuasa mereka.</b></li> </ol>	<p>Uk Water Act 2003: Section 57 Water Industry (Scotland) Act 2002: Schedule 2</p>

L A M P I R A N A

Klausa 44	Tangki septik hendaklah dibersihkan,dsb.	Denda yang dikenakan tidak cukup keras kepada Industri air.	-
		<p><b><u>CADANGAN</u></b></p> <p>44.(2) Pemegang lesen perkhidmatan yang tidak mematuhi obligasinya di bawah subseksyen (1) melakukan suatu kesalahan dan boleh, apabila disabitkan, didenda tidak melebihi <b>dua ratus dan lima puluh ribu ringgit.</b></p>	
<b>BAHAGIAN IV</b>	<b>PERUNTUKAN YANG BERHUBUNGAN DENGAN SISTEM BEKALAN AIR, PERKHIDMATAN BEKALAN AIR, SISTEM PEMBENTUNGAN DAN PERKHIDMATAN PEMBENTUNGAN.</b>		
Klausa 47	Pemaju hendaklah menyerahkan sistem bekalan air atau sistem pembentungan bangunan baru kepada pemegang lesen perkhidmatan	Sub seksyen (5) harus dibubarkan supaya tidak mengecualikan sesiapa daripada tanggungjawab mereka	
		<p><b><u>CADANGAN</u></b></p> <p>47. (1) Tertakluk kepada subseksyen (2), (3) dan (5), pemaju pembangunan baru yang berada di dalam kawasan pengagihan bekalan air atau kawasan perkhidmatan pembentungan pemegang lesen perkhidmatan, mengikut mana-mana yang berkenaan, hendaklah, setelah perakuan penerimaan sistem bekalan air atau sistem pembentungan itu atau sebahagian daripada sistem itu dikeluarkan oleh pemaju sistem bekalan air atau sistem pembentungan itu, menyerahkan sistem bekalan air atau sistem pembentungan itu atau sebahagian daripada sistem itu yang berada di dalam pembangunan itu kepada pemegang lesen pengagihan air atau pemegang lesen perkhidmatan yang menyediakan perkhidmatan pembentungan, mengikut mana-mana yang berkenaan, tanpa apa-apa kos, bagi maksud yang dinyatakan dalam subseksyen (3).</p> <p>(2) Pemegang lesen perkhidmatan itu hendaklah menerima sistem bekalan air atau sistem pembentungan itu atau sebahagian daripada sistem itu, mengikut mana-mana yang berkenaan, selepas pemegang lesen perkhidmatan itu berpuas hati bahawa sistem bekalan air atau sistem pembentungan itu atau sebahagian daripada sistem itu memenuhi kehendak yang dinyatakan dalam rancangan dan spesifikasi yang diluluskan serta standard.</p> <p>(3) Apabila sistem bekalan air atau sistem pembentungan itu atau sebahagian daripada</p>	



		<p><i>sistem itu diserahkan kepada pemegang lesen perkhidmatan, pemegang lesen perkhidmatan itu hendaklah, jika dikehendaki, diberi kuasa untuk mengendalikan dan menyenggarakan sistem itu jika difikirkan perlu oleh pemegang lesen perkhidmatan itu.</i></p> <p><i>(4) Pemaju hendaklah memberikan atau menyebabkan supaya pemilik tanah untuk memberikan pemegang lesen perkhidmatan akses ke sistem bekalan air dan sistem pembetulan itu atau sebahagian daripada sistem itu bagi maksud pengendalian dan penyenggaraan sistem itu.</i></p> <p><i>(5) Seseorang yang tidak mematuhi seksyen ini melakukan suatu kesalahan dan boleh, apabila disabitkan, didenda tidak melebihi tiga ratus ribu ringgit atau dipenjarakan selama tempoh tidak melebihi tiga tahun atau keduanya.</i></p>	
Bab 2: Klausula 54	<b>Pengurangan atau pemberhentian bekalan</b>	<p>Seksyen 54 adalah peruntukan yang tidak umum termasuk dalam lain-lain Akta. Ianya tidak termasuk kewajipan pemegang lesen menyediakan notis keutamaan kepada pengguna bagi merancang aktiviti mereka. Sebahagian daripada peruntukan juga termasuk sub-klausula, dimana klarifikasi menyatakan pemilihan kos bekalan air adalah dari pemegang lesen.</p>	Tiada dalam mana-mana akta yang dirujuk
		<p><b><u>CADANGAN</u></b></p> <p><i>54 (1) Mana-mana pemegang lesen pengagihan air boleh, dengan kelulusan Suruhanjaya-</i></p> <p><i>(a) mengurangkan jumlah atau tekanan air yang dilabelkan kepada mana-mana pengguna jika disebabkan oleh apa-apa hal keadaan yang diluar kawalannya air tidak mencukupi untuk membolehkan jumlah yang penuh dibekalkan; atau</i></p> <p><i>(b) memberhentikan secara sementara bekalan air</i></p> <p><i>(2) Pemegang lesen pengagihan air itu tidaklah bertanggung bagi apa-apa kerosakan yang dihadapi oleh mana-mana orang atau pada harta atau bagi apa-apa pengurangan atau pemberhentian bekalan air yang-</i></p> <p><i>(a) diluluskan oleh Suruhanjaya;</i></p> <p><i>(b) disebabkan oleh hal keadaan atau kemalangan yang tidak diakibatkan oleh pelakuan atau tingkah lakunya sendiri; atau</i></p> <p><i>(c) disebabkan oleh penyambungan kelengkapan atau lengkapan air yang</i></p>	

L A M P I R A N A

		<p><i>tidak dibenarkan</i></p> <p><i>(3) Melainkan jika dikecualikan atau dibenarkan selainnya dibawa Akta ini atau perundangan subsidiarinya, pemegang lesen pengagihan air itu hendaklah mengambil semua langkah perlu yang dikehendaki, termasuk menyediakan air melalui lori tangki air, untuk memastikan bahawa pengguna di dalam kawasan pengagihan bekalan airnya dibekalkan air.</i></p> <p><b>Kos penyediaan gantian bekalan mestilah ditanggung oleh pemegang lesen.</b></p> <p><b>(4) Klausula di atas hanya boleh digunakan semasa pemegang lesen memberi notis pada masa tidak kurang tujuh hari dan notis tersebut boleh didapati dan disiarkan kepada pengguna berkenaan.</b></p>	
Klausula 56	<b>Kuasa khas semasa kecemasan</b>	Sesetengah sub seksyen dalam klausula ini tidak mencerminkan integriti dan ketelusan dan ia menggambarkan kuasa dominasi yang diberikan kepada Menteri serta tiada satu sistem <b>"check and balance"</b>	
		<p><b><u>CADANGAN</u></b></p> <p><i>56. (1) Menteri hendaklah mempunyai mana-mana atau semua kuasa yang berikut semasa suatu kecemasan:</i></p> <p><i>(a) melarang atau menyekat penggunaan air –</i></p> <p><i>(i) secara amnya atau bagi maksud yang dinyatakan;</i></p> <p><i>(ii) semasa waktu-waktu yang dinyatakan atau selainnya; atau</i></p> <p><i>(b) mengenakan –</i></p> <p><i>(i) had ke atas jumlah air yang boleh digunakan bagi apa-apa tempoh yang dinyatakan;</i></p> <p><i>(ii) apa-apa surcaj berkenaan dengan penggunaan air yang melebihi had yang dikenakan <b>setelah memberi notifikasi dan justifikasi</b>; atau</i></p> <p><i>(iii) apa-apa syarat lain yang difikirkan perlu oleh Menteri;</i></p> <p><i>(c) memerintahkan pemegang lesen atau mana-mana orang yang memiliki atau mengendalikan suatu sistem bekalan air untuk menghentikan pengendaliannya atas apa-apa terma dan selama apa-apa tempoh yang difikirkan perlu oleh Menteri; atau</i></p> <p><i>(d) memerintahkan mana-mana orang untuk membekalkan air atas apa-apa terma dan syarat yang difikirkan perlu oleh Menteri <b>setelah mendapat kelulusan</b></i></p>	

		<p><b>Suruhanjaya.</b></p> <p>(2) Menteri hendaklah, dengan secepat yang dapat dilaksanakan, selepas menjalankan mana-mana atau semua kuasanya yang dinyatakan dalam subseksyen (1), menyiarkan suatu notis dalam Warta yang menyatakan butir-butir mengenai kuasa yang telah dijalankan dan tindakan yang telah diambil di bawah subseksyen (1).</p> <p>(3) Menteri boleh atas apa-apa alasan yang difikirkannya patut —</p> <p>(a) mengehendkan pemakaian subseksyen (1) bagi kawasan, kumpulan, golongan orang, premis atau aktiviti yang dinyatakan; dan</p> <p>(b) menggantungkan atau mengetepikan mana-mana peruntukan seksyen ini.</p> <p>(4) Menteri boleh mengarahkan Suruhanjaya supaya —</p> <p>(a) mengambil milikan sementara ke atas mana-mana sistem bekalan air pemegang lesen dan mengendalikannya atau mengarahkan mana-mana orang lain untuk mengendalikannya mengikut apa-apa cara difikirkan patut oleh Menteri; dan</p> <p>(b) mengambil atau menyebabkan diambil apa-apa langkah termasuk pemasangan peranti penyekatan, pengawalan dan penyukatan serta pengawalseliaan dan pengawalan pelupusan perkakas yang perlu bagi memastikan pematuhan seksyen ini, dan pemegang lesen yang mempunyai kawalan atau milikan ke atas sistem bekalan air itu hendaklah menyerahkan kawalan atau milikan ke atas sistem bekalan air itu kepada mana-mana pegawai yang diberi kuasa oleh Suruhanjaya bagi maksud itu atau mana-mana orang lain yang difikirkan patut oleh Menteri serta pemegang lesen itu hendaklah mengambil segala langkah dan memberikans segala bantuan yang dikehendaki oleh Suruhanjaya, pegawai atau orang itu.</p> <p>(5) Seseorang yang tidak mematuhi perintah Menteri atau larangan, sekatan atau penganan kuasa yang dibuat di bawah subseksyen (1) atau kehendak di bawah subseksyen (4) melakukan suatu kesalahan dan boleh, apabila disabitkan, didenda tidak melebihi tiga ratus ribu ringgit atau dipenjarakan selama tempoh tidak melebihi tiga tahun atau kedua-duanya.</p> <p>(6) Jika mana-mana premis dihuni oleh</p>	
--	--	--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	--

L A M P I R A N A

		<p>mana-mana orang selain pemiliknya, penghuni premis itu hendaklah dianggap telah melakukan kesalahan di bawah seksyen ini melainkan jika dibuktikan bahawa dia telah mengambil semua langkah yang munasabah untuk mencegah pelakuan sedemikian.</p> <p>(7) Kerajaan Persekutuan, Suruhanjaya dan pekerja serta ejen mereka tidaklah bertanggungjawab bagi apa-apa tindakan kerana rancanganggaran kontrak atau kerana apa-apa kerugian atau kerosakan yang disebabkan oleh apa-apa pemberhentian, pemotongan, pengurangan atau penyekatan bekalan air di bawah seksyen ini.</p> <p>(8) Tiap-tiap pemegang lesen dan pekerja serta ejen mereka <b>akan</b> bertanggungjawab bagi apa-apa tindakan kerana rancanganggaran kontrak atau kerana apa-apa kerugian atau kerosakan yang disebabkan oleh apa-apa pemberhentian, pemotongan, pengurangan atau penyekatan bekalan air di bawah seksyen ini kecuali jika pemberhentian, pemotongan, pengurangan atau penyekatan bekalan air itu telah disebabkan oleh—</p> <p>(a) kecuaiannya atau perbuatan sengaja pemegang lesen, pekerja atau ejen mereka; atau</p> <p>(b) rancanganggaran oleh pemegang lesen terhadap terma dan syarat lesennya atau peruntukan Akta ini atau perundangan subsidiarinya.</p> <p>(9) Seseorang yang disebut dalam perenggan (1)(c) dan (d) tidaklah bertanggungjawab bagi apa-apa tindakan kerana rancanganggaran kontrak atau kerana apa-apa kerugian atau kerosakan yang disebabkan oleh apa-apa pemberhentian pengendalian atau bekalan air, mengikut mana-mana yang berkenaan, di bawah seksyen ini.</p> <p>(10) Bagi maksud seksyen ini, suatu "kecemasan" ertinya suatu hal keadaan apabila —</p> <p>(a) bekalan air tidak mencukupi disebabkan oleh kemarau yang teruk atau pergolakan industri, mogok atau sekat-masuk;</p> <p>(b) bekalan air atau sistem bekalan air membahayakan atau menimbulkan ancaman kepada keselamatan awam atau kesihatan awam; atau</p> <p>(c) suatu kejadian berlaku yang menimbulkan keadaan yang mendesak sehinggakan Menteri mendapati perlu untuk menjalankan kuasanya di bawah seksyen ini.</p>	
--	--	----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	--

Klausa 59	<b>Kehendak supaya saluran yang sepatutnya bagi kumbahan dibuat</b>	Seksyen ini juga perlu diselarikan dengan seksyen 36 (4), yang menyatakan bahawa apa-apa kos pembaikan, penggantian atau baik pulih paip komunikasi haruslah ditanggung oleh pemegang lesen. Seksyen ini harus dibaca bersama seksyen 47.	
		<p><b><u>CADANGAN</u></b></p> <p>59. (1) Jika mana-mana bangunan pada bila-bila masa yang kumbahannya tidak disalurkan dengan sepatutnya melalui paip sambungan persendirian yang mencukupi yang bersambung dengan pemetung awam atau sistem pemetungan awam mengikut Akta ini atau perundangan subsidiarinya atau selainnya sehingga Suruhanjaya berpuas hati, Suruhanjaya boleh memberikan notis secara bertulis yang menghendaki <b>pemegang lesen</b> itu atau, jika pemilik atau perbadanan pengurusan itu tidak dapat dikesan dengan usaha yang munasabah, penghuni bangunan itu supaya membina atau meletakkan dari bangunan itu suatu paip daripada apa-apa bahan atau saiz pada suatu aras dan dengan kelandaian yang difikirkan perlu oleh Suruhanjaya yang membolehkan kumbahan disalurkan dari bangunan itu atau untuk mendirikan atau membina apa-apa sistem lain yang difikirkan perlu oleh Suruhanjaya.</p> <p>(2) Jika pemilik, perbadanan pengurusan atau penghuni yang kepadanya notis di bawah subseksyen (1) telah dikeluarkan tidak mematuhi notis itu dalam masa yang dinyatakan dalam notis itu, Suruhanjaya atau mana-mana orang yang diberi kuasa olehnya boleh membina atau meletakkan paip atau menyebabkan supaya paip itu dibina atau diletakkan dan mendapatkan kos dan belanja yang dilakukan dalam membina dan meletakkan paip itu daripada <b>pemegang lesen</b>.</p> <p>(3) Seseorang yang tidak mematuhi notis yang diberikan di bawah subseksyen (1) melakukan suatu kesalahan dan boleh, apabila disabitkan, didenda tidak melebihi <b>dua ratus</b> dan lima puluh ribu ringgit atau dipenjarakan selama tempoh tidak melebihi enam bulan atau kedua-duanya.</p>	
Klausa 63	<b>Kuasa untuk memasang atau membina sistem pemetungan persendirian</b>	Klausa ini haruslah diubah kerana pemegang lesen bertanggungjawab memberi perkhidmatan pemetungan kepada pengguna walaupun perkhidmatan tersebut adalah perkhidmatan persendirian. In juga akan menyelaraskan seksyen ini dengan seksyen 47 dan 59.	

L A M P I R A N A

		<p><b><u>CADANGAN</u></b></p> <p>63. (1) Suruhanjaya boleh mengarahkan pemegang <b>lesen perkhidmatan atau lesen pembetulan</b> mana-mana premis, atau jika pemilik atau perbadanan pengurusan itu tidak dapat dikesan dengan usaha yang munasabah, penghuni premis itu, untuk memasang atau membina suatu sistem pembetulan persendirian untuk premis itu sebagaimana yang disifatkan perlu oleh Suruhanjaya.</p> <p>(2) Kos pembinaan atau pemasangan sistem pembetulan persendirian itu hendaklah ditanggung oleh <b>lesen perkhidmatan atau lesen pembetulan</b> premis itu, atau jika <b>lesen perkhidmatan atau lesen pembetulan</b> itu tidak dapat dikesan dengan usaha yang munasabah, penghuni itu.</p>	
Bab 3 : Klausa 66	Hukuman ini disebabkan oleh gangguan akibat daripada sistem pembetulan swasta.	Ini menyebabkan pemilik berkemungkinan mengingkari arahan Suruhanjaya.	
	Hukuman ini disebabkan oleh gangguan akibat daripada sistem pembetulan swasta sewerage sistem	(1) <b><u>CADANGAN: Hendaklah dimasukkan selepas subseksyen (2) Seksyen 66</u></b> Sekiranya pemilik perbadanan pengurusan atau penghuni gagal melaksanakan klausa 66 (2) dalam tempoh yang munasabah, Suruhanjaya boleh mengarahkan pihak ketiga bagi mengurangkan gangguan, kesukaran atau bahaya, dan kos bagi kerja itu ditanggung oleh perbadanan pengurusan atau pemilik.	
<b>BAHAGIAN V</b>	<b>PERLINDUNGAN PENGGUNA, PENYELESAIAN PERTIKAIAN DAN SIASATAN</b>		
Bab 1: Klausa 68	<b>Standard Pengguna</b>	Peruntukan yang diberikan ini harus diberikan tumpuan yang lebih kerana hanya peruntukan ini yang diperuntukkan ke atas tindakan dan standard pertikaian pengguna kepada pemegang lesen.	Water Industry (Scotland Act) 2002: Seksyen 26-28
		<p><b><u>CADANGAN</u></b></p> <p>68. (1) Suruhanjaya boleh, atas inisiatifnya sendiri atau atas syor Forum Air, menyediakan atau menyebabkan supaya disediakan standard pengguna yang hendaklah termasuk tatacara contoh bagi-</p> <p>(a)memenuhi dengan munasabahnya kehendak pengguna;</p> <p>(b)menangani aduan dan pertikaian pelanggan termasuk suatu proses pengantaraan selain mahkamah, dan</p>	

		<p>tatacara bagi pampasan pelanggan dalam hal pelanggaran standard pengguna; dan</p> <p>(c) perlindungan maklumat pengguna</p> <p><b>(d) dalam perihal ini dimana akan membayar gantirugi jika atau sehingga standard tidak dicapai.</b></p> <p>(2) Perkara-perkara yang boleh ditangani dengan standard pengguna boleh termasuk-</p> <p>(a) pemberian maklumat kepada pengguna berkenaan dengan perkhidmatan, kadar dan prestasi;</p> <p>(b) tahap perkhidmatan dan kualiti perkhidmatan yang hendak disediakan untuk pengguna</p> <p>(c) pengadaaan perkhidmatan pembaikan kerosakan;</p> <p>(d) amalan pengenaan caj, pengebilan, pengutipan dan kredit pelanggan; dan</p> <p>(e) apa-apa perkara lain yang berkaitan dengan pengguna.</p> <p><b>(3) Kod Standard Pelanggan mestilah dihantar kepada Suruhanjaya tidak lebih daripada tarikh dimana pemegang lesen menghantar skim bayaran pertama kepada Suruhanjaya.</b></p>	
<b><u>CADANGAN BAGI SEKSYEN TAMBAHAN</u></b>	Persetujuan ke atas Kod Standard Pelanggan	<p>(1) Pesuruhjaya boleh meluluskan kod standards pelanggan selepas perundingan dengan Forum Air, di bawah seksyen 68-</p> <p>(a) tanpa mengubahsuai, atau</p> <p>(b) dengan beberapa pengubahsuaian sebagai dipersetujui oleh Suruhanjaya dan Parlimen</p> <p>(2) Dimana-</p> <p>(a) Suruhanjaya tidak bersedia untuk memberi kelulusan dibawah subseksyen 68 dan</p> <p>(b) Pemegang lesen tidak bersetuju pada beberapa atau semua pengubahsuaian yang dicadangkan oleh Suruhanjaya,</p> <p>(c) Suruhanjaya mesti menghantar kod (dengan mana-mana pengubahsuaian yang dipersetujui oleh Suruhanjaya kepada Menteri.</p>	
Klausa 69(1)	Forum Air	Keanggotaan badan ini tidak diperincikan dengan jelas	CC Water UK
		69. (1) Suruhanjaya boleh menamakan suatu badan industri sebagai forum pengguna yang dikenali sebagai "Forum Air" bagi maksud Akta ini dengan memberitahu badan itu secara bertulis, jika Suruhanjaya berpuas hati bahawa—	

L A M P I R A N A

		<p>(a) keanggotaan badan itu terbuka kepada <b>anggota kerajaan, pertubuhan sivil, persatuan pengguna, kumpulan penduduk, masyarakat awam atau pihak-pihak lain yang berkaitan;</b></p> <p>(b) badan itu berupaya untuk melaksanakan sebagaimana yang dikehendaki di bawah peruntukan Akta ini yang berkaitan; dan</p> <p>(c) badan itu mempunyai perlembagaan bertulis.</p> <p>(d) <b>badan ini tidak terlibat atau tidak mempunyai sebarang kaitan dengan mana mana pemegang lesen atau penyedia perkhidmatan.</b></p>	
Klausa 70	Fungsi Forum Air	Perkataan "hendaklah" tidak sesuai.	
		<p><b><u>CADANGAN</u></b></p> <p>70. (2) Suruhanjaya <b>mestilah</b> mengambil kira dengan sewajarnya syor-syor Forum Air dalam perjalanan kuasanya dan pelaksanaan fungsinya di bawah Akta ini.</p>	
Klausa 72(2)	Prosedur Pertikaian	Suruhanjaya sewajarnya menggunakan penimbangtara atau sistem pengantaraan yang sedia ada.	
		<p><b><u>CADANGAN</u></b></p> <p>72. (2) Jawatankuasa hendaklah menggunakan satu set peraturan bagi mana-mana penimbangtara atau badan pengantaraan berdaftar di Malaysia untuk mendengar pertikaian.</p>	
Klausa 80(1) (a)	Siasatan awam dan bahan-bahan sulit.	Selanjutnya dipastikan untuk kepentingan awam	
		<p><b><u>CADANGAN</u></b></p> <p>Memasukkan pada akhir perenggan seperti berikut, "...yang melibatkan keselamatan negara."</p>	
Klausa 80 (1) (b)	Siasatan awam dan bahan-bahan sulit.	Kepentingan awam, tadbir urus yang baik dan bersikap telus.	
		<p><b><u>CADANGAN</u></b></p> <p>Keseluruhan perenggan dikeluarkan.</p>	
Klausa 80 (3)	Siasatan awam dan bahan-bahan sulit.	<p><b><u>CADANGAN</u></b></p> <p>Memasukkan pada akhir perenggan, seperti berikut: "... sekiranya pada apa-apa keadaan tidak dapat menghalang kehadiran orang yang melakukan kesalahan itu daripada Forum Pengguna, persatuan-persatuan pengguna."</p>	



Klausa 81 (3)(a)	Laporan Siasatan Awam	Langkah awal dalam memutuskan tindakan undang-undang masa akan datang dan juga akan melindungi individu tertentu dalam pertubuhan.	
Klausa 81 (3)(a) Klausa 81 (3)(b)	Laporan Siasatan Awam	<b><u>CADANGAN</u></b> <i>Memasukkan dalam perenggan, seperti berikut: "... yang memberi kesan kepada keselamatan negara." Mengeluarkan ayat dan memasukkan klausa baru berdasarkan susunan abjad baru.</i>	
<b>BAHAGIAN VI</b>	<b>KADAR, CAJ DAN DEPOSIT</b>		
Klausa 84	Kadar, caj dan deposit	<b><u>CADANGAN</u></b> <i>Kadar tarif hendaklah berdasarkan kepada kos yang dikenakan oleh pemegang lesen individu untuk membekalkan air di kawasan operasinya. Ini kerana kos, seperti air mentah, NRW, kos pembangunan, tahap kecekapan, dan gaji berbeza di antara satu negeri dengan negeri yang lain.</i>	
Klausa 85	Kuasa mengecualikan daripada kadar, caj dan deposit	<b><u>CADANGAN</u></b> <i>Pada baris 2, perkataan, "pembetulan.." diperjelaskan. Andaian, "...air .." atau "... air dan pembetulan..."</i>	
Klausa 87(2)	Kuasa memerlukan deposit	<b><u>CADANGAN</u></b> <i>Rebat tahunan hendaklah diberikan kepada pengguna berdasarkan kadar faedah yang diterima daripada deposit. (TNB memberikan rebat tahunan)</i>	
Klausa 88(1)	Mendapatkan wang yang perlu dibayar	<b><u>CADANGAN</u></b> <i>Bayaran hendaklah dibuat dalam tempoh 30 hari daripada tarikh bil diserahkan. (TNB memberikan 30 hari kelonggaran masa. Kebanyakan rakyat mendapat pendapatan bulanan.)</i>	
Klausa 88	Mendapatkan Wang yang kena dibayar	Jangkamasa yang dibenarkan bagi pengguna untuk membuat bayaran iaitu 14 hari harus ditukar kepada 45 hari selaras dengan Seksyen 89.	
		<b><u>CADANGAN</u></b> <i>88. (1) Apa-apa jumlah wang yang berkenaan dengan — (a) air yang dibekalkan atau perkhidmatan yang diberikan berkaitan dengan bekalan itu; atau (b) penyediaan perkhidmatan pembetulan, hendaklah kena dibayar, dalam masa <b>empat</b></i>	

L A M P I R A N A

		<p><i>puluh lima</i> hari dari tarikh penyerahan bil, kepada pemegang lesen perkhidmatan itu dan jika jumlah itu tidak dibayar sedemikian, jumlah itu hendaklah didapatkan oleh pemegang lesen perkhidmatan melalui tindakan sivil di mahkamah.</p> <p><b>(2) Sebelum menjalankan kuasanya di bawah subseksyen (1), pemegang lesen pengagihan air hendaklah memberikan suatu notis bertulis kepada pemilik, perbadanan pengurusan atau penghuni premis atau pengguna itu untuk meremedikan atau membetulkan keingkarannya atau rancangannya itu dalam masa tiga puluh hari dari penerimaan notis itu serta dengan mengambil kira strata pengguna seperti dalam seksyen 33 (2)</b></p> <p><i>(3) Suatu pernyataan bertulis oleh pekerja pemegang lesen yang diperakui dengan sewajarnya oleh pemegang lesen atau mana-mana orang yang diberi kuasa olehnya yang menyatakan amaun yang kena dibayar hendaklah menjadi keterangan prima facie mengenai bayaran yang kena dibuat oleh pengguna di bawah subseksyen (1).</i></p> <p><i>(4) Penjalanan kuasa yang diberikan oleh seksyen ini hendaklah tanpa menjejaskan kuasa pemegang lesen itu di bawah seksyen 89.</i></p>	
<p>Klausa 89</p>	<p><b>Pemberhentian bekalan air kerana kegagalan membayar</b></p>	<p>Sebagai badan yang mewakili kepentingan para pengguna, FOMCA merasakan keseluruhan peruntukan seksyen 89 tidak meletakkan air sebagai berbeza daripada komoditi yang lain. Air merupakan keperluan asas, yang memainkan peranan penting dalam kehidupan dan kesihatan manusia. Oleh itu, tumpuan seksyen ini hendaklah diubah bagi menampilkan pendekatan sosial.</p>	<p>France Water Law 1992 Water Services etc (Scotland) Act 2005: Seksyen 16-20 <b>UK tidak mengamalkan pemberhentian bekalan air</b></p>
		<p><b><u>CADANGAN</u></b></p> <p>89. (1) Tertakluk kepada subseksyen (2), pemegang lesen pengagihan air boleh—</p> <p>(a) memberhentikan bekalan air kepada seorang pengguna dengan memutuskan paip air perkhidmatan atau memotong bekalan air termasuk hak untuk mengurangkan bekalan air atau tekanan bekalan air; dan</p> <p>(b) mengambil apa-apa kaedah lain sebagaimana yang disifatkannya patut dan wajar.</p> <p>(2) Pemegang lesen pengagihan air boleh menjalankan kuasanya di bawah subseksyen (1) jika pemunya, perbadanan pengurusan, penghuni atau pengguna—</p> <p>(a) tidak menjelaskan amaun bagi —</p> <p>(i) air yang telah dibekalkan;</p> <p>(ii) perkhidmatan yang telah diberikan berkaitan dengan pembekalan air;</p> <p>(iii) perkhidmatan pemetungan yang telah diberikan; atau</p>	

		<p>(iv) deposit yang dikehendaki di bawah seksyen 87, dalam tempoh <b>empat puluh lima hari</b> dari tarikh penyerahan bil;</p> <p>(b) yang, setelah mempunyai suatu kontrak dengan pemegang lesen pengagihan air bagi bekalan air, membenarkan atau menyebabkan apa-apa bekalan air sedemikian disalurkan atau dibawa atau digunakan di luar premis itu bagi maksud selain maksud kontrak itu kecuali bagi pepadaman kebakaran;</p> <p>(c) menyalahgunakan atau membazirkan atau menyebabkan atau membenarkan supaya disalahgunakan atau dibazirkan apa-apa air yang dibekalkan ke premisnya;</p> <p>(d) setelah bersetuju untuk menggunakan air yang dibekalkan bagi suatu maksud tertentu sahaja, menggunakan atau menyebabkan atau membenarkan supaya air itu digunakan bagi maksud yang berlainan selain pepadaman kebakaran; atau</p> <p>(e) telah melanggar mana-mana peruntukan Akta ini atau perundangan subsidiarinya.</p> <p>(3) Sebelum menjalankan kuasanya di bawah subseksyen (1), pemegang lesen pengagihan air hendaklah memberikan suatu notis bertulis kepada pemilik, perbadanan pengurusan atau penghuni premis atau pengguna itu untuk meremedikan atau membetulkan keingkaran atau pelanggaran itu dalam masa <b>tiga puluh hari</b> dari penerimaan notis itu.</p> <p>(4) Jika apabila tamatnya tempoh yang dinyatakan dalam notis yang diberikan di bawah subseksyen (3), pemilik, perbadanan pengurusan atau penghuni premis atau pengguna itu, mengikut mana-mana yang berkenaan, tidak meremedikan atau membetulkan keingkaran atau pelanggaran itu, pemegang lesen pengagihan air itu boleh terus menjalankan kuasanya di bawah subseksyen (1) <b>dengan memberikan pertimbangan kepada pengguna yang disenaraikan di bawah subseksyen 33(2).</b></p> <p><b>(5)Subseksyen (4) tidak boleh dilaksanakan jika pemegang lesen tidak boleh menyambung semula bekalan dalam tempoh 24 jam setelah pembayaran dibuat.</b></p> <p>(6) Tiada apa-apa jua dalam Akta ini boleh menghendaki pemegang lesen pengagihan air itu untuk menjalankan hak dan remedinya di bawah perenggan (1)(b) sebelum ia menjalankan hak dan remedinya di bawah perenggan (1)(a).</p> <p>(7) Jika—</p> <p>(a) pemegang lesen pengagihan air menjalankan kuasanya di bawah subseksyen (1) berkenaan dengan mana-mana premis; dan</p> <p>(b) bekalan air atau perkhidmatan pembetulan disediakan ke premis itu dan juga ke premis lain</p>	
--	--	-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	--

L A M P I R A N A

		<p>yang keseluruhannya atau sebahagiannya melalui paip air perkhidmatan yang sama, pemegang lesen pengagihan air itu boleh menjalankan kuasa yang sama terhadap premis yang lain itu jika dan hanya jika orang yang sama adalah penghuni premis itu dan juga premis yang lain itu.</p> <p>(8) Pemegang lesen pengagihan air boleh mendapatkan kos pemberhentian bekalan air dan penyambungan semula bekalan air selepas pemberhentian bekalan itu daripada pemilik atau penghuni premis itu mengikut cara yang diperuntukkan di bawah seksyen 88 dan sehingga dan melainkan jika kos pemberhentian dan penyambungan semula itu dan semua jumlah wang yang kena dibayar kepada pemegang lesen pengagihan air itu (termasuklah kehendak bagi pemilik dan penghuni itu untuk mencukupkan semula deposit) telah dibayar, pemegang lesen pengagihan air itu tidaklah berkewajipan untuk menyambungkan semula bekalan air ke premis itu dan pemegang lesen pengagihan air itu tidaklah bertanggung bagi apa-apa kerosakan yang dihadapi oleh mana-mana pengguna atau orang atau harta disebabkan oleh pemberhentian itu.</p> <p>(9) Jika semua kos dan jumlah wang yang boleh dibayar kepada pemegang lesen pengagihan air di bawah seksyen ini (termasuklah kehendak supaya pemilik dan penghuni itu mencukupkan semula deposit) telah dibayar, pemegang lesen pengagihan air itu hendaklah dalam masa tiga hari dari tarikh pembayaran penuh tu menyambungkan semula bekalan air ke premis itu dengan syarat bahawa pemilik dan penghuni memberikan pemegang lesen pengagihan air itu akses kepada premisnya untuk menjalankan tugas-tugas penyambungan semula.</p> <p>(10) Jika bekalan air ke mana-mana premis telah diberhentikan oleh pemegang lesen pengagihan air dan didapati bahawa bekalan itu telah disambungkan semula tanpa kebenaran pemegang lesen pengagihan air itu, penghuni premis itu hendaklah dianggap, sehinggalah dibuktikan sebaliknya, telah menyambungkan semula atau membenarkan penyambungan semula bekalan air itu dan dia melakukan suatu kesalahan dan boleh, apabila disabitkan, didenda tidak melebihi lima puluh ribu ringgit atau penjara tidak lebih enam bulan atau kedua-duanya.</p>	
--	--	------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	--

<p><b><u>CADANGAN BAGI SEKSYEN TAMBAHAN</u></b></p>	<p><b>Kod Pemberhentian</b></p>	<p><i>a. Bagi tujuan Seksyen 89(1), Suruhanjaya hendaklah menggubal satu kod (kod pemberhentian) yang mengandungi peruntukan lebih terperinci mengenai pemberhentian bekalan air ke premis di bawah seksyen ini.</i></p> <p><i>b. Secara khusus, kod pemberhentian menjelaskan:</i></p> <p><i>i. perihal di mana permohonan, di bawah seksyen 89, boleh (atau tidak boleh) dibuat; dan</i></p> <p><i>ii. syarat-syarat (sebagai tambahan kepada syarat-syarat yang dinyatakan dalam subseksyen 2 seksyen 89) telah dipenuhi sebelum pemberhentian bekalan air.</i></p> <p><i>(3) Satu Kod Pemberhentian hendaklah:</i></p> <p><i>(a) mengandungi peruntukan yang berbeza berdasarkan kes-kes dan jenis-jenis yang berbeza.</i></p> <p><i>(b) membatalkan atau meminda kod sebelumnya.</i></p> <p><i>(4) Dalam penggubalan kod pemberhentian, Suruhanjaya hendaklah mendapatkan pandangan –</i></p> <p><i>(a) Forum Air</i></p> <p><i>(b) Setiap penyedia perkhidmatan air dan penyedia perkhidmatan pembedung</i></p> <p><i>(c) Pengawal selia Kualiti Air Minuman</i></p> <p><i>(d) Mana-mana individu yang dianggap sebagai bersesuaian oleh Suruhanjaya.</i></p> <p><i>(5) Setelah Kod Pemberhentian digubal, Suruhanjaya hendaklah –</i></p> <p><i>(a) membuat urusan bagi membenarkan mana-mana individu untuk memperolehi satu salinan kod;</i></p> <p><i>(b) menghebahkan urusan yang telah dilakukan dan menerbitkan kod tersebut.</i></p>	<p>Water Services etc (Scotland) Act 2005: Seksyen 19</p> <p><b>UK tidak mengamalkan pemberhentian bekalan air.</b></p>
<p><b>Klausa 90</b></p>	<p><b>Hak pemegang lesen pengagihan air yang dilesenkan untuk menyediakan perkhidmatan pembentungan</b></p>	<p>Perkataan “tanpa mengira” tidak boleh digunakan dalam seksyen ini. Seksyen ini harus dimansuhkan kerana ia memberikan terlalu banyak kuasa kepada pemegang lesen serta tiada unsur-unsur penjagaan kepentingan pengguna. Pemegang lesen perkhidmatan pembentungan juga haruslah mempunyai kontrak sah dengan pengguna untuk mengelakkan kekeliruan pada masa hadapan.</p>	
		<p><b><u>CADANGAN</u></b></p> <p>Seksyen ini harus dibubarkan</p>	

L A M P I R A N A

<b>BAHAGIAN VII</b>	<b>TRIBUNAL RAYUAN</b>		
Klausa 92(1)	<b>Perlembagaan Tribunal Rayuan</b>	<b><u>CADANGAN</u></b> <i>Memasukkan pada akhir subklausa ini, subklausa yang baru, seperti berikut: Keanggotaan terdiri daripada wakil-wakil daripada Forum Air, persatuan pengguna dan senat.</i>	
Klausa 94	<b>Perletakan jawatan dan pembatalan perlantikan</b>	<b><u>CADANGAN</u></b> <i>Memasukkan klausa baru pada akhir klausa ini, seperti berikut: (c) pembatalan seperti ini tidak boleh bersifat mala fide</i>	
<b>BAHAGIAN X</b>	<b>KESALAHAN UMUM DAN HUKUMAN</b>		
Klausa 126	<b>Mengambil air daripada pili bomba</b>	<b><u>CADANGAN</u></b> <i>Memasukkan subklausa baru pada akhir klausa ini seperti berikut: (3) Klausa ini tidak boleh diguna pakai bagi kawasan bekalan air di mana tidak terdapat perkhidmatan jabatan bomba di kawasan persekitarannya dan tindakan orang wam mengambil air daripada pili bomba bertujuan untuk niat untuk menyelamatkan nyawa dan harta.</i>	
<b>BAHAGIAN XII</b>	<b>UMUM</b>		
Klausa 171 (2)	<b>Tabung Industri Air</b>	<b><u>CADANGAN</u></b> <i>Pada baris 2, selepas frasa "...mana-mana pemegang lesen..." memasukkan frasa berikut, "...atau pemaju projek perumahan secara bertulis, peraturan ..."</i>	
Klausa 171(3) : subklausa a hingga e	<b>Tabung Industri Air</b>	<b><u>CADANGAN</u></b> <i>Menteri hendaklah membentangkan butiran penggunaan wang daripada Tabung Industri Air pada setiap tahun di Parlimen. (Ini bagi memastikan tabung-tabung ini digunakan berdasarkan tujuan (a) hingga (e).</i>	
<b>KOMEN TAMBAHAN</b>			
	<b>Penjimatan air</b>	Penjimatan air merupakan isu penting yang perlu diberikan keutamaan di Malaysia. Sebelum ini, telah wujud Akta Air 1920 dan Enakmen Bekalan Air 1997. Namun akta-akta ini tidak memperincikan tentang penjimatan air. Oleh itu, Rang Undang-Undang Industri Perkhidmatan Air perlu memasukkan klausa tentang pemuliharaan air.	
<b><u>CADANGAN BAGI SEKSYEN TAMBAHAN</u></b>	<b>Tugas menggalakkan pemuliharaan air</b>	<b><i>Tugas menggalakkan pemuliharaan air 1. Pihak berkuasa yang bersesuaian hendaklah, sekiranya sesuai, mengambil langkah bagi menggalakkan pemuliharaan air.</i></b>	UK Water Act: Seksyen 81,82 and 83

		<p><b>2. Pihak berkuasa yang bersesuaian adalah:</b></p> <ol style="list-style-type: none"> <li><i>i. Kerajaan persekutuan</i></li> <li><i>ii. Kerajaan negeri</i></li> <li><i>iii. Pihak berkuasa berlesen</i></li> <li><i>iv. SPAN</i></li> </ol> <p><b>3. Selepas tempoh tiga tahun bermula dari tarikh seksyen ini dikuatkuasakan, dan pada setiap tiga tahun, Suruhanjaya hendaklah menyediakan laporan tentang langkah yang telah diambil di bawah seksyen ini, atau sebarang langkah seumpama itu yang ingin diambil.</b></p>	
	Tuntutan dan pampasan	<p>Walaupun perihal tentang tuntutan dan pampasan dinyatakan dalam Bab 2, bahagian V – Penyelesaian Pertikaian, namun begitu, tidak terdapat klausa yang khusus tentang pertikaian di antara pengguna dengan pemegang lesen atau pengguna dengan pihak berkuasa, terutamanya berkaitan dengan tuntutan pengguna terhadap perkhidmatan air dan pembedan. Bahagian ini adalah penting bagi memastikan Akta ini mencerahkan secara jelas tanggungjawab semua pemegang lesen terhadap pengguna.</p>	
<b><u>CADANGAN BAGI SEKSYEN TAMBAHAN</u></b>	Tuntutan daripada Perkhidmatan Air dan Pembedan	<p><b><i>Tuntutan daripada Perkhidmatan Air dan Pembedan</i></b></p> <ol style="list-style-type: none"> <li><b><i>1. Seseorang yang menderita kehilangan atau kerosakan boleh membuat tuntutan terhadap pemegang lesen.</i></b></li> <li><b><i>2. Sebarang tuntutan dianggap sebagai pelanggaran kepada tanggungjawab undang-undang.</i></b></li> <li><b><i>3. Dalam proseding berkaitan tuntutan di bawah seksyen ini, mahkamah tidak boleh mengenakan injunksi terhadap pemegang lesen jika ia boleh menyebabkan risiko gangguan bekalan air kepada awam, atau risiko kesihatan dan keselamatan awam.</i></b></li> <li><b><i>4. Melainkan sekiranya diperuntukkan di dalam seksyen ini, tidak ada sebarang tuntutan boleh dibuat dalam proseding awam oleh seseorang (sama ada seseorang itu mempunyai kaitan atau tidak) terhadap penyari sekiranya mengalami kehilangan atau kerosakan yang disebabkan oleh penyarian air.</i></b></li> <li><b><i>5. Tidak ada dalam seksyen ini yang boleh menghalang atau mempengaruhi tuntutan terhadap kecuai atau pelanggaran kontrak.</i></b></li> </ol>	